

გაბრიელ ცაქანიძე

მუსხვიანი

ნოვქვიძე



თბილისი
"მერანი-3"
1999

მეცხვარეები თხრობის იშვიათი ოსტატები არიან, თხრობისაც და მოსმენისაც (ორივე თანაბრად ღვთიუმოძაღლებული ნიჭი მგონია). საკვირველი კია: კაცი, რომელიც თავისი ცხოვრების დიდ ნაწილს მარტოობაში, უბრად ატარებს, მშენიერი მოსაუბრეა. ერთი დროა და... თითქმის ყოველთვის ასე იწყებს მეცხვარე საუბარს. დაიწყებს და გაიზობს ამბავს, რომელიც ხატოვანებით, გარემოსა და მოვლენების ხედვითა და გადმოცემით, ზოგჯერ მსუბუქი იუმორითაც, მართლაც, სასიამოვნო მოსასმენია. აქ წარმოდგენილი ჩანაწერების უმეტესობა მეცხვარეთაგან მაქვს გაგონილი და, ჩემი მეხსიერების შესაძლებლობის კვალობაზე, გადმოტანილი ქალაქდზე. მე მათ ნოველებს ვეძახი. თქვენ რას დაარქმევთ, თქვენი საქმეა. ერთში არ მეპარება ეჭვი: დღე და ღამ ველად, ბუნების პირისპირ მაცხოვრებელი კაცის თავგადასავალი საინტერესო უნდა იყოს წასაკითხადაც და მოსასმენადაც. ავტორები, ცხადია, მეცხვარეები არიან, მე, გნებავთ, მათ რედაქტორად მიმიჩნით.

მხატვარი თენგიზ მირზაშვილი
რედაქტორი ლეილა სიხარულიძე

მისხვაჲითმოცაჲუნი ანგულონი

მისო თურქოშეილს

ის დროა, ღვინომ რომ იძალა და მესუფრენი ერთმანეთს აღარ უსმენენ, იცინიან, სორსოცობენ, უაუჟიებენ.

– ამათ მანც ვერაფერს გაგაგებინებ და შენ გეტყვი, შენ მომისმინე, – მე მომიბრუნდა მიხო ძია, დიდ მეცხვარეთა შთამომავალი, თვითონაც ნამეცხვარევალი, ახლა გაშინაურკაცებული. – არ კი მახსოვს, რომელი წელი იყო, ჯეილადა ვარ, ჯერ თითქოს ბაღლადაც. ბერწსა ვტანივარ ლეკოანაში. გივლია შენ მაგ მხარეს? არა, არ იქნები ნავალი, ეგ წოვების ადგილია, ჩაღმები მანდეთ არ დადიან. კოლექტივობა კი იყო უკვე, კოლექტივის ცხვარი მყავს. იქ ერთი კარგი ქვიშიანი საბინაოა, სახელადაც ქვიშიანტაფი ჰქვიან, იქა მაქვს ნაწიდარი, ღამის სადგომი. ჩემი საწოლიც იქვე თეფაზე

მაქვს აჩენილი, ისე რომ, ნაბდის ყურს ავწევ და მთელი ფარა თვალწინაა.

ერთი დროცაა, დაღამდა, დაეწევი. დარი საღამოა, მოწმენდილ-მოკაშკაშებული, ცას ვარსკვლავი სტყვრება, იგეთი ღამეა. მძინავს, კაცო, და ერთიანად თითქოს ვილაცამ დამიძახა: ბაღლო, ადექი, ადგილი გამაიცვალეო. მძინარს ჩამომწვდა, თითქოს მამაჩემის ხმასა ჰგავს. გამომღვიძა, წაძოვიხედვ. აქვთ-იქით ვიყურები. ვამბობ. მამაჩემს აქ რა უნდა. ის ბინაშია, კაცო, საწველ ბინაში, აქედან კარგა შორია. მოღრუბლულა, ბნელა. ცოტა-ცოტა წვეთებიც ჩამოდის წვიმისა. ისევ მივწევი, ჩავყავი თავი ნაბადში. ბურანში წავედი, უნდა ჩამეძინოს და ისევ მომესმა, ისევ იმავე ხმამ გაჯავრდომით დამიძახა: ბაღლო, აკი გითხარი, ადგილი გამაიცვალეო. წვიმა დაუწყია. აქა-იქა ელავს კიდევაც, ცერის პირებს გრუხუნი მოჰყვება. ვამბობ ჩემთვის, ეს რა უნდა იყოს, ნეტა რა არი? ავდექი და ერთი ათი საუნით ქვევით გადავედი, ნაწიდრის ქვემოთა პირში დაეწევი.

ამასობაში წვიმამაც იმატა და ჭექა-ქუხილმაც მოუხშირა. მაგრამ, ხომ იცი, აბა, რა გესწავლება, მეცხვარეს ძილი საძებნი რომ არა აქვს, ისევ ღამძინებია. ერთიანად ისეთი იჭეხნა იქვე, ჩემი ყურის პირში, რო ვთქვი, ეგაა, ნამდვილად ცა ჩამოიქცა-მეთქი. ფარა

წამოფრთხა და ზედ გადმოძებერტყა. წამოედექი, მაგრამ კარგა ხანი ვერც ვერაფერი დაეინახე, ვერც ვერაფერი გავიგონე, გაბრუებულ-დაყრუებული ვბორიალობ ადგილზე. როგორც იქნა, გონზე მოვედი. ფარას ბოლო პირი დაეუჭირე, ზეეით ნაწიდარზევე შევბერტყე და დავწექი.

გათენდა. გათენებისთვის წვიმამაც გადაიღო, ისევე გაიდარა და რასა ეხედავ, მე რომ ვიწექი, იქ თაუთან ერთი ჩალხანა მედგა, სპილენძის ქვაბი, ჩალმები ერაწუნას არ ეძახით, აი ისა. ეს ქვაბი ზედ შუაზეა გახეთქილი. მეხი ჩამოვარდნილიყო.

აბა, არ არიან მეცხვარეთმოცაური ანგელოზები? მაშ რამ არ დამაყენა იმ ღამეს იმ ადგილზე? ცხადია, ანგელოზმა. მოდი, ჩემო გიორგი, მეცხვარეთმოცაურ ანგელოზებს გაუმარჯოს ღმერთმა, იმათი სადიდებელი იყოს!

გაუმარჯოს მეცხვარეთმოცაურ ანგელოზებს!



ჩიხიას კვირცხები

შუადღის ფარას წველიან. ცხერებით ჩახინცული ბაკის მდორე მასაში გაფანტვით მოჩანს მწველაების თაეები. დასიცხული ცხერების ხენეშა-ქაქანი, ცოხნის ხაწა-ხუწი, წყვილ-წყვილად წამოსული რძის ნაკადების ჩხრიალი ერთმანეთში ირეკა. დროდადრო გაისმის ჯეილების შეხუმრებები, გამაქილიკებელი თუ გამაძხევებელი შეძახილები.

ქოხში კი ორნი არიან. მოხუც გაბრიელს დიდ საჯალაბო ქვაბში გორდილა ჩაუყურია და კერას დასტრიალებს. იქვე საწველ კასრზე ჩამომჯდარი 10-12 წლის ბიჭი ჩუმად შეჰყურებს 'პაპას' საქმიანობას.

რალაცას აუშფოთებია ჩიჩიკა, ქოხის კარის თავზე, დირესა და სახურავს შორის ბუდე რომ აქვს. მიფრინდება

ბუდესთან, მაშინვე გამოფრინდება, კესის სიპზე შემოჯდება, უცბადვე ხან ერთ ჩხაზე გადასკუპდება, ახლა მეორეზე, ადგილზე ცმუტავს, მოუსვენრობს, ჭყივის, ისევ ბუდისკენ გაფრინდება, მერე ისევ გარეთ და ასე.

– კნათ,¹ პაპას კაცო, შენ ხომ არ იცი, რატომ ტირის ეს ჩვენი ჩიტი, რა დაემართა? – ერთი მუგუზლით ცეცხლს გულს უჩხრეკს გაბრიელი.

– ვიცი, პაპა, კერცხები დაუჭამე.



– რა? – მუგუზალი ხელში გაუშეშდა მოხუცს.

– ხო, მე შეეწეო და დაეჭამე.

¹ კნათ – ბიჭი (ბაცბ.)

მოხუცმა ახლავა შეამჩნია კერის პირას დაყრილი ნახევრადდამწვარი სიფრიფანა ჭორფლიანი კვერცხის ნატუჭები.

– ა, დიდება... ბიჭო, გაგაძლო?.. გაგასუქა?.. გაგავსო?.. დამეკარგე აქედან, ფჰარინ კაწ,² ძაღლის დაგდებულო!

კარში გავარდნილ ბავშვს მიყოლებული მუგუზალი ქოხის გასასვლელის ყორეს მიეფშენა.

– ამ მოყვარულ ‘პაპა-შვილიშვილს“ შორის რაღა შავმა კატამ გაირბინა ნეტავი? – ჩაილაპარაკა ახალგაზრდა მწყემსმა, ის-ისაა რძის ქაფით თავმობმული კასრი საწურ კათხაში რომ ჩაცალა.



² ფჰარინ კაწ – ძაღლის ლეკვი (ბაცბ.)

ჩ ა ლ ლ ი

შვიდი-რვათი ვართ საწველ ბაკში. შუა აგვისტოა. ცხელა.

– რამდენი ხანია, დიტოს მოტანილი წყალი აღარ დამიღევიან, ნეტა როგორიღა წყლის მოტანა იცისო, – გახედა ზეზვამ ბაკის ღობეზე ჩამომჯდარ პატარა ბიჭს.

– წყალი მანდ გიდგას და დალიე, ნუ გიყვართ ეს ბაღლების წვალეზაო – ბაძაგელამ.

ბაძაგელა სტუდენტია. ჩემსავით პარსეაში მოსაშველებლადაა მოსული, მამასა და ძმას ეშველება.

– არა, დიტოს მოტანილი მესიამოვნება, თორემ განა წყალი არ არისო – პარსვას აგრძელებს ზეზვა.

– მოვიტან, კაცოო, – ჩამოხტა ღობიდან დიტო,

კასრიდან წყალი დააქცია და ჭირკვანა¹ ბილიკზე ხტომბ-
ხტომით დაეშვა წყაროსკენ.

ბაძაგელ, შენ ამათ აბა ერთი ის უამბე, წყაროს
გზა რომ გვასწავლეო, – ზეზვამ. შიო და ლეო
იცინიან.

– ოხ, რაც იმ ზაფხულს ამათ მაწვალეს! ჯერ
იყო და წველაში. გადავლენ ბაკში და ხან ერთი
დაიძახებს, ბაღლო, წყალიო და ხან – მეორე. მერე
და ცოტა ხნის წინ მოტანილს კი არა სვამენ. სულ
ახალ-ახალი უნდა უზიდო წყაროდან. მოვიტან წყალს,
ჩამოვურიგებ სუყველას, დავალევინებ და რომ მგონია,
ეხლა კი ცოტას დავისვენებო, კიდევ ვიღაცა
დაიძახებს, ბაღლო, წყალიო. მივუტან და ესაო
თბილია, სხვა მოიტანეო. ამ ზეზვამ იცოდა კიდევ,
ცოტას მოსვამს და გადაღვრის, ბაღლო, გემოთი არ
გასინჯეო, ხომ ხედავ, დამუავებულა, წადი, ახალი
მოიტანეო. ვახ, მოვკვდი კაცი, დავიღალე. ერთხელ
კი შევბედე, წადით და ეხლა თქვენ მოიტანეთო და
ჩვენაო წყაროს გზა არ ვიცითო, თორემ განა შენ
გაწვალეობდითო.

ერთხელაც სულ ათი-თხუთმეტი წუთი არაა გასული,

¹ ჭირკვანა – დაკლაკილი, მიხვეულ-მოხვეული გზა.

წყალი მოვიტანე და ეს შიო ეუბნება ბესარო პაპას: კაცო, ბესარო, შენ მაინც უფროსი კაცი ხარ, არც შენ იციო წყაროს გზა საით არისო?

– არა, კაცო, ისე გადაეყრუვდი რო სულ აღარ მახსოვსო.

– კაცო, ზეზვა, შენც არ იციო? და

– აბა მე საიდან მეცოდინება, წყალი სულ ბაძაგელას მოაქვს, მე წყაროზე არც კი ვყოფილვარო – ზეზვამ.

– ახ, ნეტაეი ერთი მაცოდინა, წაეიდოდი, წყალს მოვიტანდიო – შიომ.

მე ვზივარ ჩემთვის, ვითომც არაფერი, ხმას არ ვიღებ.

– ბაღლო, არ გეყურება, რატო არ მიდიხარო, – მამაჩემმა წამტია.

– მე როდის მეუბნებიანო – ბუზღუნ-ბუზღუნით დავაეღე კასრს ხელი და წავედი.

ვთქვი ჩემთვის გზაში, აი დედას გიტირებო, თქვენ თუ წყაროს გზა არ გასწავლოთო. მივედი, ავავსე კასრი, დავდგი იქავე და უცბად ავტეხე ღრიალი, ვაიმე, მი'შველეთო. ვღრიალებ, კაცო, არა ვჩერდები და დადგა კიდევ გრიალი. წინ ზეზვა მოფრინავს, ყველაზე ჯეილი იყო მაშინ, მერე შიო, ბესარო და სხვები მოსდევენ, სულ უკან მამაჩემი მოთრახუნობს. სანამ ახლოს მოვიდოდნენ, მე, ყოველი შემთხვევისათვის, განზე გავდექი.

- რა იყო, ბაბულო, რა გადრიალებსო - ზეზვა მოვარდა.

- აგე, წყარო ემანდ არისო - და ვცვითე თავი საულოლოვნისკე.

- ოხ, შე გამჩენძაღლო, შენაო, - ატეხეს ამათ სიცილი.

- ოხ, შე მშობელძაღლო, - გამოქანდა მამაჩემი და რომ ვერ დამეწია, წამოიღებინა ქვეებს სუსუნნი, მაგრამ რას დამაკლებდა, ის ვაკისძირის ვაკე განახევრებული მქონდა.



ჩხიყვას მე ნაამბობი

ტარიბანაში ვიდექით საზამთროდ. იმ წელს მგელი იყო, მგელი იტევებოდა, რომ ჩემი ამდენი ხნის მეცხვარეობაში ეგეთი მგლიანი წელი არ მახსოვს. თუ დღისით მინდორში, თუ ღამე ბაკში და ფარეხში, იგეთი დღე არ გაუიდოდა, რომ ერთი მაინც არ გაეტანა. ძაღლებიცა გყვავდა, კარგი ძაღლებიც, მაგრამ არა... იგეთი დაგეშილები იყვნენ, იგეთი დამამაძაღლებულები, რომ საიდან რას შეიპარებოდნენ, საიდან რას გაიტანდნენ, ვერც მწყემსი იგებდა ვერაფერს და ვერც ძაღლი.

გვიანი შემოდგომაა, ზამთრის პირი. ის დრო კია, რომ ცხვარი ჯერ ფარეხში არ შეგვირეკია, ბაკებში ვაყენებდით ისევა. სადამოხანს თუში მოგვადგა ერთი, პატარა ნოტო ჰყავს, ერთი ოთხმოც-ასამდე იქნებოდა.

ძალდი სტანია კიდე, ტანმორჩილი რაღაცა, მოყვითალოსაიით. ბანჯგელიანი კია, კუდდაშეებული. ჯერ ის გამიკვირდა, რომა, ჩვენი ძაღლები რომ გაუცვიდნენ, ამან ყური არ უგდო – არც ღრენაო, არც კუდის აწევაო, როგორც მოდიოდა, ეგრევე წამოჰყვა თავის პატრონს. ხეადი კი იყო, მაგრამ არც ჩვენმა ძაღლებმა მიიტანეს ძაღა. იგეთი ავ-შაი ძაღლები გყავდა, სხვა დროს უცხო ძაღლს ეგრევე გადათელაუდნენ ხოლმე და ამას არა, მარტო მიუარ-მოუარეს, დასუნეს და შეეშენენ, ხმაც აღარ გაუციათ.

იმ თუშმა, რომაო, ადგილი არა მაქო, ფშაელებთან ვიყავიო, იქიდან წამოსვლა მომიხდაო, დავარჩიეო და ესლა ეგრე მოვდივარ, იქნება ვინმეს კაცი სჭირდებოდეს, გამარეინოს, რომ ეს ზამთარი თავი გაეიტანო. თქვენ ხომ არ გინდათ კაცი, თქვენ ხომ არ გამარეინებთო. კაცი მართლაც გეჭირდებოდა და ვუთხარი – სარქალი მე ვიყავი – კიო, კაცი როგორ არა გეჭირდებო, მაგრამ მგელია ძალიან არეული, მგელი გვითაეებს ცხვარსა და თუ მაგას არ მეერიდები, დარჩი, იყავი ჩვენთანო.

– არაო – თქვა – მგლისა კი ნუ გეშინიათ, მე ძაღლი მყავსო.

– კაცო, ძაღლები ჩვენცა გყავს, თანაც იგეთები,

რომ თითოს შენი ძაღლი ლუკმად არ ეყოფა, მაგრამ არაფერი გაუდითო – ვუთხარი.

– არაო, მე მგლისა არ მეშინიაო და დარჩა.

ამასობაში დაღამდა კიდევაც, ფარებიც მოვიდა. ამისი ცხვარიც გათვალეთ, გაეურიეთ და ცხვარი ბაკში რომ შედიოდა, ეს თუშის ძაღლიც თან შეჰყვება. გამოდი, ძაღლო, შენ სადღა მიდიხარო, დავუტიე. შევიდესო, ამ თუშმა, მაგან თავისი ადგილი იცისო. კარგი, შევიდეს და შევიდეს. მეც დაყანებუ თაყვი.

ფარები დავაბინავეთ, ლუბები, კოჭლებიც ფარებში შევყარეთ და ბიჭებს ვუთხარი, რომელიმე დარჩით ყარაულადა და დანარჩენები წავიდეთ, პური ვჭამოთო. არაო, ყარაულობა არ გინდათ, ფარასთან ძაღლი იქნებაო, თქვა თუშმა. კარგი, რა იქნება. შევედით ქოხში, შევქუჩდით ყველანი. პურსა ვჭამთ, ჯერ პურის ჭამა არ დაგვიმთავრებია და ამ დროს დადგა ძაღლების გნიასი. გამოვცვიედით გარეთა და რასა ვხედავთ: ბაკში ცხვარი მიაწყდება და მოაწყდება. შუაში ერთი დიდი მგელი ტრიალებს, ყელზე ჩანთასავით ეს თუშის ძაღლი ჰკიდია, მიიქნევს და მოიქნევს, მაგრამ ვერ იგდებინებს. ჩვენი ძაღლები კიდე ყეფით ურბენენ ბაკს გარშემო, შიგ ვერ შედიან, ისეა ცხვარი შეკრული.

– ჩუმიად, ჩუმიად, დააცადეთ, დააცადეთო – ეს თუში გვეუბნება.

იტრიალა იმ მგელმა, იტრიალა და დაეცა. დაეცა და დააჯდა ძაღლი ზემოდან. ცოტა ხანი კიდევ იყო ეგრე ყელზე ჩაფრენილი. მერე გაუშვა და დარჩა მგელი შუა ბაკში. დაეხრჩო.

იმ ზამთარს ხომ ჩვენთან დარჩა ის კაცი. იორდანე ერქვა, კარგი, ჭკვიანი კაცი იყო. ის დღე იყო და მას დღე, ჩვენ მგლისაგან ცხვარი აღარ დაგვეკლებია. ის კი არა და ჩვენი ძაღლებიც ისე დაგვერშა იმ ძაღლმა, რომ მელეხსავით იჭერდნენ მგლებს მინდორში.

გაზაფხულზე, ყავლი რომ გაუვიდა და თავისები რომ დაარჩია წასასვლელად თუშმა, ბიჭებს მოველაპარაკე და რაც ერგებოდა, იმის ზევით სამი თოხლიც ძაღლისა დავუმატეთ ჯამაგირში.



გაბის ნაკვარც

მითხრეს, ერთ ფარას შენ და ხმელოს ბაღლი გაჰყევით, ჩვენ ცხენებს დაენალათო. ზეგ სამთოდ უნდა ავერილიყავით.

სააკაძის აკაკთან ფარას მარცხენა პირი დაუჭირე, ქვემოდან მენერგეების ფარა გამოიშალა და არ დაგვერიოსო, ვიფიქრე. იმათი მეცხვარე წინა პირს უჭერდა. ჩვენი ფარა აკაკის ქვემოთ სანიაგოზე გავიდა, იქ დაეყარა. იმათი ზემოთ განერდა. ბაღახიანი გაზაფხული იყო და ცხვარი მალე ძლებოდა.

აკაკის ჩრდილში გავჩერდი. ხმელოს ბაღლიც იქ მოვიდა. ჩვენსკენ წამოვიდა მენერგეების მეცხვარეც. სალაში, ქალაში. ერთმანეთს ცხვარ-ბინის ამბავი ვკითხეთ. ხნიერი კაცი იყო, ალბათ სამოცდაათს იქითაც. ყოჩაღად კი გამოიყურებოდა. ფშაველი ჩანდა.

რა გვარისები ხართო, გეკითხა. ჩვენ ვუთხარიო.

– შენ იროდაის შვილი იქნები, იერსუდა ჰგავხარო,
– მე მითხრა.

– ჰო, იროდაისი ვარ-მეთქი.

– ღორის წყალზე ვხვდებოდი ჯეილობას. მე ჯეილად ვიყავი, ის ეგრე, შენ დროთად იქნებოდა მაშინო. ცოცხალიოთ არი, როგორ არისო, მოიკითხა.

– სამი წლის წინ გავისტუმრე-მეთქი, ოთხმოცდარვისა.

– ღმერთმა აცხონოს. ჭკვიანი კაცი იყო, ჭკვიანი სიტყვა იცოდა. ჩუმი კი იყო, ცოტას მოლაპარაკე.

ხო და იმ ფშაველმა მიაჩბო. იოსები ერქვა. ჩარბოდაშვილი იყო გვარად.

ერთი დროა, ჯერ მამაშენმა დაალევინა ფარას წყალი ღორის წყალზე და მერე მე ჩავრეკე. სასაუბროდ დამიცადა. ამბავი, მოკითხვა. თამბაქოს ქისა ამოვიღე, პაპიროსი გავახვიე და იმასაც მივაწოდე, თითო გავახვიოთო, უთხარ ბიძაო. მადლობელი ვარ, არა ესწეე პაპიროსსაო, მითხრა. როგორო, ვუთხარ, მთელი დღე მარტუა რომ დახვალ, ფიქრს, დარდს რაით იქავრებ, გულის რას აყოლებ, თუკი არ მოსწიეო. ნელა ჩაიციინა. ჭკვიანი ჩაციინება იცოდა სულგანათლებულმა. აბა ერთი ამოიღე ეგ შენი

სათამბაქოე ბალა-კარტები აქ დააწყო მითხრა. ეგრე ვსხედვართ ბექსედა და შუაზე ერთი ქუდური გვაქ, ბორტვის ქუდური. ამოვიღე და დავაწყე იმ ქუდურზე: ქისა, ქაღალდი, ტალ-კევისი, აბედი, – მაშინ ტალ-კევისობა იყო, პრიჭკა-ასანთი არ იმდენად იშოვებოდა. – მუშტუკიცა მქონდა, დიდგულისაგან თავად გამოთლილი. აი, ხედავო, მითხრა, რამდენი რამე სჭირდება მაგ შენ მოსაწევსო. ისე როგორ იქნება, ან ერთი არ შემოგაკლდეს, ან მეორე, ან მესამეო. ეგ რა ყიქრ-საგონის წამალია, სადარდებელს ეგ უფრო არ მოგიმატებსო? გულის გასაყოლებლად კი მე ამხანაგი მყავ, გულს ამხანაგს ვაყოლებო.

– რა ამხანაგი, მე აქ ამხანაგი არავინ მინახავ, სულ მარტოკა არ დასდევ ფარასო? – ეუთხარი.

– როგორ არა, მყავ, მაგრამ შენ ვერა მხედავო. აი, ჩემი ამხანაგიო და ქათიბის უბიდან წიგნი ამოაძვრინა. შავყდიანი წიგნი იყო. ყუა და ნაპირები შემოცვეთილიდა ჰქონდა უბეში დებისაგან. ზედ გრძელი, ვერცხლისფერი ასოებით ეწერა ვაჟა-ფშაველაო.

იმის შემდეგ რამდენი წელი გავიდა და სულ ის მამაგონდება, იმის ნათქაში, როცა ან თამბაქო გამითავდება, ან ცეცხლ-ასანთი. ღმერთმა გაანათლოს. ჭკვიანი კაცის ჭკვიანად ნათქომნი არაით დაავიწყდებიან,

თუ ვინ ჭკვიანად გაიგონებს.


იმ წელს კიდევ ერთხელ გადავაწყდი მამაჩემის ნაკვალევს.

ხორხლის რიყეზე ჩამოვედით მთიდან მომდინრები. ბინა-ბარგთან მე და ხმელო ვართ. ხმელო ცხენებს უდგება. გარეშემო სიმინდებია, ვენახებიც. ცხენები იქით იწევენ. ზვრებს შუა, საურმის პირში, ვიდაცას თელა ჩამოუკაფია, ტოტები ყრია, ფოთლებგამხმარი ტოტები. იქით წაყუდი. უნდა მოვიტანო, ცეცხლი დაყანთო, ფარების მოსვლამდის ბიჭებს ვახშამი მოუშობადო. სანამ გუდურებს შეეკრავდი, ამ საურმეზე ოჟიოს მხრიდან ერთი კაცი გამოჩნდა ვირის ურმით. ახლო მოვიდა, ცალხელა იყო.

– მაიტა, თუშო, ეგ ფიჩხები აქ დაყარე, მიგატანინებო,
– კოფოზე ცალ მხარეს გადაიწია. გუდურები ურემზე დავაწყე და თანვე გავყევი. სიტყვამრავალი მოხუცი ჩანდა.

– რა ვქნა, ბაღლო, ბაღლობა არ მიწყინო, ჩემთან ბაღლი ხარ, აბა რა ხარ, შენა ირადუასი ხო არა ხარ? ხმაც სულ იმისი გაქ და შახედულათაცა ძგეხარო – მეუბნება.


– ხო, იროდი ერქვა მამაჩემსა, იცნობდი-მეთქი?



– როგორ არ ვიცნობდი. ბიძაჩემ მეღქუას მეგობარი იყო, იმათთანა ვხვდებოდი ხშირათა. პირველადა, იმ გასაწყვეტლებმა ხელი რომ მამაწყვიტეს და შინ ჩამოვედი, იმ შემოდგომას შევხვდი, მაშინ გააკიცანი.

ბიძაჩემ მეღქუას ბაღლი გამეეგზაენა, მეგობარი სტუმარი მყავ, მარტუები ხომ არ დავსხდებით, გადმოდითო. მე და მამაჩემი წავედით. საკლავი მეეყვანა მამაშენსა, ის დეიკლათ. ყველიც მოეტანა. მარჯვე ქალი იყო ბიძაჩემ მეღქუას ცოლი, კარგი პურ-მარილი გაეწყო. დავსხედით.

– აბა, ირადუაჲ, შენ იცი, კაი პური გვაჭამეო – თამადად დააყენა მეღქუამა. მე ვამბობ, ამ თუშმა, მეცხვარემ ღვინისა რა იცის, ამან რა პური უნდა გვაჭამოსო, მაგრამ დაიწყო და რა დაიწყო! საღღერძელოები თქვა იგეოები, რომა არც მანამდე და არც მერე, ამდროულა კაცი ვარ და სხვებისაგან არ გამიგონია, მე ეგეთი თამადის მნახველი არა ვარ. სუ გაშტერებულები შეეყურებდით მე და მამაჩემი. საღღერძელოს რომ იტყოდა, თანვე ლექსს დააყოლებდა. ან სადა პქონდა იმდენი?! კინალამ თენდებოდა, ღმერთი რომ შეიწია. არ უშვებდა ბიძაჩემი. შიშიანობა იყო, ყაჩაღები უხვდებოდნენ, ძარცვაგდნენ ხალხსა. არ დაიშალა, ცხენი შაკმაზა, შაჯდა. გამარჯვებისა აქ გამომიტანეთო, ცხენდაცხენ დაღია წამსვლელ-დამრჩომისა, მიაბრუნა და ალბათ ალავერდს გაცილებული იქნებოდა, რომ კიდევ ისმოდა გაჭენებული ცხენის ტყრიალი.



დათვის გონებულება

ვალეკო ცოქეიაიძეს

როგორც კი სკოლიდან დამითხოვენ, მოვიდოდა მთიდან მამაჩემის 'ბრძანება', – ეგ ბაღლი მანდ ბაყაყივით დილიდან საღამომდის ალაზანში არ იჯდეს, აქ ამოვიდესო. ხო და მეც მივდიოდი, გავყვებოდი საბარგოდ ჩამოსულ მეცხვარეებს.

კოჭლები, ჭელილები, ვირები, წყლის მოტანა და კიდევ რაღა არა – ცხერის ბინაში საბაღლო საქმეს რა გამოვლევს. ვიყავი ეგრე მთელი ზაფხული გად-გამოდიში.

ერთხელაც მებერწე გაუხდათ ავად, შინ გაუშვეს. დარჩა ფარა უმწყემსოდ. ერთი-ორი დღე ტურამ სდია. ღამე ბინასთან აყენებდა, შუადღისას ის წველაში ჩაძოვებულბოდა, ფარასთან მე ავდიოდი. მოწველის

მერე ამოვიდოდა და საღამოს ერთად ჩამოვაყენებდით. მერე თქვეს, რომაო აქ, ბინის გასადევარში, ეს ბერწი⁴ არ მოიხდინება, საწველავს უშლის, ბინას უნდა მოვაშოროთო, მაგრამ მწველავიც რომ გვიჭირს, რა ექნათ, ვინ გავაყოლოთო?

– ვინა და ბაღლი გავაყოლოთო – ტურამ – დღისით ხომ მაინც ეგ უშლის და ჩემი ძმობილი ყოჩაღია, ღამეც შეინახავსო.

– ბაღლო, გაჰყვებიო?

– გაეყვებიო – მეც. პატარა ვარ, კაცო, მგონი მეექვსე კლასი რომ დავამთავრე, ის წელი იყო. ან როგორ მანდეს, რა ვიცი. გათვალეს და გამაყოლეს.

საღამოსთვის ტურა ამომივიდა, ვირით ნაბადი და ჯირა-მარილი ამომიტანა, ნაწიდარი⁵ ამიჩინა, დამაბინავა. ერთი ძაღლიც ამოიყოლა, ჭრელოს ვეძახდით, ესეც შენი ამხანაგი იქნებაო. ღამეც ჩემთან დარჩა, დამარიგა, გეზები მასწავლა: ეგრე გაშლი, ეგრე აძოვებ, ეგრე ჩამოაქუჩებ. დარში მაღლა გაუშვი, ავდარში ბოლოებში ატრიალეო. ღამე ფრთხილად იყავი, არ გაგეშალოს, მაგრად არ დაიძინო, დათვმა

⁴ ბერწი – მშრალი, რომ არ იწველება, იმ ცხერების ფარა. მებერწე – ამ ფარის მწყემსი.

⁵ ნაწიდარი – ფარის ღამის სადგომი ეელზე.

არ წაგიყვანოსო.

– დათემა არაო – ვითომ არ დავიჯერე.

– არა კი არა, ეგრეაო – მეუბნება – დათეს ხომ იცი, ბაღლი ურჩენია ცხეარს. მოვა დამე, დაგსუნავს ნაბადში გახეუფს, დაგტოტხავს,⁶ ყურს დაგიგდებს, რომ დაირწმუნებს, ბაღლია, ამოგიჩრის იღლიაში და ჰაიდა, ჩაეფარება შავტყისკე. ძალიან ფრთხილად უნდა იყო.

– კი, აბა, როგორ არაო – არ ვიჯერებ.

– ხო, ხო, ეგრეა. თავად მე რამდენჯერ ვყავარ ბაღლობაში ნატრევი. ხან ვინ დააგდებინა ჩემი თავი და ხან ვინაო. – სერიოზულად ამბობს, არც ეღიმება.

– კი, კი, როგორ არა, ეგაა და დავიჯერეო – იხტიბარს არ ვიტყვ.

– მე მითქვამს და თუ გინდა, ნუ დაიჯერებო.

დილას ფარა ერთად გავშალეთ. ტურამ ვირს ქოჭები დაადგა, თავისი ნაბადი ჩააკრა, საბელი დააკეცა, წამოიგდო წინა და წავიდა. ძაღლი აედევნა. დაუტია, დააბრუნა, ერთი-ორი გოხიც მოაყოლა. მე დავუძახე, მოვეფერე, ერთი გუნდა ხალი დავუგდე. ცოტა დაფიქრდა, ხან მე ამომხედა, ხან გუნდას დახედა, ბოლოს შეჭამა.

⁶ დატოტნვა – ხელით, ტოტით მოსინჯვა.

ვიფიქრე, ეგაა მითავეისა, აღარ წამივალ. ფარას რომ გავყევი, ისიც გამომყვა, შუადღემდის ჩემთან იარა. ნაშუადღევს დააკრა და წავიდა. რაც მე იმას ვეძახე, ჭრელო, ჭრელო-მეთქი და აბაა? არ გაჩერდა, წავიდა. დავრჩი ამ ხორხში მარტოკა.

დღისით არაფერი, ფიქრი არაფრისა მაქვს, დავდე, დავყევი ფარას. კარგი საძოვებელია საჯინჭკელის ხორხი, უდგო, საქენავები⁷ არა აქვს. დილას გაშლი ერთ გეზზე, წავა ცერამდის, საღამოს დააბრუნებ იმავე გეზზე და ჩამოაქუჩებ. ბერწი მოსავლელად ადვილია, არ იფანტება, ერთმანეთს მისდევს. რო დაღამდება, ვივახშმებ დ დავწვები, აი მაშინ მომაგონდება ხოლმე ის ტურას დათვი. მეშინია, არც მეშინია, მაგრამ რატომღაც მომაგონდება კი.

ერთი დროცაა, არ ვიცი, მერამდენე დღეა, რაც ფარას დავდე, ღამეა, ვწევარ თეოზე, მძინავს და ამ მხარზე რაღაცამ გაძომკრა, თითქოს ტოტი გამომისვა ნაბდის ზემოდან, გამომაღვიძა. დავუგდე ყური, რაღაცა დამსუკსუკებს, დამფრუტუნებს, თითქოს მსუნავს. მერე მხართან დამტოტნავს თითქოს, რაღაცას მიჩანდურებს.

⁷ საქენავეი – დეკიანი ადგილი საძოვარზე, სადაც ყარა არ გაივლის, თუ ძალით არ გარეკე, გაქეჩე.

ვილაცაა თუ რაღაცაა, ტოტითა მსინჯავს. ვაი, გაგიწყრა
ღმერთი! აი ეხლა მოვიდა დათვიო, ვიფიქრე. გავისნაპე,
გავისნაპე, სუნთქვა გავეკმინდე. არა, კაცო, ის რაღაცა
არ მეშვება, მსუნავს, თან ისევ და ისევ გამომკრავს
თათს, ნამდვილად მტოტნავს. ვარ ეგრე გასნაპული,
მაგრამ განა რამდენი ხანი გასძლებ კაცი უსუნთქავად.
ვთქვი ჩემთვის, ეს ხომ მაინც ვკვდები და ვკვდები,
მაგრამ ხალხს იძას მაინც ნუ ვათქმევიანებ, შეეშინდა,
ხელგამოუღებელი მოკვდაო. დანა მაქვს, ქარქაშიანი
დანა, ტურამ მათხოვა თავისი, ქამარზე მკიდია. ამოვიღე
ეს დანა, კარგად დავებლუჯე, გავყავი ხელი ნაბდიდან
და რაც ძალი და ღონე მქონდა, გავიქნიე. გავიქნიე და
რაღაცას ეკარი რბილში, ყუნწამდე წავიდა და, კაცო,
თხამ არ დაიჩხავლა. თურმე თხა ყოფილიყო. გათენდა
და ერთი მამაჩემის თხა იყო, ლურჯი თხა, ის დაათრევედა
ნაწილარზე ნაწლაგებს.



≡ გუჯი ა ≡

დღეს ჩემსა და მურას შორის ცოტა რამ გაუგებრობის ნიადაგზე კაცური სამღურავე ჩამოვარდა, მაგრამ გარემოებამ მალე კაცურადვე შეგვარიგა.

საქმე ისაა, რომ, როგორც მეცხვარეები ამბობენ, მურა 'მოუსდენელი' ძაღლია – უცხოსა და ახალმოყვანილს ვინ ამბობს, ბინის ძაღლებსაც კი ვერ იტანს თავის სიახლოვეს, ხვადებს, ცხადია, თორემ ძუებს, იცოცხლეთ, ეკურკურება. იკის კაკის ამოჩემებაც – ამორჩევა – და მის ახლო-მახლო სხვა ძაღლის გამოჩენას რატომღაც თავისადმი მტრობად ჩათვლის და ხელათ აუჩეჩავს ხოლმე ქეჩოს.

მე როგორღაც თავიდანვე მოეწონე, მალევე დამიძმაკაცდა. ამ მგზავრობაში ხომ მთლად დამიჯალაბა⁸ და არა მცილდება – ცხენებთან თუ ვარ, ცხენებს

⁸ დაჯალაბება – გაშინაურება, თავისიანად ჩათვლა.

მოჰყვება, ფარასთან ვარ და ისიც იქვეა, მხარმარჯვნივ, ჩემსავე სიახლოვეს.

ამ დილას, ფარები რომ ავშალეთ და წამოვედით, გიჟო და ბოღვერაც მე წამომყვნენ. მებინავე ვარ, საღამოობით სალაფავს მე ვუთქვეფავ და, ალბათ, მადლიერების გამო თუ იყო, ჯერ გამელაქუც-გამომელაქუცნენ და მერე ისინიც თანვე ამეღყვნენ მხარმარცხნივ. მურას, რა თქმა უნდა, ეს ძალიან არ მოეწონა – ჯერ შორიდან აუღრინდა, დაღრენილი ლაშებიდან ავად გამოაჩინა ჩაჟანგული კბილები, მერე ახლოს მოიწია და აუყუფდა. ამათ მაინცა და მაინც დიდად არაფერში ჩაუგდიათ ამისი ღრენა-ყუფა. ღრენაზე ღრენითვე უპასუხეს. ის კი არა, ბოღვერამ უფრო ახლოსაც მოიწია ჩემკენ და როცა ყეხზე ბეჭითაც გამეხახუნა, ეს უკვე ვეღარ აიტანა მურამ, გადმოუხტა და გაუსვა და გამოუსვა თავ-ყურში. გიჟო და ბოღვერა ერთი ბუდობის ლეკვები არიან, ერთად დაზრდილები და, ცხადია, ქომაგიერებიც. ბოღვერას გიჟოც გადმოეშველა და წაეიდა ჩხუბი.

ეს ორნი ჯეილები არიან, კბილებიც თეთრი და ბასრი აქვთ და ჯანიც ერჩით. მურა პეპერია, კბილებჩაჟანგებულ-ჩაბლაგებულნი. ჩხუბში მარტო გულისა და ძლიერი მკერდის იმედით გადის, თორემ

კბილს მაინცა და მაინც ვეღარ აჭრევინებს. ახლაც, ალბათ, არ ასცდებოდა იმ შავი ქათიბის დახვევა, მეშველად რომ არ ჩაესულიყავი. მოჩხუბრები გავეყარე, გაწყრომით კი მარტო მურას გავეუწყერი: რათა ხარ ეგეთი მოუხდენელი, რას გიშლიან, იყვნენ ეგენიც, შემჭამენ თუ რა არის-მეთქი.

მაშინვე შორს გადგა. ცოტა ხანს ეგრე იარა, კარგა მოშორებო. თანდათან ფეხს აუჩქარა. ძუნძულზე გადავიდა, ერთი ათიოდ ნაბიჯზე რომ გამცდა, ერთიც მომხედა, მერე დაადო თავი და წავიდა წინ. წინა ფარაში თავისი კიდევ ერთი რჩეული, ბასიკო, ეგულემა და, ალბათ, იმას დაეწევა.

ასე ვიარეთ შუადღემდის: არც წინა ფარა დაგვიღანდავს სადმე და არც მურა. გიჟო და ბოღვერა აღარ მომშორებიან გვერდიდან.

აღაზნის არხის სათავესთან გამოვედით. ეს მგზავრი ფარების დასასვენებელი ადგილია ტრასაზე. დაკავებული დაგვიხვდა – აღმატელების ფარები იყო გაშლილი. ჩვენი მოწინავე ფარა არ გაჩერებულიყო, ან სად გაჩერდებოდა, წამოსულიყო. ჩვენც მარცხნიდან ავუარეთ და წამოვედით. კახებმა ცხვარში ბევრი ძაღლები იციან – თითო ფარასთან ოთხი-ხუთი მაინცაა ხოლმე. აქაც კარგა ბლომად ჩანდნენ, დიდებიც და

პატარებიც. ამათ რომ გაეუპირისპირდით, ჯერ ლეკვები და ძუები აწკაფწკავდნენ, მერე ხეადებიც ადავდავდნენ, ყველანი ერთად გამოიშალნენ, წამოვიდნენ ჩვენსკენ. აქეთ გიჟომ და ბოღვერამაც აიშალეს ქედზე ბალანი, გაუსვეს მიწას უკანა ფეხები. თავიანთ ფარებს რომ გამოსცდნენ, იმათი ძუები და ლეკვები გაჩერდნენ, ხეადები წამოვიდნენ – ორნი ერთი ფარიდან, სამნიც – მეორიდან. სულ ხუთნი არიან და ჩანს, არც ჯაბნები: ტანადაც კარგებია, თანაც ჯეილები. რატომღაც იერიში კი მაშინვე არ მოიტანეს, ადგილის რიდი დაიჭირეს თუ რა იყო, შორიახლოს გაჩერდნენ და იქიდან დაიწყეს ყეფა. ჩემები ჯიქურ წავიდნენ – ჯერ ბოღვერა, ზედვე გიჯო. გიჟო იმდენად არა, მაგრამ ბოღვერა ისე მიიწევს ჩხუბში, ასე გონია, ლხინში მიუხარიაო. გვერდზე თუ ქომაგი ეგულება, თუნდაც ლომს შეებმის. ახლაც ერთი კი მოხედა გიჟოს და რომ ნახა, აქვეაო, პირდაპირ შევარდა შუა გუნდში. გიჟოც მიჰყვა და აირია კიდევ მონასტერი! დატრიალდა და რა დატრიალდა! დადგა ბული და კორიანტელი. ამ კორიანტელში და კახების ჭრელ ძაღლებში აქა-იქა გაივლევებს გიჟოს მოყვითალო და ბოღვერას თეთრი სხეული. არ წაქცეულან, ფეხზე არიან, მაგრამ ჩაეარდნენ კი შუა ქუნდრუხაში. ის იყო, ჯოხი მოვიმარჯვე და მისაშუელელად წავედი, რომ

მომესმა მურას ქეხილი. გავიხედე და მოქრის შარაზე სულ მადლა-მადლა ფრენით, მგელმა რომ იცის, ისე, შავი ალ-ქაჯი! წუთსაც არ გაუვლია და პირდაპირ დააცხრა ზემოდან მოჩხუბარი ძაღლების გროვას. დააცხრა და გაფანტა უცბადვე, გაშალა არეული გორგალი. თითო-თითოს შერჩნენ გიჟო და ბოღვერა, სამს შუა მურა დატრიალდა. ო რა ლამაზად მიდიოდა მკერდით ცალთვალა ბებერი! რომელსაც დაუჯახებოდა, ფეხზე არ აჩერებდა. ერთს რომ ამოიქვეშებდა, მიბუბნიდა, ახლა სხვას დაექგერებოდა. ის მითეთქვილი უკვე ზედ მისელას ველარ ბედავდა. ამასობაში გიჟომ და ბოღვერამაც დაპრიეს ხელი თავიანთ წილნარგენებს და როგორ მოხდა, არ ვიცი, ეს სამნი გვერდიგვერდ აღმოჩნდნენ ცალ მხარეს, მეორე მხარეს ის ხუთი მოიქციეს და ერთიც რომ შეუტიეს, იმათ ჯერ უკან-უკან დაიხიეს და მალე, იცოცხლე, მოკურცხლეს კიდევაც. ამათ ჩვენი და იმათი ფარების საშუალომდე სდიეს და მობრუნდნენ, წამოვიდნენ ჩემსკენ. მოდიოდნენ გიჟო და ბოღვერა ჩუმად, თავდახრილები, მურა ხან ერთს აუყვფდებოდა ყურთან, ხან – მეორეს. ესენი კიდე ხმას არა სცემდნენ, არ ეპასუხებოდნენ.

მე მურას დავუძახე. მოვიდა, მოვეფერე, ქენო მოვუსრისე, ყოჩაღ-მეთქი, შევაქე. ისიც მომექედლა, ბეჭით

გვერდზე მომაწვა, ამომხედა თავისი ერთი საღი თვალით, შემოატრიალა მეორე, ნახევრად ჩაშრეტილი შავი, უთეთრო გუგაც. დამშვიდდა, დაწყნარდა და გამოძყვა ჩვეულებრივ მხარმარჯვნივ. მხარმარცხნივ ისევ გიჟო და ბოდვერა მოდიოდნენ, მაგრამ მურა მათ აღარ ეჩხუბებოდა, თითქოს აღარც კი ამჩნევდა მათ არსებობას.

ბასიკო: რა ვიცი, კაცო, მე ძაღლების ხმა არ გამიგონია. ეგეც იგრევე მომყვებოდა გვერდზე, როგორც იცის ხოლმე. უცბად გაჩერდა, ყურები ცქვიტა, რაღაც წაიყეფასავეით, მერე ერთი მიტრიალდა და წამოვიდა დადულუკავებული. მაშინვე კი ვიფიქრე, ალბათ, ჩვენ ძაღლებს სადღაც ჩხუბი აქვთო და აკი ეგერეც ყოფილა. ყური ვუგდე და როდის, როდის ძლივს სადღაც გავიგონე მოჩხუბარი ძაღლების გნიასი.



ამიჩანი

თომა ანთაიძეს

– ჯამრული? ჯამრულიძე? უხ, მაგისი სახე რა ვთქვი, მაგისი... ძმაკაცი მაინც არ იყოს! ან შევაგინებდი, ან გავლანძღავდი, ვცემდი. უხ, ეგ არ იყოს... ძმაკაცი არ იყოს... იქნება მომეკლა კიდევაც. არა, ნამდვილად მოვკლავდი, მაგრამ ძმაკაცი რომაა? ძმა-კაცობას რა ვუყო! ხალხი რას იტყვის, ძაღლის გამო ძმაკაცს წაეჩხუბაო. – კაი გვარიანად შესრული თომა ბდღუინავს, ჯაერობს, ქოთქოთობს.

– არა, ის ხომ ძაღლი არ იყო... ძმა იყო, კაი ძმა-კაცი, გაჭირვებაში იმედი, კარგი ამხანაგი. აბა, მე გიამბობ და შენ თავადა თქვი, ძმაზე ნაკლები თუ იყოს.

იმ ზამთარს თოხლში ვიყავი მარტო. სათოხლე ბინა ხომ იცა ჩყენი, პატარა შირაქის კუდშია, ახლოსვე,

პირველ მისასვლელში. ხოდა იქა ვარ მარტო. მარტო
კაცი ვარ, თორემ ამირანი მყავს თანა და რომელ
ამხანაგს არა სჯობია. სინდისს გეფიცები, თუ ცუდ
ამხანაგ კაცს ის არა სჯობებოდა, მაგალითად –
ხინკლიას. ის არ დათერებოდა, ჩხუბს მაინც არ
ამიტესდა, არ ამიშარდებოდა. ცხვარ-ბინასაა და ისე
ჰყარაულობდა, როგორც იმედთან ამხანაგს ანდობ, ისე
ვანდობდი იმას დღეცა და ღამეც ფარასაც და ფარესაც.

იმ ზამთარს ქალს შევეჩვიე ელდარში. დაღამდება,
ფარას შევრეკავ, დავკეტავ ფარეხის კარებს წინაც და
უკანაც, ამირანს სალაფავს დავუსხამ, აბა, შენ იცი
მეთქი, თავზე ხელს გადავუსვამ, ქეჩოს მოვუსრესავ და
წამოვალ. ცოტაზე გამომაცილებს, მიბრუნდება და იმედი
მაქ, რომ ბინა-ფარეხს არაფერი დაუშავდება – ამირანი
ადგილზეა.

ერთხელაც, იანვარია, რა რიცხვი იქნებოდა კი
არ მახსოვს, ახალწლები კი ჩამოხდილია ახალიც
და ძველიც. თოვლიც არის და მაგრადაც ყინავს.
გამოვედი ელდრიდან. შუაღამე გადასულია. მთვარეა,
ნათლიერი. მოვედივარ ჯიბეებში ხელებჩაწყობილი,
საყელოწამოწეული. კოსტალეს წყაროს ამოვცდი, იმ
ჩექლიმებს შემოვეკიდე. არ ვიცი, ფეხის ხმა მომესმა
თუ ტანმა მიაზრა, რაღაცა უგემურად კი დამზრინა

სხეულმა. მივიხედუ და არ ჩამდგომია კვალში!
მარტოა, მაგრამ მარტო იყოს რა. მგელია. რომ
მობედოს, რას უხამ? იარაღი კი არა, ჯოხიც არ
მიჭირავს ხელში. აბა, ქალს ჯოხიანი ხომ არ
მივადგებოდი კარებზე, ჯოხს არ ვატარებდი.
მივდივარ და მოდის. გავჩერდები – გაჩერდება, წავალ
– წამოვა, ავუჩქარებ – აუჩქარებს, მოვუნელავებ –
მოუნელავებს. არა და მიჩიღს ამოკლებს თანდათან.
როგორ არა, წავიდა თმა ყალყზე! თანაც ისეთი
ადგილია, მე შენ გეტყვი და ხმას გააგონებ ვისმე
თუ რა. მაინც ავუჩქარე. დამცრა ცივმა ოფლმა –
ზოგი შიშისაა, ზოგი – დაღლისა. ეს შობელძაღლიც
უფრო და უფრო მიახლოვდება, იქნება მობედოს
კიდევაც. ჰაი, ჰაი, ჰაი და გადმოვედი
ძროხათნადგომებთან. გამონდა ჩემი ფარეხი. ახლა
კი წაჰკახე: ამირან, მიშველეო და წამოვიდა თავისი
ზარიანი ხმით, სულ მაღლა-მაღლა ფრენით... იმედი!..
მივიხედუ და ეს კვდარძაღლისა გადახაფრულიყო,
რა ეიცვი, საით რა დაითესა. მოვარდა ჩემი ამირანი
და დამიდგა გვერდზე, გამომყვა. ერთი მითხარი,
რომელი ძმა სჯობდა იმ წუთში იმას? ხო და ეგეთ
ძაღლს რო მოგიკლაავს, არ გაბრაზდები? გაბრაზდებ
კი არა და... უხ, მაგისი!..

– მაინც რა იყო, რატომ მოკლა მეთქი, – ვეკითხები.

– რატომ მოკლა? რატომ და ძაღლებს უხრჩობდა. ეგ აფშინაანი და ჩვენ ხომ მონამგლედა ვართ წოფათაში. კაცო, რა ვიცი, რა მოელანდებათ, დღის რაღაცა დროს წამოვლენ ეს აფშინაანთ ძაღლები, გადმოდგებიან ეთელთის გორზე და ასტეხენ გნიასს – გადმოჰყეფენ ჩვენ ბინას. გაუცვივდებიან აქედან ჩვენი ძაღლები და წავა ჩხუბი. ამირანი ჯერ თავისთვის წევს, ყურს არ უგდებს იმათ ყეფა-ღავდავს. სანამ ისეღა უყეფენ და უღრენენ ერთმანეთს, ეს არ დაიძვრის. როცა ეცემიან, დაირევიან, დადგება ჩხუბის ხმა, მერეღა გავარდება. ცოტა ხანი გაივლის და ჩამოჩნდება ამირანი, თან დამხრჩვეალ ძაღლს მოათრევს.

ამ ჯამრულს ერთი ოთხი ძაღლი ჰყავდა თავისი დაზრდილები, სულ ერთი ბუკობის ლეკვები. კარგებიც იყვნენ, ქომაგიერები. ხო და ისინი დაუთავა – სამი დაუხრჩო. მაგრამ აბა ერთი შენ მითხარი, ტყუოდა ამირანი? ხომ არა ტყუოდა. ეს ხომ არასოდეს გაჰვარდნია პირველი. ისინი გამოუცვივდებოდნენ და ეს ჩხუბში ახრჩობდა. ამისი ბრალი იყო?

ხო და მესამეც რომ დაუხრჩო, თოფი წამოვლო და მაგ სანების დაბლა ვაკეში მოეკლა. კიდევ კარგი, მაშინ

ბინაში არ ვიყავი, თორემ, ალბათ, თავს ვერ შევიკავებდი, რაღაცას ავუტეხავდი. მერე კი ხანა-დრო გავლილი იყო და რაღას ვეტყოდი, ჩემთვისღა ებობოქრობდი, როგორც ეხლა ებობოქრობ. ხომ ორი წელი გავიდა მას მერე და ეხლაც, რომ მომაგონდება, ცეცხლი წამეკიდება. მაგ მუდრეგმაც, იცის, რომ ძალიან მეჯავრება და საცა შემხედება, ამირანის ძმობილო, როგორა ხარო, მახელებს. მე გახელუბალა მინდა? რამეს ვეტყვი და იღრიჭება. რაო, შენი ძაღლი ძაღლი იყო და ჩემი ძაღლები ძაღლები არ იყვნენო? მიდი და ელაპარაკე! ეს ხომ არა ხოცაუდა, ისინი ეხრჩობინებოდნენ ძაღლით. ახ... ძმაკაცი არ იყოს, მე ვიცოდი, მაგრამ ძმაკაცი როა? ძმაკაცობას რა უყო!



ქვეყნისთვის

ვანო მელაიძე: დამიტოვა, როგორ არ დამიტოვა: ერთი ორმოცამდის მოსაგები იყო, ერთი საჯდომი ცხენი, ერთიც ფაშატი – გაკრეჭილი კვიცი ეტანა, ძროხები, რა ვიცი, სახლ-კარი ბარშიც და მთაში ხომ თავისთავად, მაგრამ ყველაზე ფასიანი, რაც მამისაგან მემადლება, სიტყვა იყო, ერთი, ერთადერთი ბოლო სიტყვა.

ბაღლი ვიყავ, თორმეტ-ცამეტი წლის ბაღლი, მამაჩემი რომ დაიჭირეს. ოძის დროს რომ ბანდა იყო თუშეთში, მაშინ ბანდისტებს ვეძახდით, ბანდისტები არიანო. ამწინეებზე გამაგონეს, ისენიო სამანელები იყვნენო. ნეტა ეგ სამანი რასლა უქვიან? სამანს ჩვენ დოგებს ვეძახით, აი ყანების, სათიბების გამყოფ დოგებს. ხო და ის სამანელები იყვნენ თუ ბანდისტები იყვნენ, ისენი რო აქ თუშეთში ამოვიდნენ და აქ დარჩნენ, იმათ ხო ბევრი ხალხი ჩაითრიეს ძალიან, იმ ზამთარს აქ ომალოს

კოლექტივის თავმჯდომარედ მუშაობდა მამაჩემი. მერე, გაზაფხულზე, მთაერობა ამოვიდა, შინსახკომელები. ის მოთავეები მანდ მეღთკუდაში დახოცეს, ბარისკენ წამდინრები, დანარჩენ ხალხს კიდე მოუსვეს ხელი და დაიჭირეს. აი მაშინ წაიყვანეს მამაჩემიც, შენაო იმათთან კავშირი გქონიაო. არ ვიცი, მე ისინი ჩვენსა მოსულები არ მინახიან და რანაირი კავშირი უნდა ხქონიყო იმათთან. აბა რა ვიცი, მე ბაღლი ვიყავ, მე ხო არ მეტყუოდა. ხო და გაესამართლებინათ ერთი წლის მერე იყო თუ ცოტა მეტიცა თუ ნაკლებიცა და აქ ამბავი მოგვივიდა, თოთხმეტი წელი გადაუწყვიტესო. ისიც გავიგეთ, რო რუსთავში ამუშაებენო, იქა ჰყავთო.

წავედით სანახავად მე და ჩემი მამიდა ელისო. მივედით, ვიპოვეთ როგორც იქნებოდა, გვაჩვენეს. რაღაცა მშენებლობაზე მუშაობდა. ეგ იყო და ეგ. მეტი აღარც მინახავს. სადღაც რუსეთისკენ გადაიყვანეს, რუსეთიდან ვიღებდით წერილებს. აი მაშინ მითხრა... ეგრე ვისხედით ქვებზე... ქვები ეყარა, ოთხკუთხად დათლილი ქვები, აი, ტუფის ქვას რო ეძახიან, ისენი, ისიც, მეც, მამიდაჩემიც. შენაო, მითხრა, ეხლა რას იზამო, ალბათ ცხვარს გაჰყვები, იმ ცხვარს რა ეშველება, შენ უნდა მიხედოო. მეცხვარეობაშიო, ხომ იცი, ბევრი და ბევრნაირი გაჭირვება შეგხვდება, ბევრ და ბევრნაირ ამხანაგსაც

შეეყრებო, აბა ისე როგორ იქნებაო. შიმშილიც იქნებაო, სიცივეც იქნებაო. გარემხარს გასული კაცისთვის ამხანაგია ყველაფერი, ამხანაგმა უნდა გაგაძლებინოს, ამხანაგს უნდა გააძლებინო. შემთხვევა იქნება, ერთი გორდილას გაყოფაზედაც მიგიდგებათ საქმეო. ხო და შენ თუ გაჰყო, დიდი ნატეხი ამხანაგს მიეცი, პატარა თავად აიღეო. ის რომ გაჰყოფსო, ვარაუდი გაუწიეო და თუ დიდი თავად აიღო და შენ პატარა მოგცაო, ეგეთ კაცსაო საამხანაგოდ ნუ დაენდობიო. მეო ამ თოთხმეტ წელში რა ვიცი, რა მომივა, იქნება ვეღარც დაებრუნდეო და ეს ერთი სიტყვა ჩემგან დაიხსომეო.

მართლაც ვეღარ დაებრუნდა – სწორედ მეთოთხმეტე წელს ტაშკენტის მხარიდან მოგვივიდა დალუპვის დეპეშა.

და დავიხსომე. მას შემდეგ ხომ სულ გარემხარსა ვარ. ბაღლიც ვიყავ, ჯეილიც გავიზარდე, კაციც დაებერდი და ჯერ მე ამხანაგში არ მოვტყუებულვარ. ხომ ვთქვი, ყველაზე ფასიანი, რაც გამიწირა და რაც ძალიანაც მემადლება მამაჩემისაგან, ეგაა, ეგ ერთი სიტყვა.



მოსე

ცხენები დამჭირდა და საალმის ბინაში ავედი. ჯოხი მიჭირავს და შორიდან არ დავიძახე, პირდაპირ მივედივარ. ორნი წამოვიდნენ: ერთი შავი ძუ, წინ მორბის და ერთი დიდი, გრძელბეწვიანი ხვადი უკან მოჰყვება, ერთ-ორ მეტრში. კაცო, მოქრის ეს ძუ. ქვას ვესვრი, მაგრამ არ ერიდება, სადაცაა ზედ უნდა მოვიდეს. ვატყობ, უნდა დამიჭიროს. ამ დროს ამ ხვადმაც აუჩქარა. ერთი ორი ნახტომით დაეწია, მითეთქვა, ის გააგდო და თვითონ დამეტია. მაგრადაც დამეტია, მაგრამ ზედ არ მოვიდა. ხირხალა გამომეშველა. გადი, მოსე, ნუ უჯავრდებო წასდახა და ისიც გაჩერდა, ისელა წამომყვა, მომაცილა ბინამდე.

– კაცო, ეს რა ძაღლი გყოლიათ. ეგრე, ეგრე გააგდო ის ძუ, უეჭველ დაჭერას გადამარჩინა მეთქი, – ხირხალას ვეუბნები.

- ოო, ზუტო ფინთი სურიელთა, ეს რომ არ ყოფილიყო, მართლთა დავიჭერდით მეუბნებთ. - მოსე ართ, მოსეს ჯერ კაცისთვის კბილი არ გაუკრავს. რომ გაჭირდეს, ზედაც მივთ, შეიძლება ტანსაცმელიც შემოახიოს, მაგრამ წესი ართთ, მაგრამ კაცს ტანზე კბილი უწიოს.

შარშან შემოდგომას ვენახებში დავრჩით დიდი ხანი, მავ კონდოლის ბოლოზე. დღისით ვენახებში ვატარებთ დთ დამე იქავე ტრასის პირში ვაყენებთ, იქ გვიდევს ბინთ. მე დთ კარხილთური ვართ ფარაში. ევ ძაღლი კარხილთურისთ. სდამოს ვენახებიდან გამოვედით დთ ვუთხარი კარხილთურს, შენ სოფელში ადი, ერთი-ორი ბოთლი ღვინო ჩამოიტანე, ფარას მე მოვაყენებო დთ ისიც წავიდა. ფართ მოვაყენე. ჯერ დთდამებული არ არის დთ ერთი სამნი მომადგნენ მანქანით, მუტრუკი ჯეილები არიან, საკლავები კვჭირდება, ერთი-ორი უნდა წავიყვანოთო. როგორ თუ წავიყვანოთ? განთ მამთქვენისთთ მეტქი. აბთ თუ ვერ წავიყვანოთ დთ ერთი მეცთ ამ ჯოხში, ჯოხი უნდა წამართვას. თან იმთ უთხრთ, ბიჭებო, მიდით დთიჭირეთო. აბთ ჯოხს რას დთვანებებდი დთ ამ ჯოხზე ვზიდითლთობთ. ეს მოსეც იქავე იდგთ. ჯერ სანამ იგრელთ მელთპარაკებოღნენ, რდლაც ფინთთდ აძღლენილი შეჰყურებდთ დთ როგორც

კი ჯოხში მწვდა, ვაუჰო და დაახტა პირდაპირ ბეჭებზე, წაიღო ქვეშა და დაუწყო ბღღენა, გააქვს კოსტუმს ფხრაწა-ფხრიწი.

– არიქა, ბიჯო, ოღონდ ეს მამაცილე, შენი არაფერი არ გეინდა, მაგ ბიჭებსაც მე გავერეკავეო.

რას გარეკავს! ამას რომ აქ ძაღლი ეცა, ისინი ეგრევე შიბრუნდნენ და ჰკრეს თავი მანქანაში, იქიდან გამოჰყურებენ. შივედი, ისევე მე მოვაცილე, გამოვიყვანე აქეთ. წამოხტა, ეცა მანქანას და ისე მოათხრევინა ადგილიდან, ‘პაკრიშეებმა“ წივილი დაიწყო. ხო და იმას არ გეუბნებოდი, კაცს კბილს არ გაჰკრავსო. ხო ეგრე დაბუბნა ის კახი, ტანსაცმელიც სულ შაშოახია, რომ გარბოდა, თეთრ ბეჭებსღა მიაპრიალებდა, მაგრამ სისხლის წვეთი არსად ჰქონდა, განაკაწრიც არსად ეტყობოდა.




მნიშვნა

კარხილაური: რაო, ძაღლს ჭკუა არა აქვსო? ვინ გითხრა? ძაღლს რომ ჭკუა და მოხერხება აქვს, იმდენი გეზი და მოხერხება რომ ყველა მეცხეარეს მისცა, ბარემაც კარგი იქნებოდა, მაგრამ სადაა?

ერთ ზამთარს არეულებში ვიყავი თოხლში. კარგად დიდი ფარაცა მყვანდა, ერთი რვაასნახევრამდე კი იყო თაგის ჭედილებიანად. ეგ უდარდლიძე მყვანდა დამხმარედ. ეხლა რომ გრძელი ენა აქვს, მაშინ ბაღლად იყო, ახალი გამემცხეარეებულნი. ძაღლები მყვან-დნენ კიდევ ორნი, მამა-შვილნი. ერთი კარგი ხვალი, ფერად მოყვითალო ლეგად ჭრელი, მხარკვერიანსავეით. ტანადაც ზორბა და გულადაც მაგარი. ცოტა მძიმე კი იყო, სწრაფად ვერ გარბოდა. ლოქიას ვეძახდი სახელად. მეორე, ამისივე შვილი, ფერადაც ამსაირივე, ლეკვა

ძაღლი იყო, სხარტი, კანჭიმაღალი, ესე წლისა, წელნახევრისა იქნებოდა, მეტი არ იყო. მერე, რომ გაიზარდა კი ისიც დამსხვილდა, მაგრამ მაშინ მწვევარსა ჰგებანდა და სახელადაც მწვევარას ვეძახდი. ისეთი მამაძაღლი გაქცევა იცოდა, მინდორში მელა იქნებოდა თუ კურდღელი, ას მეტრაში არ გაუშვებდა, ხელათ გაბაწრავდა. გული იმასაც მამისა ჰქონდა, უშიშარი იყო ისიც.



ეგ არეულები ხომ ისედაც მგლის საბუდარია და იმ ზამთარს კიდევ უფრო მომეტებულად იტყეებოდა. მოსვენება რასა ხქვიან, დღე იყო თუ ღამე, სადაც არ გვეგონა, იქ დაგვერეოდნენ, ხან თითო-თითო, ხან ჯოგადაც, ოთხი და ხუთი, მაგრამ დაკლებით კი ვერაფერს გვაკლებდნენ. ძაღლები იყვნენ ყოჩაღადა და ჩვენც ხომ, აბა, რაღა თქმა უნდა, ფხიტად ვიყავით. მონამგლეები ჩიოდნენ, ნადირი გვითავებსო და ჩვენ არა, იმ ზამთარს ნადირისგან ბლავანი არ დაგვეკლებია. სულ იმ ძაღლების სიყოჩაღით კი იყო. საღამოს დროიანადვე მოვუთუთქავდი სალაფავს, ვაჭმევდი და ეგრევე გავიდოდნენ საყარაულოდ. ერთი ფარეხის თავისკენ დაწვებოდა, მეორე ფარეხის ბოლოსკენ და მთელი ღამე გადი და გამოდი! ხან ერთისკენ და ხან მეორისკენ, რომელიც განგაშს დასცემდა. ფარეხის გარშემო სულ ჩექლიმებით იყო გადაქსელილი ნადირისა და ძაღლების ნარბენი. მერე და ჭკვიანები როგორ არ იყვნენ, შორს კი არ გასდევდნენ, ცოტაზე გამოიფრენდნენ და მაშინვე მობრუნდებოდნენ, რომ ახლა სხვა არ მიჰპარვიყო ფარეხთან. ყოფილა, ჯოგიც დასცემია და აბა მაშინ კი, როგორც კი გნიასი დადგებოდა, ჩვენც გავცვივდებოდით, აი თოფი, აი კივილი რამე და ვიყრევივინებდით. ეგ ღამე და ახლა დღისით? დღისითაც

ძალიან იტყვებოდა მგელი. დღისით უფრო რას გაატანდნენ, თანაც როცა ჩვენც იქვე ვიყავით. ოთხსა და ხუთს საჩხუბრად არ შეებმოდნენ, მაგრამ არც ფარას გააკარებდნენ, ახლოსაც არ მოუშვებდნენ. ერთს კი დაუჭერელსა და დაუხრჩობელს არ გაუშვებდნენ. ერთი მგელი ხომ ძაღლს გაურბის, ჩხუბს ვერ გაუბედავს, გასაქცევი გზა თუ აქვს, გაექცევა. ხოდა ეს ჩვენი ძაღლებიც, ერთს რომ გაიგდებდნენ, აბა, ლოქია რას დაეწეოდა, ხო ვთქვი, მიძიე ძაღლი იყო, და მწვეარა გაეკვროდა გვერდზე. გაეკვროდა და აურევდა ჟამ-კარს: გადაურბენდა და გადმოურბენდა წინ, გადაურბენდა და გადმოურბენდა, ხან მარჯვნივ მოექცეოდა, ხან მარცხნივ, სინქარეს აკარგვინებდა, თან თვალი ლოქიასკენ ეჭირა და როგორც კი ახლოს დაიგულეებდა, ეცემოდა. ეცემოდა და დატოტავდებოდნენ თუ არა და ლოქიაც ზედვე იყო, ის წაიღებდა მგელს ქვეშ. ის რო წაიღებდა და ეს განზე გადგებოდა, ჩამოჯდებოდა ენაგადმოგდებული ქაქანით სეირის მაყურებელსავით. როგორც კი მგელი სულს გაკქმენდავდა, დაანებებდნენ თავსა და წამოვიდოდნენ ჩემსკენ 'ანგარიშის ჩასაბარებლად'. ეგრე რვა მგელი დაახრჩვეს იმ ზამთარს. მოვიდოდნენ და მეც მზად ვიყავი: მაშინათვე მოვაჭრიდი რაღაცას თავს, გაყაბყაყებდი, აყუკაყაყდი და

დავუყურდი. მგელს ბეწვი შხამიანი აქვს, ძაღლს თუ ყელში გარნა, ყელს ატკივებს. მგელთან ნანსუბარ ძაღლს თბილი ხორცი უნდა აჭამო, ხორციმა ყელი უნდა ჩაუწმინდოს, თორემ დაუსივდება და შეიძლება, რომ მოკედეს კიდევაც. რაც რამ ღინტლა და ლუბი მყავდა, სულ იმათ შევაჭამე იმ ზამთარს.

– რაო, მგელი განა მეტს შეჭამდაო? მგელი, ჯერ ერთი, თუ მიუწვი, მეტს კი არა, ფარას გაგითავენს. მერე როგორ იცის, მაგ ოხერმა, კარგებს არჩევს. ფარა რომ დაფრთხება, წინა პირს დაეტანება და იქ იჭერს, უკანა პირს კი არა, სადაც ბეჩაეები მირბიან. მეორეცაა და, ძაღლია თუ კაცია, იშრომა? დაუფასე, აჭამე, ძმაო, ეკუთვნიან – ალაღია. ხო და მე იმათ ნაშრომს როგორ დავუკარგავდი, ლოქიასა და მწვევარას. ისინიც კარგად ირჯებოდნენ და მეც კარგად ვუფასებდი, აბა როგორ?!..

ხო და ერთ ღამესაც ეს მწვევარა დაგკარგავთ.

ფარა მოვაყენეთ. ძაღლებს სალაფავი გავუკეთე. ლოქია მოვიდა, ჭამა, მწვევარა არ არის. მწვევარ, მწვევარ! ვეძახე, ვუსტვინე, არა, კაცო, არ არის ძაღლი. რაღა იქნებოდა. დაღამებულში ვერც ფარა დავათვალიერე და რო გათენდა, ერთი ჭრელი ვაცი მყავდა, ეგრე ერთმანეთზე რქებგადასული, ის ვაცი მოვისაკლისე. ფარა იმავე გეზზე გაკშალებით, წინა დღეს საითაც

გეყავდა და ბაღღს ვუთხარი, ბაღღო, ის ძაღლი და ვაცი უჭკველად ერთად იქნებიან. შენ ამ ფარას გამოჰყევი და მე წინ წაუვალ, ერთი ვნახავ, სად არიან, იქნება რა უჭირს, მივეშველებიო.

წავედი. მივდივარ, თან ვეძახი ამ ძაღლს. ორი თუ სამი გორიკა გადავიარე და შემომეგება, შემომეხვია მუხლებზე. – კაცო, ვეუბნები, სად ხარ, სად იყავი წუხელ, სად დაიკარგე. ის ვაცი სადღა გყავ. აბა ერთი გამიძღვიო. გამიძღვა, რაღაცა ღადუ-ღუდეებით მატარა და ერთ აკაკიან ხევში ჩამიყვანა. რასა ვხედავ, კაცო, ეს ჩემი ვაცი ერთი აკაკის ტოტზე არ არი რქებით ჩამოკიდებული. ეტყობა, ფოთლებისთვის აებღატა ამ აკაკის ტანს. სადღაცა შუა წელთან ერთი გადატეხილი ტოტი აშვირაუდა და ჩამოხტომისას ამ ტოტს გამოსდებია იმ თავისი გადაჯვარედინებული რქებით, ყულფივით ზედ ჩამოსცმია. ტოტი სქელია, არც გატყდა და დარჩა ვაცი ეგრე ატოტავებული, წინა ფეხებს ჰაერში უცვლის. ხო და ვაცმა ხომ ჩხავილი იცის, ალბათ ჩხავილი თუ გაიგონა, ან ჩვენ რატო ვერ გავიგონეთ, რა ვიცი, მისულა და აღარ მოსცილებია, იმასთან გაეთენებინა ღამე, იქა წოლილიყო.

გორდილები მქონდა გუდაში, გორდილები დავუყარე და სანამ ვაცი არ ჩამოვხსენი, პირი კი არ დააკარა.

ტოტს დაუწყე ხანჯლით ჭრა. ისიც იდგა და ყბრე შემომყურებდა. ტოტი რო მოვჭერი და ვაცი გავათავისუფლე. მერელა დაუწყო ჭამა.

ჭკია არა აქვსო?! ჭკიაცა აქვს და ბევრ კაცზე მეტი ნამუსიც. კაცი რომ ყოფილიყო, იმ ერთი ვაცის გამო იქ გაგიჩერდებოდა ღამე? იმ ხევში. თუ ვერ ჩამოხსნიდა, ერთი შენი პატრონის დედაცო და წამოვიდოდა, თავს დააჩუბებდა.

კიდე კარგი, გაზაფხული იყო და ნადირი იმდენად აღარ იტყეებოდა, თორემ ზამთარი რომ ყოფილიყო, აბა ჯაფა მაშინ გენახა აი!



გზილკის

საბა: წინათ, კოლექტივობამდე, სანამ ეს ტრაქტორები და მამაძაღლოები შემოვიდოდა, ეგ გულშირაქი სულ მოუხნავი იყო, ხარ-გუთნით განა რამდენი უნდა მოეხნათ. ხო და აქაც სულ ცხვრები ბინაობდა. ხომ იცი, უწყლო ადგილია და მშრალ ამინდებში ცხვრები ორ დღეში ერთხელ ალაზანზე გადადიოდა, წყალს იქა სვამდა.

ერთხელაც ქედში რაღაცა საქმე დამივარდა, ქედში წაყუდი. გზაზე თურქოანთ გაბოს წამოვეწიე, თოხლი მიუდიოდა ალაზანზე. მეც, მარტო სიარული მეზარებოდა და, იმასვე გავყევი. მიუდივართ ეგრე საუბრით, მივერეკებით ფარას. ერთიც ვნახოთ და ზემოთ, საქათმეები რომაა, იმ მხარეს ძაღლების გნიასი დადგა. ძაღლების ხროვას მგელი გამოუგდია და მოსდევენ. არ ვიცი, ვერ ეწევიან თუ არ ეწევიან, კარგა დიდ მანძილზე

სხლექით კი მიფრინავს ეს მგელი. ამ გაბოს ერთი ციათუთრი ძაღლი სტანია, კაი აშოლტილი, კოსაბეწვიანი ძაღლია. ამანაც აქ ყურები ცქვიტა.

– ბროლია, ხედავ იქ რა ამბავია, არიქა, უშველეო – თქმა ამისი და გავარდა ეს ძაღლი. გავარდა და გაუგეზა ამ მგლისაკენ.

– ღმერთის მა, შენ კი შორს ევლარ ივლიო, ჩაილაპარაკა გაბომ. მართლაც, იარა ეგრე გეზად.



იარა და გადაუჭრა გზა. ერთალია დატოტადნენ და წაილო კიდეც ამ ძაღლმა ქვეშ. შორს იყო, მაგრამ ხომ ვხედავდით თეთრი რომ ზემოდან მოექცა. ამასობაში ის სხვა ძაღლებიც მიცვივდნენ, მაგრამ ამას უკვე გაბაწრული ჰყავდა. ერთი-ორ წუთს ეგრე ეჭირა, მერე დაანება თავი და წამოვიდა.

ამ გაბომ გამოსდო სულ უკანა თოხლს კავი, დაკლა, გაატყავა, აკაფა და დაუყარა. ეს მეოერომეტეაო, მიოხრა და სულ სამი წლისაა, მეტიხა კი არაო.

ეგრეა, ძაღლი რომ მგელს დაახრჩობს, ცხელი ჯიგარი უნდა აჭამო, თორემ მგლის ბეწვი შხამიანია, ყელში რომ ხედება, ყელს უსივებს. ცხელმა ღვიძლმა უნდა ჩაწმინდოს ყელი, ჩაასუფთავოს. მგელთან ნაომარ ძაღლებს ხშირად ყელი აქეთ სოლმე დასიებული და ხმაც ჩახრინწული. ეს იმის ნიშანია, რომ ხარბი პატრონი ჰყავს, მგელთან ჩხუბის მერე ცხელ ჯიგარს არ აჭმევს.



ქიქვი

ბარისკენ მიმდინარი ყვარები კარგა ხნის ჩაველილი იყო. სოფელში რეულა ძალლი გამოჩნდა, ლეკვების დედა – ოთხი თუ ხუთი ძუძუ ჰქონდა ნაწოვნი. კარგი ტანიანი ძალლი იყო, ლეგად ჭრელი. მე იგი პირველად ნიკოს სანაკელეზე დავინახე, იქ დასუქსუკებდა, ნაგვიდან ძვლებს არჩევდა. ჭრელო, ჭრელო თქო დაუუძახე. ალბათ მართლა ჭრელო თუ ერქვა, მაშინვე მოძიედა. ძველი პურები გაძოვიტანე და გადაუყარე. ნელა წამოვიდა. ხან მე მიყურებდა, ხან – პურებს. მერე ერთი ნატეხი დასუნა და ისევ მე ამომხედა. ჭამე, ჭამე მეთქი რომ ვუთხარი, მერეღა დაუწყო ჭამა ნელა, დაუხარბებლად, თუმცა მშიერი კი ჩანდა – ფერდები ჩაცვენილი ჰქონდა. პურები დაჭამა და წავიდა. ამის მერე, თითქმის ორი კვირა თუ მეტიც, ყოველდღე გამოჩნდებოდა ხან დილით,

ხან – შუადღის ხანს. ვაჭმევდით ხან მე, ხან თამარა – ჩვენი ექთანნი, ხან ნიკო და ლამარა. მეღლიტო პაპამ თქვა, ჩვენთანაც მოდისო – მიღმათუბანშიც დადენილიყო. ეზოში არამც და არამც არ შემოვიდოდა, თუნდ პური შიგხითაც დაგვეგდო. გარეთ ვუყრიდით, გზაზე. პურებს შეჭამდა, სოფელს მიივლ-მოივლიდა და წავიდოდა, არღაჯის ტყისკენ მიეფარებოდა. ალბათ იქ, რომელიმე ჯღარღალა ფიჭვის კართებში ექნებოდა გამოთხრილი ბუნავი.

ერთ დილას, ჯერ კარგად გათენებული რომ არც იყო, გარედან ლეკვის წკმუილი შემომესმა. თითქოს ზედ ჩემს კარებთან წკმუოდა რაღაცა. სასწრაფოდ ჩაეცვი, კარი გამოვაღე და მართლაც ჩემს ფეხების საწმენდ ტომრის ნაჭერზე ჩამოცუცქებული სამი-ოთხი კვირის ჩაბუთქუნებული ლეკვი დამხვდა. მშრალობა იყო, უთოვლობა და ეზოს ბილიკზე ვერაფერს შეატყობდი, ვინმემ მოიყვანა იგი თუ თვითონ მოვიდა. ერთი კია, ისეთი პატარა იყო, რომ აივნის კიბეზე თვითონ ვერაფრით ამოვიდოდა. უეჭველია, ვიღაცამ მოიყვანა, მაგრამ ვინ? სანამ მე ამეების ‘აყრა-ჩაყრაში“ ვიყავი, ლამარას წიოკობა მოისმა: დედო, დედო, დედო, ვინა ხარ შენ, ვინ? ვინ მოგიყვანა? შენ ხომ მარტო ვერ მოხვიდოდი. ჩაკდეს, მოკდეს ტაბაჩები, ჩაკდეს მოკდეს

ტუბაჩები! – ვიღაცას თუ რაღაცას ეყვებოდა, ენას უჩლექდა. ლეკვი ავიყვანე და ჭიშკრისკენ წავედი. ამ დროს ლამარაც გამოჩნდა. მასაც ზუსტად ჩემნაირი ლეკვი მიეხუტებინა გულზე და გზისკენ მოდიოდა. ვიღაცას მათ კართანაც დაესვა ლეკვი.

– რა ამბავი გაქვთ, რა ხდებო? – ნიკოც გამოვიდა სახლიდან. თამარაც გამოჩნდა, ყარნაოზი და ლელაც. მოვიდნენ სხვებიც. ვერავის გაეგო, ვის უნდა ჩამოერიგებინა ჩვენთვის ლეკვები. მოვიდნენ შესტისა და თენგიზას ბაღლებიც. – მოგვეცი რა, ძიო, მოგვეცი რა, ლამარა ძალო. – გვეხევეწებოდნენ ხან ერთს, ხან მეორეს. ლეკვი ვერც მე გავიმეტე და ვერც ლამარამ. – ღმერთმა ჩვენთან გამოგზავნა და ჩვენთან იყვნენო. აქ არ არიან, თქვენებიც იქნებიან და ჩვენებიცაო. ვიქოთქოთეთ, ვიდავიდარაბეთ და დაეიშაღენით. წავიყვანეთ მე და ლამარამ ჩვენ ჩენი ლეკვები. იმ დღესვე გავიგეთ, რომ მიღმათუბანში მელიტოსა და ვანოსთვისაც მიუსვამს ვიღაცას თითო-თითო ლეკვი. სწორედ რომ 'საკვირვლიდან გამოვედით'. ერთი კია, იმ დღიდან ჭრელო აღარავის უნახავს სოფელში. კიო, თქვა მელიტომ, ესენი ჭრელოს შვილებია. დააბინავა, პატრონებს ჩააბარა და თვითონ წაყვიდა. ის შირაქში ჩავა, თავის ბინას მონახავსო.

ვიცხოვრეთ იმ ზამთარს მე და ბუთქუნამ ერთად. მე ბუთქუნა დავარქვი, ლამარასი ძუ იყო და კლარას ეძახდა, მელიტო და ვანო ერთი – აფთარას და მეორე დათვიას. არ კი მახსოვს, რომელი – რომელს.

გაზაფხულისთვის ლექვები კარგად წამოკანჭმალაღავედნენ.

მე ჩემი ბუთქუნა ნაბიჯს არ მადგმევეინებდა მარტოს – სადაც უნდა წავესულიყავი, აუცილებლად ამედევნებოდა.

მაისის ბოლოსთვის ცხვრები ამოვიდა. მითხრეს, ქუმელაურთაში თლუმაძე მოსულაო და სანახავად წავედი. ნაპირისცერს რომ გადავედი, მეცხვარე შემომხვდა. ვიქტორა ყოფილიყო. ბინა-ბარგი მოჰქონდა, ერთი ხუთი თუ ექვსი ბარგიანი ცხენი ჰყავდა და უკან ძაღლი მოსდევდა ერთი. საღამი, ქაღამი. ერთმანეთს მთა-ბარის ამბები ვკითხეთ. სანამ ჩვენ ვსაუბრობდით, ცხენები ბალახზე მიბრუნდნენ, ძაღლი იქვე დაწვა, გზის პირში. ჩემი ლექვი რატომღაც ძალიან აემხოლაგა ამ ძაღლს: გაეთამაშა და გამოეთამაშა, ხან თავს მოექცა, ხან – ბოლოს, ხან გადაახტა და ხან გადმოახტა. გამიკვირდა, სმა რომ არ გასცა – დიდ ძაღლებს ხომ არ უყვართ, უცხო ლექვები რომ ეთამაშებიან. კაცო, შევხედე და ჩენი ჭრელო არ არის, ლექვები რომ

დაგვიტოვა, ისა. ეუთხარი ჳიქტორას, ეგრე და ეგრე იყო, ამ შენმა ძაღლმა ლეკვები ნამოგვირიგაო. კიო, მითხრა, შემოდგომაზე დაეკარგეთ დღე-ღღეზე დამდგარიო და ჩვენ რომ გამოგლოვილიცა გეყავდა, ნოემბრის ბოლოს სამუხში მოგვივიდა ძაღიან გატანჯულიო. ვიქტორა ზევით წავიდა თავისი ცხენებით, მე ქვევით წამოვედი. ბუთქუნაც თანვე წამომყვა. კარგა მანძილი რომ გავიარე, მოვიხედე. ჭრელო გზაზე გაჩერებულიყო და გვიყურებდა. ერთ ხანს კიდევ გვიყურა, მერე მიბრუნდა და აედევნა კარგა შორს წასულ პატრონს.

ნეტავ თუ იცნო?



ძმძე B

საბა ელიზბარიძის ხსოვნას

აივნის ქვეშ მუშამბაგადაფარებულ პატარა მაგიდას აქეთ-იქიდან შემოეუსხედით მე და საბა, ბაღლობიდანვე მეცხვარე, ახლა სიბერის გამო გაშინაურკაცებული.

ეზოში, მსხლის ხის ჩრდილში ლეგა ცხვარი წამოდგა, წელში აიზნიქა, აიზმორა, ნელა, ჩახლეჩილი ხმით ჩაიბღავლა და ჩვენსკენ წამოვიდა. საბასთან მივიდა, ხელეებზე დაუწყო სუნვა.

– მოდი, ძმძე, მოდი, მაგრამ ჯერ რომ არა ეჭაძო?!
– ნიკაპი დაუჭირა და მეორე ხელი თავზე გადაუსვა საბამ. – პური უყვარს ძმძეს და როგორც კი შაგიდასთან დამსხდარებს დაგვინახავს, ჰგონია რო

ვჭამთ და გამოვრბის.

ბებერი ცხვარი იყო, სიბერისაგან დაპატარავებული, მენჯის თავებთან წელდახნეკილი, სიჯეილეში, ალბათ, შავი, ახლა გაღებებული და გაქოსავებული, თავპირზეც სიბერის ლაქებით დაფოთლილი.

– ბელადია. დაბერდა. ორი-სამი წელია ბატკანსაც ვეღარ იგებს. წლეულს ჭარბად გაღუბებულიყო, მთას ვერ გადავიდოდა, აქ დაეიტოვე. ვართ ეხლა მე და ძოძე შინ და ვეფერებით, ვექცევით ერთმანეთს.

– როგორ, ცხვარიც გამოდის მეთქი ბელადი? – ცხვრის ბელადობაზე არაფერი მქონდა გაგონილი.

– იშვიათად, მაგრამ თუ გამოვიდა, თხაზე უფრო კარგი მქეჩავია. გულადია, პატრონს ძალიან მიჰყვება. საცა კაცი გაივლის, არ შეიძლება, რომ ამანაც არ გაიაროს. ეს, ერთი ქისტურა ცხვარი მყავდა, ლეკა, მატყლის გულისთვის გავუცვალე ქისტებს, იმის შვილია. ისიც კაი მონაშენე ცხვარი იყო და ამანაც, მგონი ერთი თორმეტი ბატკანი კი გაზარდა. ეხლა მესამე წელია, ბერწად რჩება. რა ქნას, რა ამისი ბრალდია.

ამასობაში ცოლმა თონის პურის ნატეხი გამოუტანა. საბამ პატარ-პატარა ღუკმებად დაუწყო ჭმევა.

– ბატკნობიდანვე შევატყუე, რო ცოტა სხვანაირი იყო. ბატკნები ხომ ქვსვივები არიან, ხელს არ მიიკარებენ. ეს – არა, თავიდანვე ხელზე მომეჩვია, არა ფრთხეობდა, პურს, ხალს, მარილს ხელიდან იღებდა. კარგი თამამი ბატკანიც დადგა: თოხლობისას შიშაქებში ვერ გამოარჩევდი.

ხო და, იმ შემოდგომას გვიანობამდის დავრჩით თოხლით სააღმეში. მე და ეგ უშაროძე ვიყავით, ვანო. ცხვრები წამოვიდა და ჩვენ დავრჩით. ბრიგადირმა კი გაგვაფრთხილა, დიდხანს არ დაყოვნდეთ, თოვლმა არ მოგისწროსთ, აქ არ დაგიმწყევდიოსთო, მაგრამ კაი ჩამტკბარი შემოდგომა მიდიოდა, კარგი ბალახობაც იყო – ეგ ბუხურთა-ილიურთის ბოლოები სულ ბურახს ეჭირა და ამისთანა ბალახი აქ როგორ გავწიროთო, იმ საძოვარს დანიაზებულებს მეორე ალავერდობაც იქავე გაგვივიდა. ერთი ჯირი დავიტოვეთ საბარგედ. დანარჩენი ბინა-ბარგი სულ წამოვიდა, ჯოგები და ძროხიანებიც წამოვიდნენ. ჩვენ ეს ორნი ვართ ერთი ცხრაასიანი თოხლის ფარით მთელს ივანაურთა-ხეცურთაში. კარგი თოხლიც გაკეთდა – მამლები ჭედილებს დაემსგავსნენ, დედლები – შიშაქებს.

მესამე ალავერდობის კვირა დადგა და ცა-
ღრუბელმა დაიწყო არევა. თან მთვარეშლილობაცაა,
მთვარე უნდა შეიცვალოს სადაცაა. მაშინ კი ვთქვით,
რო თუ არ ავჩქარდით, შეიძლება თოვლმა მთას აქეთ
მოგვისწროს, მოგვიმწყვდიოსო და ავიყარენით.

იმ ღამეს ორ წყალში შემოვდექით. გზა
შევიმოკლათო და მაღლა ამოვედით, ეხებთან დავიდეთ
ბინა. ჯერ უშაროძემ იყარაულა. გამაღვიძა. შუაღამე
გადასულია. ღრუბელი წამოსულა – ვარსკვლავები
აღარა ჩანს. ვყარაულობ და ესე, ძაღლის ძილის დროს
დაიწყო თოვა, მთლად მშრალზე, უწვიმარზე. დაიწყო
და გათენებამდე კარგადაც მოჰკიდა, სულ გადაასუთრა
იქაობა. როგორც კი გათენდა, პურიც არ გვიჭამია,
მაშინვე გამოვქეჩეთ, წამოვედით. მე წინ გამოუბეღვი,
უშაროძე უკან გამოჰყვა. იქვე კი მითხრა, ცერში რო
ახვალო, თუ დიდი თოვლი იყოს, წელზე ნუ დაენდობი,
ზვაევი გვაზარალებს, ისევ აღმა, ცერ-ცერ შეეცადე,
თუ არა და დავბრუნდეთ, თავებს ხომ არ დაეიხოცავთ,
ამის გამჩენიც დაიქცეს, აღარ გაიდარებსო?

ტბებთან ამოვედი და თოვლი წინდის ყელს იჭერს.
თან თოვს, უმატებს და უმატებს. ცერში შემოვხედი
და მუხლზეა უკვი, მუხლზედაც მეტი. ჩადონანს
გადმოვხედაე და განა ჩანს რამე – სულ ერთიანად

თუთრია ყველაფერი: მთაც, გზაც, ქაერიც. გაღმა კართიანი, ლეკთვაკე, წყაროანა, ნაბძოლები და ეგენი არაფერი არა ჩანს, მარტო ჩაპ-ჩიპ, ჩაპ-ჩიპ, ჩამოდის თოვლი ტყლაპებად.

ჯერ ერთალია გორ-გორ შევეკიდე, იქნებ ავარღვიო, იქნება ავკვალო ვიფიქრე. არა, კაცო, რას აარღვევ, ხუთი მეტრიც ვერ ავიარე. მძიმე თოვლია, შატყი, ვერა ვკვალავ. არც ვაცები გამომყვნენ აღმა. ვაძბობ, რა ექნა – აღმა ვერ მივდივარ, წელთაზე გავეკიდო, ზეგისა მეშინია, დავბრუნდე და სანამ ამხელა ფარას, ეგრე გაწალიკებულს, დავატრიალებთ, სანამ რაღაცა, ორწყლამდის ვერ ჩაეალთ, უალაგო ალაგას დაგვიღამდება, ფარას ფარად დავღუპავთ და ჩვენც ჩაგვაგრილებს, დავიყინებით. რაც მოგვივა, მოგვივა, სხვა გზა არააო, ვთქვი და დავადექი ისევ წელთაზე საცხენე გზას. გზა კი ახში ეტყობა, გზას არ ავცდები. დავადექი და წამოვედი, გამომყვნენ ვაცებიც. ესე ნახევარი გზა გამოვიარე, იმ ჩხატთან ხევსაც გამოვცდი და დადგნენ ვაცები, ვეღარ მოდიან. მივბრუნდები, მივუკვალავ, ცოტაზე წამომყვებიან და დადგებიან.

ვანო არა ჩანს. აბა ამ თოვლში სულ თითო-თითოდაა გაბაწრული და ცხრაასი თოხლი ცოტა კი არაა, ის ალბათ ჯერ იქითვეა, ჩადოანის ყელებში

სადმე. არა და, ალბათ, შუადღე გადასულია, მალე დაღამებაც დაიწყება და ვრჩებით ამ ქარაფებში ეგრე გაწაღიკებული ფარით. ვეძახი ვაცებს – აი ვასკა, აი ბორძა, აი ბელა და აბა!.. ვერ მოდიან და აი ამ დროს ეს გამოვიდა, ჩემი ძოძე. გამოვიდა და გამოიყვა. წამოვა გადმოხტომა, გადმოხტომა, გადმოხტომით, ნადირებმა რომ იციან ღრმა სოფელში, თუ გიყურებია, აი ისე. დაიღლება, გაჩერდება, დაიწყებს ბღავილს. მივალ, მიუკვალავ და წამოვა. ვაცებიც, რალა თქმა უნდა, მოსდევენ. აი ეგრე გამოვედით მეღთკუდას გორში. ეხლა კი სამშვიდობოსა ვართო, ვიფიქრე. გუდიდან გორდილა ამოვიღე, ცოტა მეც შეეჭამე და ძოძესაც ვაჭამე. მერე დავეშვი პირდაპირ მეღთკუდის გორ-გორ, სულ დაბლა ლეკთვაკის კუდებისკენ, იმ ტყისპირა საბინაოებში ჩამოვყარე.

საღამოხანს აიყარა, მზეც გამოჩნდა, სადაცაა კართიანის თავზე უნდა დაჯდეს. მთელი ფარა ჩამოიკრიფა, უკანა პირის თოხლებიც ჩამოვიდნენ – ხომ ვიცნობდი უკანმავალ თოხლებს და უშაროზე არა ჩანს. ახლა იმის ფიქრი მომეცა: რა იქნა ის კაცი, ეირი ხომ არ გადაუვარდა, ზეგვი ხომ არ გამოუვიდა ან თავად ხომ არაფერი დაუშავდა? ათასი რამე ვიფიქრე, რა ვიცი და, მადლობა ღმერთს, მზე

ჩაუფარა გორს უკან და გამოჩნდა ვანოც ტატანთ
საწოლაების თავესე თავისი ვირითა და ძაღლით. ვირის
გამოყვანა გასჭირვებო: ხან ბარგი ეხადა, მხრით
ეცილებინა და ახში გამოუყვანა, როგორც იქნებოდა.
ძაღლიც იძასთახ დაძრწალიყო, არ დაენებებინა თავი.
– კაცო, რა ჰქენიო, მეუბნება, როგორ გამოხვედი,
როგორ გამოენდე იმ წელზე, ან ზვაევი როგორ არ
გამოგვივიდაო?

– როგორ გამოვედიო, – უთხარ – აი, ეს რომ არ
ყოფილიყო, ჩემი ძოძეო, ეს ფარა იქ დაგვრჩებოდა
ეგრე გზაზე გაბაწრულიო, ამან გამოგვიყვანაო.

დაბლა თოვლი არ იყო, ფარამ ახში ვახშამი აიღო
და ის ღამე მშვიდობით გადავრჩით, არა გვიზარალია
რა.

აი იმის შემდეგ ერთი ათი-თორმეტი წელი კი
ვიარეთ მე და პოქემ ერთად ამ სამთაბარო გზებზე.
ამ ორი წლის წინ, მე რომ ცხვარს თავი დავანებე,
ბაღლს რომ მიეუთვალე, ვუთხარი, ბაღლო, ეს ცხვარი
არ გაჰყიდო, ან არ დაჰკლა, აქ იყოს, აქ მოკვდეს
თავის დღითაო. ამბობენ, ბელადი ცხვარი ნაწილიანია,
მთელი ცხვარ-ბინის ბარაქა იმასა ჰკიდიაო. თუ
გაჰყიდე, შენი ცხვრის ბარაქა მყიდველს გაჰყვებაო.
ბინაში უნდა დაიკლას, ბინაში უნდა შეიჭამოსო.

დასაკლავად ვერ გავიმეტე, მაგის ხორცს რა შემატმევს!

ეხლა კი მე და ძოძვე ორნივე დავბერდით, დავბერდით და დავყარეთ ფარ-ხმალი, ველოდებით მიქელ-გაბრიელს, ნეტა ის დალოცვილი რომელს უფრო წინ მოგვიკითხავს.

საბამ პურის ბოლო ნატეხი მიაწოდა ცხვარს, მერე ხელის გული მიუშვირა, იქ დარჩენილი ნამცეცებიც აალოკინა. წადი ახლავ, ხელით მიაბრუნა, მსუბუქად უბიძგა. ცხვარი წაქავექავდა მსხლის ჩრდილისაკენ, თავისი ნაწოლი ადგილი მოყნოსა, ერთი-ორჯერ ადგილზე შემობრუნდა, ჯერ მუხლებზე დაეშვა, მერე უკან ფეხებიც შემოიკეცა, ჩაწვა და ერთი ისეთი ამოიხენეშა, თითქოსდა მართლაც ელიზბარიძეების ფარის მთელი ბარაქა იმის ბებერ მინდაოს აწევსო.



სამსონი ოთხიანი

სამსონი: მგლისთანა ვაჟკაცი ნადირი ერთიც არ არის, პირდაპირ მოდის დაემაზე. დაარტყამ და შემოგიბრუნდება, შემოგანათებს თვალებს, თითქოს უნდა გეცესო. არა, ყოჩაღია, ყოჩაღი, ჯავარი.

ერთი ღროა, გვიანი შემოდგომაა. მოსაგებში ვარ. პატარა ფარაა, ერთი ხუთასამდის და მარტოკა ვარ, ძაღლები მტანია ორნი. ერთი კარგი ხეაღი ძაღლი მყვანდა, ოსმალას ვეძახდი და ერთიც კიდევ იმისივე შვილი იყო, ისიც კაი ყოჩაღ, მაგრამ ჯერ პატარაა, ერთი წლის ლეკვი. ჩალიანი რაღაცა ადგილია, ლურწმიან-ყარღოიანი. იმ ჩალიანების პირ-პირ მივაყოლებ. საღამო ხანია, მზე ჩადის და ბინისკე მიმიდის ძოვნით. ერთიანად ამ ჩაღების მხრიდან ცხვარი წამოფრთხა და იქავე ჩვენს ახლოს ერთი ოთხი მგელი

გამოვარდა და წამოერივნენ ფარაში. აბა მაშინვე გაქანდნენ ძაღლები, გავექანდი მეცა და ეს მგლები კი არ გაიქცნენ, ცხვარს თავე დაანებეს და ჩვენ შემოგვიტყეს. არც ძაღლებმა დაიხიეს და წავიდა ჩხუბი და რა ჩხუბი. შუაში ოსმალა ტრიალებს და ის მგლებიც, ის გამჩენძაღლები, ყველა იმას დაეცია. ეს პატარაც ეშველება, კარგად ეშველება, მაგრამ მთავარი ძალა მაინც იმას ადგია. ახლა მეც, კარგი შვინდის ჯოხი მიჭირავს და ვუზაპუნებ ხან ერთსა და ხან მეორეს. აი მაშინა ენახე: დავარტყამ, გახტება განზე, შემობრუნდება და შემომიტყეს. ახში დავძაღეთ, როგორც იქნა და შეცვივდნენ ჩალიანებში. ძაღლებმა აღარ შეიწიეს და აღარც მე შევუშვი. რო გეგონია, რომ დავიყრევივინეთ, ამ დროს ისევ არ გამოცვივდნენ ცოტა ზევითა და ისევ დაეტივნენ ცხვარს. აბა ჩვენც ისევა და ახლა იქ ვეცენით ერთმანეთს. ოთხნი ისინი არიან, სამნი ჩვენა ვართ. ისევ დავძაღეთ და ისევ შევეყარეთ იმ ჩალიანებში. დაიღალნენ, კაცო, ძაღლები, მეც დავიღალე. ერთი-ორი წუთი გავიდა და ისევ არ გამოცვივდნენ. — აბა, ბიჭებო, ერთიცა-მეთქი და ისევ ვეცენით. ეს ცხვარიც დადგა, შემობრუნდა და ამ ჩვენ ჩხუბ-დავიდარაბას უყურებს. ვფიქრობ, ეხლა კი ვეღარ მოვერევივით, ამ ძაღლებს დამიშინებენო და ამ დროს, რა ვიცი, საიდან გაჩნდნენ,

ამ ჩვენი ვაივაგლახის ხმა თუ გაიგონეს, ორი ძაღლი მოვარდა სადღაცოდან. ეცნენ ისინიც ამ მგლებსა და ახლა კი როგორ არა, იკადრეს გაქცევა – შეცვივდნენ ჩალიანებში და შეჰყვნენ ძაღლებიც ოთხივენი. აღარც მე დავუშაღე და, ეტყობა, კარგა შორს მისდიეს, შეგვიანდნენ. მე წამოვუარე ფარას, შემოვაბრუნე ბინისკენა და გამოვქეჩე, იქ რაღა გამაჩერებდა. ამასობაში ძაღლებიც გამოვიდნენ, აუარ-ჩაუარეს იმ ჩალიანებს, მიაშარდ-მოაშარდეს ყარღოებს, ცოტა წაუღრინ-წამოუღრინეს ერთმანეთს და წამოვიდნენ. ის ორნი, ღღესაც არ ვიცო, ვისები იყვნენ, საიდან მოვიდნენ, ცოტაზე ჩვენვე წამოგეყვნენ და მერე წავიდნენ თავისთვის.

ძალიან კი გადაგვარჩინეს იმ დალოცვილებმა იმათ.




ყაჭქიღუნა აინ მკაღა

ერთი დროა და ერთი მგელი გაგვიხდა ჭირად.

ჩილოელთ ხევზე, დაბლა, თუ ყოფილხარ, სამწვანეებია. ეგენია ღილაზიანთ ნაბინაურები. ქოთილაიძე აბრო არის დაქაანთ ვასოსთან, დეუდარაიძე თადო და ხუნჩალეანთ მოსე ამხანაგები არიან. გოსოთან ნაბინაურებს რო ეძახიან, იმის წინ ხქონდა მოსეს ბინები და იქ არიან. მე ზევითა ვარ თავის ბინაში. მურთაზა მვილი იროდი კიდე თიბელათ სვიმანთან იყო პატარა შირაქის ბოლოში, ნაგალაურებს ეძახიან, ჩვენი ბინის სულ ცოტა ზევით, იქ არის მარტო. ერთი ოთხასი მოსაგები ჰყავს და იქ არი. მეც მარტო ვიყავი. ოთხასი იმასა ჰყავს, ოთხასი – მე და მარტოკები ვართ ორივენი.

ერთი მგელია გაგერშილი, კაცო, და თუ სადმე ვისმე მოატანს, გვაწუხებს, გეტაცებს ძალით. ხმა გამოვიდა რო ამ ქოთილაიძე აბროს დაჰრევიაო. ცხვარი მისდენია წყალზე. მარწინაიძის ბინიდან ერთი ჩექლიში რომ გადადის ჩიღოელხევისკენ, ზედ ამ მაღალში, უღელტეხილში მოუტანებია. ჯანდიანი რაღაც დღე ყოფილა, დაჰრევია ეს მგელი, დაეყანტა ცხვარი. აქურებს, ვეღარ აქუჩებს, ერთს მოსტაცებს, გამოუდგება, დააგდებინებს, ახლა სხვას დაიჭერს. ბოლოს იძულებული გამხდარა, ერთი დაანება და დანარჩენები გამორეკა. წყალზე რო ჩარეკა, გათვალა და ოცდახუთი დააკლდა. უფიქრია, ის გამჩენძალლი, ხომ სულ დაღუპავდა იმ ნოტოსაო და, კიდევ კარგი, იმ მგელთან ჩხუბ-დავიდარაბაში ის ნოტო ასხლეტილა, ყორულში გადაყრილა და იქ უპოვია უვნებლად.



მეორე დღეა თუ მესამე და ამ თაღოს დაჰრეგია კიდე, დევდარათ თაღოს. იქიდან არაფერი დაუნებებია, იმ თოხლებიდან. ცოტა ჰყავდა, ერთი სამასამდე. გამოქცეულა, ხევ-ხევ წამოსულა და ერთი თერამეტი სული ლუბები ჰყვანია ბინაში, კოჭლები, რეტიანები და ისინი დაუხოცია სულ, ერთიც არ გაუშვია.

ღამეა, ახალი შეღამებული. ორი-სამი დღეა, ხამი მივეცი და ამ ჩიღოელთ ხევის ცერ-ცერ მომიდის, ძონით მოვაყოლებ. ღიხი უროა, ღიხიანობა იყო ძალიან. ჯერ ძონით წამოვიდა და რო შეღამდა, ამ ღიხში ვეღარ ატანდა, დადგა, დაქუნდა. ვაცი მყავს ერთი, დიდი ვაცი. დაეუხმაურე, გამოქეჩა და წამოვიდა. უკან მე მოვდეგ. მეზიანება კი, აქ არსად მომატანოს, მაგის პატრონის დედა ვატირე მაგისა-მეთქი. ძაღლებიცა მყვანან ორნი, კარგი ძაღლები, მაგრამ ბინაში არიან, თან არა მყვანან. მათე იყო ჩვენი ბლუჯონთ ერასტისთან პატარა შირაქში. ის წამოსულიყო ჩემთან იგრელა სანახავად. ძაღლებსაც შესვლიყო და იქ ბინაში მელოდება. გამოვქეჩე.⁹ ერთ დაბაღში ძალიან მაღალი უროა და არ გამოდის ეს ვაცი, დადგა. დაუუტეე ამ ვაცს. ვაცი გამოვარდა და მეორე თხა რომ გამოჰყვა, ამ თხამ დაიჩხავლა.

⁹ გაქეჩვა – გარეკვა ვაცის წინგაძლოლით.

დავაკვირდი ამ ბნელაში, კაცო, და ვა, მგელი მისდევს. გაეჭყევი მეცა. გზაზე კიდე დაღალაიძე საბა და ბასილო მიდენილიყენენ, ცხვარი მისდენიყო ბინისკენ. ძაღლი ხყავ იმათაც, მაგარი ძაღლი და ამ თხის ჩხავილი რო გაიგო, ისიც გამოვარდა, მომეშეულა და ეს თხა გავაშეებინეთ. თხა ბინისკე გაიქცა და მგელი კიდე – ჩემკენ. ამ ჩემ ხმაურზე მათე გამოქცეულა, ძაღლებიც ჩემკენ წამოვიდნენ. გზაში მათეს ეს შეშინებული თხა შეხვედრია, ბნელაში მგელი ჰგონებია და აი, შენი გამჩენი დაიქცაო, ერთი ჯოხი უდრუხია და თხამ კი შესჩხავლა. აქ მე კიდე ვარ ერთ გაჭირებაში: ეს ცხვარი სულ გუნდად შეიკრა და ხელიდან მიმდის. ურბენტ გარშემო მე და ეს მგელი. ერთს დაიჭერს, გავაშეებინებ, ახლა მეორეს დაიჭერს. ჯოხიც იმას ვესროლე, ხანჯალიც, თექაც გავიხადე, გუდაც მოვიხადე, ქუდიც იმას ვესროლე. ვერა, კაცო, ვერ ვიგდებინებ. ბოლოს ერთი შავი ცხვარი დაიჭირა და იძულებული გავხდი, თავი დავანებე. დანარჩენ ცხვარს მოვუარე, აღმა ძიდიოდა, თავქვე დავაბრუნე. აქასობაში ეს ძაღლებიც მოცვიდნენ, მათეც მოვიდა. ერთი ხვადი ძაღლი მყვანდა, ციათეთრი, ყარაჯას ვეძახდი. დაუსისიავე, არიქა, მიშეელე, არიქა, მიშეელეო. დაიყარა სული და ქვევით უღლუმიანებში დადგა კიდეც ალიაქოთი. მათეს ვუთხარი,

შენ ამ საქონელს მიხედუ, მე იმ ძაღლს მივეშველებიო. გავიქეცი, მივეარდი და ხან ერთია ქვეშ და ხან მეორე. აღარც ჯოხი მაქვს, აღარც ხანჯალი, ხო სუყველაფერი იმ მგელს ვესროლე. საბას დაუუძახე, არიქა, არაფერი გაქვს? მომეშველეო. საბა ცხვართან დარჩენილიყო და ბასილო მოვარდა თავის ძაღლით და ხელათ გაგბაწრეთ. ის მგელი იქ დაარჩევს ძაღლებმა. ძლივს მადლი დაგვემართა. ერთი ხვადი მგელი იყო, ზორბა რაღაცა, თან მაყვადივით შავი, ყელქედუნა¹⁰. მაშ, ის ოხერი ისა.



¹⁰ყელქედუნა – ყელზე თეთრზოლიანი ცხოველი.

მუსხვაშვილმა ცდისაა

თოფ აიღონ, სახელ მისციდითა,
ჯოხ აიღონ, ვახშამ გაუჩინიდითა.
სადიდებლიდან

დათვაისხვევის ბინაში, ქოხის წინ დაბალ მაგიდას სამნი შემოვრჩით: ამ ბინის უფროსი მატაიძე, სარქალი ზეზვა და მე, ამათი სტუმარი. საწველ კასრებზე დაკეცილი ნაბდები გვიგია და იმეებზე ვსხედვართ. მაგიდაზე სოდიანი გორდილები¹¹, მშრალად მოხარშული ხორცი და ხის ჯამით კალტი¹² გვიდგას. რქაწითლის ღვინომ საუბრის საღვლეელი აგვიშალა. მე, როგორც

¹¹ გორდილა - სოდიანი ცომისაგან მოხარშული მწყემსური პურეული.

¹² კალტი - ყველის შრატის შაგრად გაწურული მარილიანი ნაღული.

“ზედაშის პატრონი“, ვმერიქიფეობ, მატაიძე თამაღობს და, ამ სუფრაზე მეტი ‘თანამღებობა“ აღარც არის, ზეზვა სუფრის წევრია. ის ქვეშ-ქვეშ ღიმილით შემოგვეურებს ხან ერთს, ხან – მეორეს. თამაღა და მე ვენაწყლიანობთ, ზეზვა მოკლედ იტყვის.

მზე დასაველეთის ცისკიდურზე დაქანებულა, სადაცაა ჩაეფარება წოვათის საჯიხვეების უკან.

მატაიძე: მეცხვარეობა, ჩემო ძმაო, ცღისაა. შეეცდები, ღმერთიც ხელს მოგიმართავს და საქმეც წაღმა წაგივა; არ შეეცდები და არც არაფერი გამოგივა. ‘ღმერთო მიშეელეს“ ძახილი არც ცხვარს დაგიდოლებს, არც მოგიწველის და ვერც მთას გადაგიყვანს. ხომ ნახე, როგორი გაზაფხული იყო წლეულს. ეკითხულობთ ამბავს, გვეუბნებიან, მთის გამოსვლას კარგა ხანი დასჭირდებო, გადასვლა არ შეიძლებო. არა და აღარც სამუხშია გასაძლები. დაცხა, მცურავი გამოვიდა და დღე არ გავა, გველნაცემი არ მოკედეს, ხან ორი და სამიც. ახლა ტიპი და თუ ცოტაც დავაგვიანეთ, ნაბარეზუა საშიში: შევეკიდებით მთას, ცხვარი ცივ წყალს მოხედება და ნაბარევი დაგვიღვეს. ვუთხარი ბიჭებს, ბიჭებო, უნდა ავიყარნეთ, უნდა წავიდეთ, რაც იქნება, იქნება, აქ გაჩერებისა აღარააო. ავიყარნეთო, ამათაც მხარი დამიჭირეს და ავიყარენით.

გრძელყანას რომ გამოვედით და მთებს შემოვხედე, მაშინათვე წელი მომწყდა – ისეა თოვლით ჩამოლესილი, რომ ცხვარი კი არა, ეშმაკი ვერ გადავა. მაგრამ რას ვიხამთ, იქ ხომ ვერ გაჟიერდებით. სადაა იმდენი ადგილი, რომ რამდენიმე დღე ფარები დავატრიალოთ. ახლა უკანიდან სხვა ფარები მოგვაწვება და გაჭირდება საქმე. მეც ვუთხარი და ბიჭებმაც თქვეს, უნდა წავიდეთ, სხვა გზა არ არისო.

იმ საღამოსთვის აბანოს ხიდთან შემოვდექით. ორი მანქანა ბალახი მოვიტანე, მწვანე მასა. დილას ფარები დავაძღეთ და საღამოსთვის ტყისთავში ამოვედით. ტყისთავეები ამწვანებული კია, მაგრამ ნოლია¹³ – ერთი გაელა-გამოვლა და ბალახი აღარ იქნება. მაინც მთას გადასვლაზე ფიქრიც არ შეიძლება. რაც მოგვივა, მოგვივა, აქ უნდა დავრჩეთ, სანამ გორისპირები მაინც არ დაჩნდება, რაზედაც ცხვარმა უნდა აიაროს.

სამ ფარად მოვდივართ: წინ თოხლია და ორ ფარად ბატკნიანი მოგვიდის. თითო ფარასთან სამ-სამი კაცი. ორნიც ბინასთანა ვართ – მეჯოგე და მებინავე.

თოხლი გაღმა გავიდა, ცოდვიანი ხევის გაღმა, გაიოზის ქოხი რომ იყო, იმის დაბლა ფერდებში

¹³ ნოლი – ნორჩი, დაუპურებელი ბალახი.

გაიშალა. ბატკნიანები იქითვე დარჩა აბანოს გორში და ჩალმათმელთკუდას გორებში. ცხენები და ბინა-ბარგიც აბანოს გორში გამოვედით. თოხლში ეს ჩემი ძმისწული იყო, გია, ფარის უფროსად. ბაკური ჰყავდა და მესამეც პირიქითელი, თავისივე მწყემსი. საძხივე ჯეილებია.

ის დღე არაფერი და მეორე დღეს, საღამოსანს, ეს ჩემი ძმისწული გამოვიდა, – ბიძაჩემო, რას ვაპირებთო.

– როგორ, რას ვაპირებთო – ვუთხარი – უკან ხომ ვეღარ დაებრუნდებით, წინ ვერ წაველთ და უნდა ვიყოთ აქ, სანამ გზა არ გამოვავ.

– გზა თავისით როგორ გამოვა, გზა ჩვენ უნდა გავტეხოთო – მეუბნება – ჩვენ თუ არ შევეცადებით, ეს გზა ორ კვირასაც არ გამოვა. გზის გამოსვლას თუ ველოდეთ, ცხვარი აქ გაგვიწყდება შიმშილით და მთაში რაღა გვინდა, დავყაროთ ჯოხები და წავიდეთ სახლებშიო.

– კაცო, – ვეუბნები, – ამ მთას ვერა ხედავ? ერთი მაჩვენე, საით აპირებ ასვლას, სად უნდა ასტეხო გზა?

იმ ცოდვიანი ხევის გაღმა, აღექსი რომ გადმოვარდა, იმის მარცხენა გორს მაჩვენებს, აი, იმ ფხაზე ავალო. წელანა ვსინჯე და თოვლი გაძეკილია.

ეხლა კი ცოტა საფლობია, მაგრამ დილას გაყინულზე აისვლებაო. კაცო, დაყუდებულია, თან ორივე მხრიდან არის ალესილი ხანჯლის პირივით.

– ბალო, – ვეუბნები – ან შენ რაზე უნდა მოიკიდო ფეხი, ახ ცხვარი როგორ ამოგყვება მაგაზე, შენ ხომ არაფერი დალიე, ფიქრობ, რას ამბობო?

– არც არაფერი დამილევია, მშიერიცა ვარ და კარგადაც ვიცი, რასაც ვამბობო – მეუბნება – სხვა მაგაზე კარგი ასასვლელი არ არის და ცხერის აქ გაწყვეტას არ ჯობია, შევეცადოთ, იქნება გადავიდეთ, ცხვარი გადავარჩინოთ. – პატრონიც ამ ცხვარს გაუქრეს: ცხერის გულისათვის მე ხალხს ვერ დაეღუპაო – ვუთხარი – ეს რაც ჩანს ხომ ეგეთია. ჯერ არა მგონია, აქ ან კაცი ავიდეს, ან – ცხვარი. რაც არა ჩანს, ის კიდევ რა იცი, როგორია. ვიყოთ აქა და რაც მოსახდენია, მოხდეს-მეთქი.

– არაო – მითხრა – მე ხვალ დილას შევეკიდები და თქვენ როგორც გინდათ, ისე ქენით, მე აქ ცხერის შიმშილით გაწყვეტას ისევ ის მირჩევნია, ვეცადო, იქნება გადავიდეთო.

– ეს შენ კი, მაგრამ ბიჭები რას გეუბნებიან, იმათ აღარა ჰკითხაო და – როგორ არა ვკითხავ, იმათი აზრიც ეგ არისო. ახლა კი გავბრაზდი და ვუყვირე:

ჯეილები ხართ, ღონე გერჩისთ და ჭკეპას კი არ ატანთ საქნელსა-მეთქი. ფეხსაც არ მოიკვლით! იქნებით სანამ ჩვენ აქა ვართ და თუ გადასვლათ, ყველანი ერთად გადავალთ.

– არაო – მითხრა – ბიძაჩემო, ჩვენ კი გადავალთ და თუ თქვენც გადმოხვალთ, კარგს იხამთ, თუ არა და თქვენი საქმეა, აქ გაწყვიტეთ შიმშილით ეგ ფარებიო. აიღო სამი პური და წავიდა.

– ბაღღოო – დაეადევნე – ემანდ არ მიჰქაროთ, ემანდ მთას არ შეეკიდნეთ, თორემ ჩემზე მეტი ჭირი არ გინდათო. ხმა აღარ გამცა, არც შემოუხედავს, რაღაცა ჯიუტად კი წავიდა, გაჯავრებული ადგამდა ფეხებს.

საღამოს ეს ჩვენი ბიჭებიც რომ მოგროვდნენ, იმათაც ეუთხარი, ეგრე, ეგრე, გია იყო და ეგრე ვინახებეთო. აქ ამ ჩემმა ბაღღმა და სხვა ჯეილებმაც მხარი აუბეს, ვეცადოთო და რასაც აქ დარჩენისთ ვიზარალებთ, წასვლით იმაზე მეტი რა ზარალი უნდა მოგვივიდესო. ესენი კი გავაჩუმე – წასვლა სისულელეა, ცხვარს ცხვრად დავლუპავთ და, ცხვარი ჯანდაბას, ვაი თუ ხალხის ზიანი გვექნესო, მაგრამ თურმე ისინი კი ვერ დამიშინებია. დილას, ჯერ გათენებული არ იყო, რომ დაჰკივლეს. რომ განათდა,

თვალს რომ გავაჭრევინეთ, წინა პირს ის ფხა გორი თითქმის ანახევრებული ჰქონდა. გაწალიკებით მიდიოდა და ფარის ნახევარი ჯერ ისევ ალხაჯზე იდგა. ბიჭებს ეუთხარი, აქ ადგილზე თითო ფარას ორი კაცი ეყოფა, დანარჩენები წავიდეთ, მივეშველოთ, ცერამდის ავაცილოთო.

წინ გაა მიდიოდა, ზედავე ვაცი მიჰყვებოდა, ლეგა ვაცი, ღურბელა, ვასიკოს რომ ვეძახით. ცოტა უკან, ერთი სამ-ოთხ მეტრაში დანარჩენი თხა-ვაცობა და მერე – ცხვარი. შეჩერდებოდა ბაღლი, შეისვენებდა, შეჩერდებოდა ვაციც. წავიდოდა ბაღლი, დახრიდა თავს ვაცი, მიაბჯენდა საქამრეში რქებს და სანამ თვალთა ჩანდნენ, სულ ეგრე იარეს. მივეშველენით ჩვენც, ჩაუდექით შუა და შუა და სანამ მზეები გაიშლებოდა, ცერს გადმოვაცილეთ. წამოსულიყო, სულ მაღლა, ტელევიზიის თეფში რომ დგას, იმაზე ასულიყო, იმისიც კიდევ მარცხნივ, იქ გადმოეტეხა ნაპრალი. პირაქეთ კი აბა რაღა გაუჭირდებოდა, ამინდი კარგი იდგა. მე უკანა პირს მოეყვებოდი. ცერს რომ გადმოვედი, გოძეწრელების სადგომი რომაა, იქიდან გადაეხედე. ამ ჩემ ძმისწულს დაბლა ვაკეებში გაეჩერებინა წინა პირი და უკანების ჩაქუჩებას ელოდებოდა. – ყოჩაღ, ძმისწულოო – დაუშდახე – კაცი ხარ კაცური, ახლოს

რომ ვიყო, გააკოცებდიო. ხმა არ გაუცია. მარტო ეგრე გამომხედა გესად, გვერდზე რომ იცის ყურება. ვაცებს დაუხმაურა, გამოუქენა ისევ და წამოვიდა. მე მთას გადასვლისთვის გუდაში ყოველთვის მაქვს ზედაზე. დავუძახე ბიჭებს და ზედ ცერზე ვთქვით მგზავრთანგელოზის სადიდებელი.

აბა, გზა გატეხილი იყო და ჩვენ რაღა დაგვიჭერდა. საღამოსთვის ორივე ფარა ცოდვიანხევეში შემოვდექით და დილას, ისევე ღამიანად, ჩვენც დაგვიკივლეთ. მეც ისევე ამოვჭყევი, ამოვაცილე ცერამდის. მერეღა დაებრუნდი ცხენებთან, დავაბრუნე ისევ ბარში.

ხო და ეს ცდაზე ვთქვი. ვინც შეეცდება, ის გაიმარჯვებს კიდევაც. აი, მაშინ ეს ჩემი ძმისწული რომ არ შეცდილიყო, ვინ იცის, რამდენი ხანი მოგვიხდებოდა იქ გაჩერება და რამდენს ვიზარალებდით. გვიან ხომ შენ თაეადაც ნახე, როგორ იყო ამოყსებული მელკუდასა და ფიცრიჭალის ხეები ნაბარევის ნახოცი ცხვრით. ჩვენები კი უზარალოდ გადმოვიდნენ და მაისის ოცდარვაში ცხვარი მოწველეს. მე ვაძბობ, რომ ჩვენ თუ არ ვიზარალეთ, ამ ჩემი ძმისწულის მოცადლობით არის ეგა. დაასხი, რას გაშტერებულხარ? ეგეთებს შენ აქ სხვასაც ბეკრს გაიგონებ. დაასხი, თითოც დაჯლიოთ და ორი იქნება.

მე მართლაც მიმევიწყებოდა ჩემი ტიკი და ყანწი.

– ამ ყანწით, ბიჭებო, კარგ მეცხვარეს გაუმარჯოს, მოცადსა და ფხიანს. იმასთანავე იმის თანაშემწეებსაც გაუმარჯოს, უჯამაგირო მწყემსებს – კარგ ვაცს, ფარის შქეჩავს, კარგ ძაღლს, თეოს დარაჯს, მტრისა და ნადირის გამბრუნებელს, კარგ ცხენსა და ვირს, ბინა-ბარგის მზიდავეებს. სანამ ეგენი არიან, მეცხვარეობაც იქნება და არ დაყრუვდება ეს მთები, ეს სოფლები.

მზე ჩასულიყო. შორს, თვალსაწიერის მიჯნასთან მხოლოდ ღეკეთის მთებს ედგა მზის უკანასკნელი სხივების ოქროსფერი ვარაყი.

გაღმა, წაროს პირდაპირ კლდეში, არწივი ყეფდა.



ღუჭბა

მურას, ჩემს ერთგულ მეგობარს და თახაშემწეს

მთელი დღე მზიანი იყო, ღრუბელი არსად ჭაჭანებდა. კარგად თბილოდა. გაზაფხულის კეალობაზე ცხელოდა კიდევაც. სადამოხანს წიოსწვერს ნისლის ერთი პატარა კოწოლი აეხვია. გომეწრის ხეობას გავხედე. დოვნის თავს, ფიჭვიან ტყესთანაც ბოლავდა ნისლის თხელი ნაფლეთი. ცუდად მენიშნა – უეჭველია, აშინდი შეიცვლება. ფარა დავაბრუნე და ცოტა აჩქარებით დავაყოლე საბინაოსკენ. სანამ დაბლა ჩაშოყვარე, ცა გაბმულმა შავმა ღრუბელმა დაფარა. ჰაერი დამძიმდა, საავდროდ ჩაშოიჭიკა. ნაწიდარზე ჩამოვაყენე და დაბნელდა კიდევაც. ეთელთისა და საგირთის ხორხების საშუალოზე, სანების გორის დასაწყვეტთან იელვა და იჭექა. ქოხში ცეცხლი შეევანთე, წყალი გავაცხელე,

ფქვილი დაეთუთქე და მურას სალაფაეი გაეშუკეთე. ნემთვისაჲც გავიცხელე ჭინჭრის ჩავეს¹⁴ ნარჩენი, ნაკვერჩხლებზე გორდილა¹⁵ შევაფიცხე, ვივახშმე. ამასობაში წვიმა დაიწყო – ჯერ ნელა, შემდეგ თანდათან ძოუხშირა და კარგა გვარიანად დასცხო. საწვიმარი ლაბადა ჩავიცვი, ნაბადი ავიღე და თეოსკენ ჯიბის ნათურით გავიკვლიე გზა.

თეოს ნაპირში, ჟოდურის ხევის მხარეს, პატარა გორაკზე გვაქვს ღამის საწოლი აჩენილი მეც და მურასაჲც. ნადირი თუ მოვა, აქედან უნდა მოვიდეს, სხვა მხრიდან ნადირს გეზი არა აქვს. მურა იქ დამხვდა. არ იწვა, უკანა ფეხებზე ჩაყუნცული იჯდა ფარისკენ ზურგშექცეული, სათიბროვნის ტყისკენ გაჰყურებდა სიბნელეს. ნაწიდარს ნათურის ჭავლი მოვატარე. თითქმის მთელი ფარა რიყეში ჩაყრილიყო. ერთი ნაწილი წყლის ტოტსაჲც გასულიყო და მდინარესა და ამ ტოტს შორის ქვიშაზე გაჩერებულიყო. ნაბადი დაკეცილი მივდე მინდორზე, ჩავედი, ფარა რიყიდან აუყარე, მაღლა ტაფობისაკენ შევბერტყე, რიყისპირა ბექს ავაცილე. საწოლასთან რომ დაებრუნდი, მურა ისევ ისე დამხვდა,

¹⁴ ჩავე – ველური ბალახების წენიანი.

¹⁵ გორდილა – სოდიანი ცომისაგან მოხარშული კვერი.

როგორც დაეტოვე. საწვიმარი გავიხადე, ქვეშ გავიფინე, ნაბადში გავეხვიე და დავწექი პირით ფარისკენ, რომ დროდადრო ნაწიდარი დავათვალიერო.

ცის ძლიერმა ჭეხვამ გამომადვიდა. იტქა კიდევ და კიდევ, გაბმულად, ძლიერად. არა, ეს ჭეხა-ქუხილი კი არა, რაღაც სხვა არის – ერთი გაბმული გრიალ-რახრახია, თითქოს ციდან მეხთატების უწყვეტი ჯერი მოუშვიათ დედამიწისკენო. გავარდება სადღაც მაგების მხარეს, დაიჭეხნებს, წამოვა, დაჰყვება ქედის პირს, წაყა ნაყაიჩო-სახეოსაკენ, გომეწარს გასცდება და შორს, სადღაც დიდოეთის მთებისკენ ჩაიგრიალებს. წვიმა იღვრება ნამდვილი კოკისპირული. არა, კოკისპირულიც არ ეთქმის, რაღაც უფრო სხვა არის, ალბათ ‘კასრისპირული’ უფრო შეუყვრება. ჩემი ნაბდის ჩიხოლს ისეთი ძალით ურტყამს, თითქოს ორსაუნიანი ჩხატიდან ჩანჩქერი დამდიოდეს. ქუხილსა და ქუხილს შორის ძალის ყეფა ჩამომწვდა. დაბლა, რიყიდან ისმის, სწორედ იქიდან, წედან ფარა რომ ავშალე. ნადირს დატეგების ხმას არა ჰგავს, მაგრამ ეტყობა, გარბის და გამორბის – ყეფა ხან შორდება, ხან ახლოვდება. მერე ჩემსკენ წამოვიდა. მოვიდა, თაეთან ჩამომწკმუის, ნაბადში ცხვირის ჩამოყოფას ცდილობს. – მურა, რა იყო-თქო, შევეხმიანე. ჩემი ხმა გაიგონა და ისევ გავარდა ყეფით

რიყისკენ. ნაბდის ყური აეწიე და ნათურის დილაკს ცერი დავაჭირე. სინათლემ თქეშიანი სიბნელე ვერ გაჭრა, ვერაფერი დავინახე. ამ დროს ცის ელვამ წამიერად გაანათა არე-მარე. რიყე ცხვრით იყო სავსე. ისმის მდინარის გააგებული ქუხილი და ქვა-ლოდების ხრიალ-გრიალი. სასწრაფოდ ავდექი, საწვიმარი კვლავ ჩავიცვი, ნაბადი დაგეცვი, ჯოხი ავიღე და ნათურის ნათებით რიყეზე ჩავედი. რიყე წყლითაა სავსე. ფარის ნაწილი კვლავ ტოტს გაღმა, ქვიშიან კუნძულზე გასულა. მურა სწორედ ამ ნოტოს ეტეება, მდინარის მხრიდან გაუვლის და გამოუვლის ყეფით, მაგრამ ცხვრები ადგილიდან არ იძვრიან, ყურებდაშვებულები დგანან ძლიერი თავსხმის ქვეშ. მდინარის ტოტი მოდიდებულია იმდენად, რომ შიგ გასვლისას ჩექმები წყლით მევსება. მეც მდინარის მხრიდან შემოვუარე და დაგჭკივლე, ჯოხიც დავატრიალე, მაგრამ ვერ დავძარი. მურა კვლავ გაშმაგებული ყეფით გარბის და გამორბის, ზოგ ცხვარს კანჭშიც სწვდება პირით, მაგრამ არ ეპუებიან. მდინარეს ნათურა მივანათე. ადიდებულია და კუნძულის სანაპიროს შლის, თანდათან ავიწროვებს. სადაცაა ფარას მოადგება და მაშინ უკვე ვერც მე და ვერც ძალდი ველარაფერს ვუშვივლით, კუნძულს წაიღებს და ნოტოსაც თან გაიყოლებს. ტოტი უკან გავტოპე, რიყეზე გავედი ვაცების

მოსაძებნად. მთელი ფარა დავიარე და ვერსად მივაგენი.

ბოლოს მივაღქე ბექის თავზე. თხები ეშმაკები არიან: რიყეში არ ჩამოსულან, მაღლავე გაჩერებულან. ბორძა-მეთქი, გაეძახე ხელზე მიჩვეულ ვაცს. ხმა გაიგონა, თავი ჩემსკენ მოაბრუნა, მაგრამ არ წამოვიდა. როგორც ჩანს, ვერა მხედავს. ან კი როგორ დამინახავს, მე ხომ ნათურა მიჭირავს და ჩემგან წასული შუქით მას ვაბრმავებ. ბექზე ავფორთხდი, თხების ნოტოს შემოვურბინე და კუნძულისკენ გავირეკე. მდინარის ტოტში ჯოხის ტრიალითა და ცემა-ტყეპით გაეყარე. მერე მდინარის მხრიდან წამოეუარე. აჩი, ბორძა-მეთქი, დავჰკივლე. ვაცმა გამოუქეჩა და ნოტოც ნება-ნება გამოჰყვა. ვაცების დახმარებით კვლავ ბექის თავს ამოვაცილე ფარა. მურა ჩემთანაა. ისიც ყუყით გაუელის და გამოუელის ფარის ქვედა პირს. თავსხმა გრძელდება, ფარას ქვევით ერეკება, მაგრამ ახლა უკვე მე და ძალდი ვდგავართ "შეუპოვრად, ბექის თავზე ვაშაგრებთ ფარას. მდინარის ღრიალი და ქვა-ლოდების ხრიალ-გრიალი კი თანდათან ახლოვდება, ჩვენსკენ მოიწევს. ცის გაელვებაზე დავინახე, რომ კუნძული წაუღია და მის ადგილზე მდინარე მოიგრაგნება. ასე ვდგავართ რამდენიმე საათს – ძალს ჩვენა და ძალს ავდარი და მისგან ქვემოთ დარეკილი ფარა. ერთი-ორჯერ მურა

ქვევით, უოდურის ხევისკენ გადაეშვა, სათიბროენის კუდებამდის გასდია რაღაცას. ჩანს მგელმა მოგვაკითხა სამეზობლოდ.

ნაშუადამევი იქნებოდა ალბათ, რომ წვიმამ, როგორც იქნა, იკლო და ერთ საათსა თუ საათნახევარში სულაც გადაიღო. ფარაც დადგა ადგილზე, ქვემოთ აღარ მოიწევს. მე ნაბადი მოვძებნე. მუხლებიდან ქვემოთ მთლად სველი ვარ. ჩექმები გავიხადე, თავდაღმა მივაწყე დაფერდებაზე. ნაბადში გავეხვიე და დავწექი. კარგა ხანი ფეხებზე სიცივემ არ დამაძინა. დამშვიდდა მურაც. მოვიდა და ჩემს ფეხებთან, ნაბდისპირდაყოლებით მიოგვარგვლა. ძილით კი, ეტყობა, არ სძინავს, ღროდადრო ადგილიდანვე გაჰყეფს სიბნელეს. ძაღლის ტანის სითბომ ფეხები ჩამითბო. თანდათან მთლიანადაც ჩაეთბი, ჩავხურდი და რულიც თავისთავად მოვიდა.

კარგად გათენებულზე გამომეღვიძა. ნაბდიდან თავი გამოვყავი და ფარის მერე პირველ რიგში რიყეს დავხედე. სადღაა გუშინდელი კუნძული. მდინარეს კალაპოტი უცვლია. გუშინ რომ ტოტი მოდოდა, მთლიანად იმის ადგილზე მოედინება ადევებულ-აღვარებული. არა, ამას მღვრიე არ ეთქმის, უფრო რაღაც თხელი ტლაპო მოქანავს, მოიგრაგნება. გაღმა და გამოღმა სანაპიროს ქვა-ღორღის ვეება თეფები მიუყვება. ყოფილი

კალაპოტისა და გუშინდელი კუნძულის ადგილიც მთლად ქვა-ლორღითაა გადასწორებული.

ფარა ნაწიდარზე დგას და იცოხნის.

მურა ისევ ჩემს ფეხებთანაა მოგეარგელებული, ცხვირი კუდის ქვეშ ჩაუყვია და სძინავს. – მურა-მეთქი, – შევეხმიანე. თავი ასწია, შემომხედა, მომაბჯინა ცალი საღი თუალი. მომეჩვენა, რომ გამიღიმა. მერე ეგრევე წოლელამ ფეხები წინ გამოსწია, გაიზმორა, გვერდზე გადაწვა და ძილი გააგრძელა.

მეც ისევ ჩავყავი თავი ნაბადში.



შავსიყვითლის ნააგზობი

თენგიზ მირზაშვილს

ცხვარ-ბინის პატრონი ვიყავ და, აბა, ვინ დამტოვებდა, მეც გამაშავსიელეს. მოყიდნენ კოლექტივის კაცები, გათვალ-გამოთვალეს, აწერეს ცხვარი, ცხენი, ვირი ძაღლებიც კი და წადიო, მითხრეს, თავისუფალი ხარო, ამ საქონელს ეხლა მწყემსები მოუვლიანო, შენ წადიო.

– ეგრე ფეხით როგორ წაყიდეო, ვუთხარი, ერთი ცხენი მაინც მომეცითო, რომ შევეჯდე და წავიდეო.

ზოგთა თქვეს, რო არაო, არ შეიძლებაო და ზოგმა კიდე წაიყვანოსო, ერთი ცხენი წაიყვანოსო, მაშ რა უნდა ქნასო. იქაც იყვნენ... ყველა ხომ ერთნაირი არ იყო. ვინც თავად უქონელი იყო, ბლავანი რომ არა ჰყავდა თავისი უხეირობით, ისინი უფრო მაღალსა

ლაპარაკობდნენ. ვინც თავად მეცხვარე იყო, ისინი ცდილობდნენ, რომ ცოტა რაღაცა დაგვეჩოქოდა, მაგრამ ეშინოდა, ერთი-მეორისა ეშინოდა იმათაც.

ასე იყო თუ ისე იყო, ერთი ცხენი დამითმეს – კარგიო, ერთი წაიყვანეო.

წითელი იაბო მყვანდა ერთი, კარგი, ჭკვიანი, ნამდვილი საღიაცო, სამგზავრო ცხენი. ის დავიჭირე, შევკაზმე, ნაბადი ჩავაკარი, ჩემი სამოსებიანი ხურჯინი გადავიკიდე და წამოვედი ვგრე თითივით ცარიელი.

ძაღვები გამომყვნენ, გამომაცილეს. ორმოთგორი ხომ იცი, იმ ორმოთგორის ცერამდე გადმომყვნენ. რა ვიცი, იმ ოხრებმა, იმათ რაღა იგრძნეს, ჩამოსხდნენ იმ გადმოსახედ ცერში და ფიცრიჭალას რომ ჩამოვედი, ისევე მესმოდა იმათი ყმუილი, იქ გამომღაველებდნენ, გამომყმუოდნენ.

შივედი ვგრე ცარიელ-ტარიელი დედაჩემთახ. აი ესაა ჩვენი ქონებ-ცხოვრება, ეს ერთი ცხენი დაგვეჩოქო ეუთხარი.

ახლა დედაჩემის ვიშვიში და ტირილი სად იყო...

შინაც არ შევსულვარ. ცხენს დედაჩემმა მიხედა. მე კიდევ, გაბოღმავებულმა, ავიღე ჩონგური, გავედი გორს, დავეჯექი და დაეუკარი. იმ ჩონგურის დაკერაში დავაღამე ის დღე.

მეორე თუ მესამე დღეს კაცი მოგვივიდა, ომალოდან დაებარებინათ, ის ცხენიცაო აქ გამოიყვანონო. ჩაუდვა დედაჩემმა საბელი და წაიყვანა ისიც ტირილით. ის დალოცვილიც კიდევ, ხომ ისეთი ჭკვიანი ცხენი იყო და არ ძისდევდა, უკან იზიდებოდა. სულ ეგრე თავის ბრუნებითა და ხვივილით ჩააფარა.

მიეყვანა და კანტორის ღობეზე დაება. მთელი დღე იმის ხვივილი გამოდიოდა ხახაბოში. ვიცნობდი იმის ხმას, როგორ არ ვიცნობდი და ის რომ იქ ხვიოდა, მე აქ გული მეგლიჯებოდა. გულმა როგორ არ გამათავა, არ ვიცი, მაგრამ კაცი გამძლე ყოფილა, გაეუძელი.

მეორე დღეს ომალოდან დაგვიბარეს, გამოვიდნენ, ცხენი წაიყვანონო. თურმე ამ ცხენმა, დაბმული რომ იყო, ახლოს არავინ მიუშვა, სულ წიხლით, ტოტითა და კბილით ეტევებოდა, ვინც კი ასაშვებად მივიდოდა. ისევ დედაჩემი გავიდა და გამოიყვანა დამშვიდებულ-დაწყნარებული.

ის ზაფხული შინ ვიყავი. შემოდგომაზე მივედი კანტორაში და ვუთხარი, ცხვარში წავალ, ბრიგადაში გამაგზავნეთო. იმავე ჩემ ცხვარში გამგზავნეს.

ცხვარ-ცხენი ჩემია, მწყემსები, ვირები, ძაღლები, მაგრამ ჩემი აღარაა – მე მეცხვარე ვარ, მწყემსი, ბრიგადა სხვას აბარია. როგორი ასატანია? მაგრამ

ვიტანდი, მეტი რა ჯანი იყო.

საზამთროებში ჩავედით, შირაქში. ამბავი ჩამოვიდა, შავსიულებს იჭერენო.

წადიო, მითხრეს ბიჭებმა, ცოტა ხანი თავი გაარიდე სადმეო. ჩვენ არ ვიტყვით, სადა ხარ. ცოტას მიწყნარდ-მოწყნარდება მდგომარეობა და მერე მოხვალო. ნუ დაეჭვებინები, ნუ გაესახლებინებიო.

ავდექი, შევკაზმე ის ჩემი ცხენი და ოლქაში გავედი. იქ ერთი თათარი ყონალი მყავდა, იმასთან მივედი. ვუთხარი, რო, ღმერთმანი, ეგრე და ეგრეა ჩემ საქმე, დროებით თავი უნდა შევაფარო. იყავიო, იმ ყონალმაც, რამდენ ხანსაც გინდა, იყავიო. აბა, კარგი ძმაკაცი იყო და ძალიანაც ვუყვარდი; ბაღლობიდანვე ვიცნობდი. ვარ იმათთან ეგრე მუქთადა და ებოღმაო. ფიქრი მაგიჟებს. არ ვიცი, რა გზას დავადგე.

ერთ დღესაც ეს ჩემი მასპინძელი დაიკარგა სადღაცა. საქმეზე მივდივარო, დილას ადრე წავიდა და გვიან ღამე მოვიდა. მოვიდა და მითხრა, რო მეო მაჭმად კასუმიასთან ვიყავიო, შენზე ველაპარაკეო და მოვიდესო მითხრაო. თუ გინდაო ისო თავის რაზმში მიგიღებსო.

კასუმა იყო ერთი სახელგანთქმული ყაჩაღი. ჯერ ნიკოლოზის დროსავე ყაჩაღობდა და მერე ამ

ბოლშევიკებმა ხომ უფრო დაუწყეს ყაჩაღებს დევნა. კაი დიდი რაზმი შეადგინა და იყო ტყეში, ებრძოდა ბოლშევიკებს. ჩვენთან რო ქაქუცა იყო, თათრებში ეგეთი კასუმა იყო, მაჰმად კასუმა. ხო და ეს ჩემი მასპინძელი იმასთან წასულიყო ჩემი გულისთვის. ისიო, მითხრა, თურქეთში უნდა გავიდესო და თუ გინდაო, შენც გაჰყევო, თორემ ამათ რო დაგიჭირონ, გასახლებით ხომ გაგასახლებენ და იქნება მოგკლან კიდევაცო, დაგხვრიტონო.

იმ ღამეს თვალი არ მომიხუჭია, სუ ეგრე გავათენე ფიქრში. ბოლოს გადავწყვიტე, რო დაებრუნდე და რაც მომივა, მომივიდეს. ვიფიქრე, ეხლა ამ კასუმას გაყვე, თურქეთში გავიდე, სად უნდა დაეი-კარგო უცხოობაში. ვინ იცის, სად მოეკედები, სად ჩაიყრება ჩემი ძვალ-მალი. დაებრუნდე და სიკვდილია თუ სიცოცხლე, ისევ ჩემ ხალხ-ქვეყანაში ვიყო მეთქი.

გათენდა და იმ ჩემ მასპინძელსაც ეგრე ვუთხარი, უნდა წავიდე, ჩემ ქვეყანაში უნდა დაებრუნდეთ. აბა ისინი კიდევ ერთ ამბავში ჩაცვივდნენ, ნუ წახვალო, ნუც იქ წახვალ და ნუც იქაო, აქ იყავო. წახვალ და დაგიჭერენო. კაცი მეხვეწება, დედაკაცი ტირის, შენაო იქ მოგკლავენო და არ დავიშალე, აღარ გავჩერდი. იმ გაურკვეველობამ უფრო შემაღონა.

დალაშქდა. შეეჯექი ცხენზე და წამოვედი. რომ გამოვედი და თოვნაც დაიწყო. ნაბადი შემოვიხვიე, თავზედაც ჩამოვიხვიე, ზოლტებით აქ ყელთან შევიკარი, დავადე ცხენს აღვირები ტახტაზე და მიუშვი ნებაზე. მოვდივარ და არ კი ვიცი, საით – ცხენს მოვყავარ, ცხენსა ვარ მინდობილი. ეგრე ვიარე ძალიან დიდხანს. მერე ერთგან ცხენი გაჩერდა. გამოვიხედე და აღგილი ვერ ვიცანი, არაფერი არა ჩანს. რაღაცა მთაგორიან ადგილში კი ვარ – გორების ზოლებივითაა ბნელაში. ცხენს ერთი ქუსლი შემოვჭკარი. თავი მოატრიალა და ეგრე შემომხედა. მეორე შემოვჭკარი და ეგრევე ჭყრუმად შემობრუნდა და წამოვიდა. ეგრე იარა, ძალიან დიდხანს იარა და მერე კიდევ გაჩერდა. გამოვიხედე და ვიცანი – ჩვენ ბინაში მოვუყვანივარ. კარია მოხურული და ღრიჭოებში შუქი გამოდის. ჩამოვედი ცხენიდან და კარი ნელა შევადე. კერაში წივის ცეცხლი ანთია. კერის გარშემო ნაბდებში კაცები წვანან და სძინავთ. კერის პირას ეგრე ხელებზეთაგჩამოდებული წუძაძაძე ესტატე ზის. კარი რომ შევადე, თავი ასწია, ხმა არ გაუცია, ეგრე ხელი მიატარ-მოატარა იმ ხალხზე და ხელისთვე მანიშნა, წადიო. მივხვდი, რომ ის კაცები ჩემი მოძებარეები არიან. გამოვბრუნდი და ისევ

წამოვედი. გადავწყვიტე, რო აღონში ამოვიდე და ჩაებარდე.

ამასობაში გათენდა კიდეც.

შირაქის გულში მოვიდვარ ქედისკე. ყოველი შემთხვევისთვის გზას მოვერიდე, მინდორს დავადექი. ერთიც ვნახოთ და ქედის მხრიდან ერთი ოთხი-ხუთი ცხენოსანი გამოჩნდა. გზაზე მოდიან. დამინახეს, გაჩერდნენ, დამიწყეს ყურება. მერე ერთი ჩემსკენ წამოვიდა, სხეებმა გზა გააგრძელეს. მოვიდა. ლეოა. მივესალმეთ, მოვიკითხეთ ერთმანეთი და მითხრა, რო ჩვენაო შენ დასაჭერადა ვართ წამოსულებიო. ერთი ნაწილი ქედში დავრჩითო, საბჭოშიო და ერთი ნაწილი შირაქში წავიდა, ბინებში გეძებენო. ეხლა ჩვენც შირაქში მივდივართო. ჩვენი უფროსი ქალუნაანთ ანტონაა. ის ქედში დარჩა, საბჭოში იქნება. შენ როგორმე მაღულაად ის კაცი ნახე და როგორც იმან გითხრას, ისე მოიქეციო. მაგ ჩემმა ამხანაგებმა ვერ გიცნეს შორიდან, მე გიცანი და იმიტომ წამოვედიო. ახლა მე მაგათ არ ვეტყვი, რომ შენა ხარ. შენ წადი და როგორმე ანტონას ნახვა მოახერხეო. მიბრუნდა და წავიდა, ისევე იმ თავის ამხანაგებს დაეწია.



ამოვედი მე ქედში და ნათლიმამასთან მივედი. ათლიმამა გაეკზავენე საბჭოში, მიდი, როგორმე ჩუქად ესა და ეს კაცი ნახე, უთხარი, რომ აქა ვარ, მოვიდეს და მნახოსო. მოვიდა ნათლიმამა – ვნახე და მოვაო.

დიდი ხანი არ გავიდა და მოვიდა ანტონა.

თურმე რა ყოფილა: ის შავსიელების დაჭერა არა ყოფილა მართალი, ჭორი დავარდნილა და ხმა გაერცელებულა. აღონში კიდე ამბავი ასულა, ისიდორე ყაჩაღად გავიდაო და ახლა როგორც ყაჩაღს, ისე დამეძებენ.

ანტონას ვუამბე, როგორც იყო ჩემი საქმე. სუ დაწვრილებით მოვუყოლე, არაფერი დამიმალა. კარგო, მითხრა, ესლა მე წავალ, საბჭოში მივალ და ცოტა ხანში შენც მოდიო. იქ მე და შენ ისე შევხვდეთ, მითამ პირველად ვნახეთ ერთმანეთით. იქ ხალხია, თუქურმიშის მილიციის კაციც არის. დადექი და ეს, რაც მე მიამბე, იქ გვილაპარაკეო.

აღარცრა. ის წავიდა და ცოტა ხანში მეც მივედი. საბჭოში რომ შევედი, ეს ანტონა ზის, ხელში ჩონგური უჭირავს და უკრავს. – გამარჯობათო – მივესალმე. ოხ, ისიდორე, გაგიმარჯოს. საიდან, როგორ? – ანტონა მეუბნება – ჩვენ კიდე შენ დაგეძებთ ამდენი ხალხით. მოდი, აბა ერთი ეს ჩონგური დაუკარიო. თან ჩონგური მომაწოდა და თან სკამი გამომიწია, – დაჯექით. დაეჯექი მეცა და თან ჩონგურიც დაეუკარი. დაკვრა კარგი ვიცოდი და ძალიანაც ყურს მიგაღებდნენ ის ფშაველები.

– კაცო, ალვანში ხმა დავარდაო, რო ისიდორე ყაჩაღად გავიდაო. მართლა ყაჩაღად გახვედი თუ როგორაა შენი საქმე, სადა ხარ, სად იყავი? აბა ერთი გვილაპარაკეო – ამ ანტონამ. მეც ავდექი და სულ დაწვრილებით ვილაპარაკე ისევ ის, რაც ანტონასთვის მქონდა ნაამბობი.

დასხდნენ ანტონა და ის მილიციონერი, ოქმი

შეადგინეს, ის ჩემი ნაღაპარაკევიც შიგ ჩასწერეს. თავადაც ხელები მოაწერეს, მეც ხელი მომაწერინეს და მითხრეს, ჩვენაო ამ ოქმს თუქურმიშაში წავიღებთო, მილიციას ჩავაბარებთო. შენო წადიო, ცხვარში იყავიო და თუ დასჭირდები, მილიციაში თვითონ დაგიბარებენ და ამოხვალო.

იმ დღეს რაღა იქნებოდა, ნათლიმამამ არ გამომიშვა, ნათლიმამასთან დაურჩი, მეორე დღესღა წავედი ცხვარში. მილიციაში რა თქვეს და როგორა ქნეს, აბა, რა ვიცი. მე კი არავის დავუბარებივარ.

ხო, ეს ყველაფერი იმ ცხენის გამო დავიწყე. განა მარტო კაცისთვისაა ძნელი, შენს ნაამაგარს, შენს მონაგარს რომ დაგატოვებინებენ. პირუტყვისთვისაც ძნელია, პირუტყვიც ნაუღლობს პატრონის მოშორებას. ეგეთი ერთგულება იმ დალოცვილმა გამიწია. სუ გაძარცვულსა და მიწასთან გასწორებულს იმან ეგრე ძალით შემარჩინა თავი. მერეც ეს სიდუხჭირე, შიში და მალვა-გაქცევა სულ ერთად გამოვიარეთ. ის თათრებიდან წამოსული დამე პირველად რომ გაჩერდა, საჯოგე ყოფილიყო. საჯოგე გექონდა ცალკე, საცა ზამთარში ცხენებს ვინახავდით. პირველად იქ მისულიყო.

დიდხანსაც შემრჩა. იმ ჩამორთმევეების მერე კიდევაც წამოვიწიე, ცოტა ცხვარ-ცხენიც ისევ შეეყარე, მაგრამ

ის მაინც სხვა იყო, ეგეთი ერთგული და ნაამაგარი. საყორნეში გადამივარდა. თოვლი მოგვივიდა და, ალბათ, შებერებულს მუხლმაც თუ უმტყუნა, იმ თოვლში დასხლეტილიყო, იქ მომიკვდა. იგრეც კი ვიდარდე, თითქოს მამა მომკედომოდა.

მინაწერი: ისიდორეს ამ ნაამბობმა მომაგონა ჩემი ძალიან, ძალიან ადრეული ბავშვობისდროინდელი ამბავი: მახსოვს, ჩვენი სოფლისკენ კოლექტივის საპალნიანი ცხენების ჯოგი რომ გამოივლიდა, ზემოდან ქვემოთ მიმავალი თუ ქვემოდან ზემოთ მომავალი, ერთი საღარი ცხენი აუცილებლად შეჩერდებოდა, ჩვენი სახლისკენ თავს შემოიბრუნებდა და ხმადაბლა დაიხეიხეინებდა. მახსოვს დედაჩემის ვიშ-ვიშიც – საღრო, ვაი შე ბეჩაო, შენაო.

ეს საღრო, კოლექტივები რომ იქმნებოდა, მაშინ შეაყვანინეს თურმე მამაჩემს კოლექტივში, გააერთიანებინეს, როგორც მაშინ იტყოდნენ.

საჯდომი, სადოდე ცხენი ყოფილიყო, ფიცხი, თავლადი.

იქ საპალნის ცხენად აქციეს.

პირველ ხანებში თურმე ჯოგს გამოეყოფოდა, ეზოში შემოვიდოდა და დაიხეიხეინებდა. მათრახიანი კაცები შემოჰყვებოდნენ და გააბრუნებდნენ. მერე და მერე ეზოში

აღარ შემოდისოდა. მოხედვით კი აუცილებლად მოიხედავდა და დაიხეიხეინებდა.

წითელი ცხენი იყო, რაღაც მოთაფლისფეროსავით, შუბლზე დიდად საღარი. დიდრონი ბრიალა თვალები, დაბერილი ნესტოები, შუბლთან ორად გაყრილი მოჩალისფერო ფაფარი, დაგუდული, ხმადაბალი ხეიხეინი. მამაჩემი ეზოში იჯდა, საგუდე ტყავს კრეჭდა, ან სამატყლე ბარდანას აკერებდა. არ გაიხედავდა, თავსაც არ ასწევდა, თითქოს არაფერი გაუგონიაო. დედაჩემი ფეხჩქარა გავიდოდა, აივნის კიდეზე წადგებოდა, თვალს გააყოლებდა – საღრო, ვაი შე ბეჩავო, შენაო, წაიბუტბუტებდა და როგორღაც ჩაფერფლილი, ღონეწართმეულსავით მობრუნდებოდა.




მამაჩემი გაბოს

მიხო: მამაჩემისთანა მპარსავი მთელ თუშებში, თუშებში კი არა, მთელ მეცხვარეობაში არა ყოფილა. თუშებში გინდა, კახებში, ფშაელებში, მოკლეთ ვინც კი მეცხვარე იყო, ყველამ იცოდა თურქოანთ გაბოს სახელი. ბევრს ნანახიც არა ხევანდა, მაგრამ სახელი იცოდნენ, სახელი ჰქონდათ გაგონილი. არ დაიჯერებ და დღეში ასსა და ასოცს ჩეულებრივ მპარსავდა, ხან მეტსაცო, იტყოდნენ იმისი ხნის ხალხი.

ეს გაკულაკება რო მოხდა, შავსიელობა, მამაჩემიც გააშავსიელეს, რაღა თქმა უხდა. მთაში ავიდნენ, იქ აუწერეს საქონელი. სულ წაართვეს, რაც რამ ებადა –

ცხვარი, ცხენი, ჯორი, ვირი, ძაღლი. უკრე გამოუშვეს
თითოეუთ ცარიელი. ერთი საჯდომი ცხენი დაუთმეს
მარტო.

წამოვიდა ბარში, აბა იქ რაღა უნდა ეკეთებინა –
თვითონაა და ის ერთი ცხენი, ეგაა. მოდის ეგეთი
გაბოღმავებული და გძელყანას რო ჩამოვიდა, ნახა,



მეცხვარეები არიან, ცხვარსა პარსავენ. იფიქრა, ეგეთი ცარიელი რომ მივდივარ, მოდი ამათ მივეშველები პარსვაში, ცოტა მატყულს მაინც მივიტან სახლშიო. მაშინ ეგეთი წესი იყო: ყოველი მეთე ნაპარსი გამპარსავს ეკუთვნოდა. უთხრა, ბიჭებო, მპარსავი არ გინდათ? გვიანია, კარგად მოშუადღეებულნი, თითქმის შუადღეც.

თურმე მზეს გახედა ი რომელიც 'ხაზეინი' ჰყვანდა, იმანა, და მპარსავი, თორე შენც თურქოანთ გაბო არ იყო, ვერა ხედავ, დღე გასულია, რაღა უნდა გაჰპარსო.


– რასაც გაეპარსავ, გაეპარსავო.

– კარგი, გაპარსე, მპარსავი გეჭირდება, როგორ არა გეჭირდებაო.

ჩამოხდა, ცხენს მოხადა, დააბა, დუქარდი ამოიღო, აბა კარგ მეცხვარეს ხომ დუქარდი სულ თანა აქვს ხურჯინში, და დაიწყო პარსვა.

მზის ჩასვლამდე ასი გაპარსა, აკრიფა თავისი იარაღები, ათი ნაპარსი ჩაიღო ხურჯინში და ცხენზე რომ შეჯდა, მაშინღა უთხრა, ბიჭებო, კარგათ იყავით, თურქოანთ გაბო მე ვარო.





თეთრახევაში ერთ დარბაისელ ფშაველ მოხუცს, არჩემაშვილ ლაზარეს ეესაუბრებოდი თვითონ შავსიელობას როგორღაც გადარჩენილი შავსიელობაზე მიაბობდა იმ დიდი ტკივილით, რაც ყველა მეცხვარეს დაუტოვა ავი დროის იმ ავადსახსენებელმა მოვლენამ.

– ჭყობიშვილს თუ იცნობდი მეთქი? – ვკითხე როგორღაც საუბარში.

– ე, ბეჩავი! რას არ ვიცნობდი! – თვალები მოუწყლიანდა ლაზარეს. – გააშავსიელეს, წაართვეს იმდენი საყოლ საქონი, სახლიდანაც გამოაგდეს და დასაჭერად დაუწყეს დევნა. ჩვენთან ამოვიდა, ჩვენ შემოგვაფარა თავი. ზუზუმბოზე ვიყავით, იქა გვქონდა

საწველი ბინა. ბური კაცი იყო. ვეტყოდით, არ გინდაო და აბა მაშ რა ვაკეთო, ბაკში გადმოდიოდა, წველაში გვეწველებოდა.

ერთხელაც ბაკში ვართ, ცხვარსა ვწველით და ქვემოთ, გზაზე, ორი ცხენიანი კაცი გამოჩნდა. მოვიდა, ნახევარი კასრი რძე ჩამისხა, ჩემ კასრში გადმოცალა, ბაკიდან გადავიდა და, ბინის დაბლა რაღაცა წარაფა იყო, ტყის კორომა, იქითკე ჩეფარა ი ჩამოწეწილი სამწველაო სამოსების სახელოების სწორებით.

– ახლაც რო მამაგონდება, ტირილნი მამერევიანო – და მართლაც ნიკაპი აუკანკალდა მოხუცს.

ჭყოპიშვილი! ამაყი თუში, დიდი ცხვარ-ბინისა და ცხენმრავალი ჯოგის პატრონი, სულ ცოტა ხნის წინ თავისი მონაგარით თამამი.

“ჭყოპიშვილის ჯოგი“ ეხლაც სიმრავლის აღმნიშვნელ გამოთქმადაა შემორჩენილი თუშეთში. ‘გაძოიშაღნენ ჭყოპიშვილის ჯოგიყითაო“ – იტყვიან ხოლმე შვილმრავალ ოჯახზე.

ცხვარ-ბინა, ჯოგი, მთელი უძრავი და მოძრავი ქონება წაართვეს და მხოლოდ ზედ რაც ეცვა, იმ ტანსაცმლის ანაბარა გამოაგდეს მისივე ნაშრომ-ნააჟაგარით აშენებული სახლ-კარიდან. და აი ეს კაცი, მართლაც კაცი, ახლა ერთი ბეჩავი მეცხვარის სამწველაო

ტანსაცმლიანი, ნადირივით დევნილი, ტყის კორომში
ემალეობა მის შესაპყრობად გამოსულ მდეუარს.

განა ამაზე მეტი დამცირება, ამაზე მეტი
განადგურება, ადამიანის ღირსების ამაზე მეტი
ფეხქვეშგათელვა იქნება?


რა გულმა უნდა გაუძლოს?

აკი ვერც გაუძლო!

დევნის პირველ ტალღას როგორღაც გადაურჩა. მის
სახლში კოლმეურნეობის კანტორამ დაიდგა ბინა.
თვითონ დის ოჯახს შეაფარა თავი. ყოველდღე, როგორც
წესი, დღის გაუცდენლად, გაეა, თავის სახლს გაუვლის,
შეხედავს და მობრუნდება.

და აი, ერთი ამგვარი გასვლის შემდეგ უკან
მობრუნებულმა შინამდის ვეღარ მიაღწია, გზაში წაიქცა.





უდარბაისლესი მოხუცის,
ილიკო იჩუაიძის ხსოვნას

ხალხი რომ გააშავსიელეს, ის დროა. მეც
გამაშავსიელეს, ჩემო ძმაო, სულ წამართვეს რაც რამე
მეზადა: ცხვარი, ცხენი, ბლავანი აღარ დამიტოვეს და
ახლა დასაჭერად დამიწყეს დევნა, გადასახლებას
მიპირობდნენ. ტაბურეტკა დამდევდა, ომალოელი, მაგრამ
ვერ დამიჭირა.

ახალი დაღამებულია, პურის ჭამაზე, ვახშამზე
ვსხედვართ მე, დედაჩემი და ჩემი და, რეკო. გესლაიძე
ლეო მოვიდა. ის დიაკვანი იყო და მღვდლები რომ
გაკრიჭეს, ის როგორც მცოდნე კაცი, საბჭოს მდივნად
დააყენეს. მოვიდა ეს ლეო და მითხრა, რა, დმერსამანი,
დღეს აღმასკომის სხდომა იყო და ხვალ შენ უნდა

დაგიჭირონო, მოდი ცოტა ხნით თავი გაარიდე, წადი სადმეო. მაშინვე ჩავიცვ-მოვიცივი, რა მაშინაც ჩუსტებსა და ჩექმებს ჩავიცვამდით, ქალამნები ამოვიცივი და მოვეგლიჯე. ისიდორესთან ჩავედი ლალისყურში. მეორე დღეს იქაც მაცნე მომივიდა, უნდა დაგიჭირონო და ახლა ლაფანყურში წავედი კიდევ. იქ მამიდაშვილი მყავდა გათხოვილი, ბაჩა სანდროს და, მარიკო და იმ მარიკოანოსა მივედი. მე რა ვიცი, იქ კიდე თურმე კარატიელის მეზობლად მივსულვარ, შინსახკომელი იყო ერთი კარატიელი და იმასა და იმ მარიკოს ქმარს მეზობლად ეცხოვრა. ღამეა, მე და ის ჯონგა, ჯონგას ეძახდნენ იმ მარიკოს ქმარს, ისე გიორგი ექვინა, პურსა ვჭამთ და მარიკოს დაუძახეს. ერთი მოხუცი ქალი შემოვიდა და მარიკო გაიკითხა, გარეთ გაიყვანა. კარგა ხანი დაგვიანდნენ. მარიკო შემოვიდა და მითხრა, ილიკო, შენ ხომ არავინ გეძებსო. არ ვიციო, ვუთხარ, ვგრე-ვეგრეა ჩემი საქმე, გამოპარული ვარო. — ხო და ებდედაკაცი მაგაზე იყო მოსული, თუ ეხლავე არ წახვედი, ხვალ დილას უნდა დაგიჭირონო. აბა მოვეგლიჯე იქიდანა და ახლა ბელაქანში წავედი. იქ ერთი ყონალი მყვანდა, ორი წელი იმასთან ვიყავი ნამყოფი, თათრულსა ესწაუკლობდი, იმ თათართან მივედი. იქაც მიპოვეს. "შპიონი" მომივიდა, რო მოგაგნესო და თუ თავს არ

უშეველე, დაგიჭერენო. ვიფიქრე, აქ საცხოვრი ადარ არისო და თუშეთში უნდა გადავიდეთ. გვიანი შემოდგომაა, ზამთრის პირი და თუ გადავედი, გაზაფხულამდე იქ ველარაგინ მიპოვნის, გაზაფხულზე კიდე საითმე გზას გავიღებ.

წამოვედი იქიდანა და დაღამებულზე ლეჩურში მივედი. იქ ბერმამიდაშვილი მიკვანდა, არჩემაშვილ გიორგის ცოლი, ნინო, იმ გიორგიანთსა მივედი. გიორგიმ მითხრა, მე ზარზე დავაყენებ საათს, შენ დაიძინე და მე თავად ვიცი, როდის უნდა გაგაღვიძო. თან მეშინია, შეშინებული ვარ, რომ დამიჭირონ, გამასახლებენ. ასახლებდენ მაშინ შავსიელებს – ეს თხელიძე რეზოც მაშინ გაასახლეს, ბლუჯოანები რამდენი გაასახლეს, ბრუდიანთ დავითო წინა წელს გაასახლეს და კიდევ რა ვიცი? გამაღვიძა. ნინოს კოტრები¹⁶ დაუცხვია. ის კოტრები, ერთი წყვილი ახალი წინდები გამატანა და წავედი. შევეკიდე ამ საპურის გორს მარტოკა. თეთრის ჯვართან რომ ავედი, თოვლია, დედამიწა გახურულია; ჭიხოლეს წყაროსთან ავედი, ფეხსა მალავს, საართანოს გავედი, უკვე წინდის ყელს იჭერს. თანაც მზემ პირი ამოყო. ვთქვი, მოდი აქვე

¹⁶ კოტორი – ხატაპური.

ცოტას შეენაწილდებიო¹⁷ და მერე წაეაღო. ბოკვის წყარო ხომ იცი, იქ გადმოხურულში ცეცხლი შევანთე, კოტრები ჩავაცხელე და ჭამას ვაპირობ. ამ დროს ერთი ხიდან ციყვი გამოვარდა და მეორე ხეზე შეეარდა. ახალგაზრდა კაცი ვარ, ოცდაოთხი წლისა და რა ვიცი, რად მინდოდა, ვთქვი, მოდი მოვკლა ეს ციყვიო. ჯოხი ავიღე და წავედი. ამ დროს, რასა ვხედავ, იმ ხეზე, ციყვი რომ შეეარდა, ვინტოკაა წვერდადმე ჩამოკიდებული. ერთაღია შემეშინდა, შემეშინდა, რო სულ დავიშალე. მერე დავმშვიდდი. ვთქვი, ეს ხომ თოვლია, აქ არავისი კვალი არ არის, ესე იგი ეს თოფი აქ ვიღაცას დარჩა, ადრევე დაკიდებული იქნება. ჩამოვიდე. კონდახი ერთ ადგილას ახეთქილია და ქსლის ნაჭრით, ლურჯი ნაჭრით არის შეკრული. დავირწმუნე, რომ ეს თუშების დაკიდებულია. გადმოვსწიე საკეტსა და ერთი ვაზნა დევს შიგ, სხვა არაფერი არ არის. აღარც ჭამა? გუდანაბადიც ავიკიდე, ეს თოფიც გადავიკიდე, კოტორი ხელში დავიჭირე, ჯოხი იღლიაში ამოვიჩარე და წამოვედი. საართანოს კუდში რომ ჩავედი, ვხედავ, ერთი დათვი ამოსულა მაგ პანკისის მხრიდან, შებრუნებულა ამ საპურის გორ-გორ და სულ

¹⁷ შენაწილება – მსუბუქად საუბრობა.

გზამართლა მიდის, მიჰკვალავს. ახალთ-ახალი ნაგალია. ჩაუდექი მეც ამ დათვის ნაკვალში და წინ დათვი და უკან მე, წინ დათვი და უკან მე. მიმიძღვის, მიჰკვალავს. დანახვით კი ვერ დავინახე, ვუყურე და ვერ დავინახე.

წყაროანას ცერში რომ ავედი, აი თოვლი, მკერდამდეა. სულ გადაეკვალა, გადაედარა და იმის ნაკვალს მე გადავჰყევი. გადავიხედე ამ ტბებისკენ, ჩემო ძმამო, და შორს, ძალიან შორს ორჯერ-სამჯერ ამიჭრელდა, მგონია რაღაცა მიდისო, ხან ბნაგვედაც რაღაცა ამიულდებოდა, მაგრამ თოვდა და კარგად ვერ დავიმტკიცე, მართლა ჩანდა თუ არა. ჩექლიმები რომ გადადის ჩონჩხებზე, იმ ჩექლიმებზე გასულიყო, თელაურათ ნაწველებს რომ ეძახიან, დაბლა, კუდში, იქ სომ ხევში გზა ჩადის, იმ გზაზე ჩასულიყო და იქიდან ლეკთეაკეში გადავიდა. გავიდა გზამართლა ეს დათვი, გაჰყვივი მეცა და მელთკუდას კუდში რომ ჩავედი, იქ კარგად დაღამდა. იქ დავრჩი კარგა ხანი. ქუჩები რაღაცა მოვგლიჯე, ქალამნებში გამოვიცვალე, ნინომ რომ წინდები გამომატანა ისინი შეწყო მ'შრალეები უბეში, ისინიც გამოვიცვალე, ჩავთბი, ჩავიძინე. შუალამე იქნებოდა, გამომეღვიძა და ჯანლია შემოსული. ვიფიქრე, ეს რომ გაცუდამინდდეს, აქ დავრჩე, გამყინავს და მოდი წავიდე, თორემ ამ დათვის კვალსაც დავხკარგავ

და ველარ გადავადლო. შევეკიდე ამ მელთკუდაის გორს. საწოლაებთან რომ ავედი, დაუბერა ერთი ზემოურმა ნიაემბა, ატყდა ქარი. დამე გატეხილია თუ შუალამია, ეს დროა და ვა, კაცო, ველარ ვუძლებ, ველარ მიედივარ. ქარ-ბუქია ისეთი, ისეთი, რო შახრჩობს. ავდექი, მოვიხლიჩე ეს ნაბადი, დავიხვიე, თოფიც ლაჯებში მოვიქციე და ჩავჯექი. რაღაც თეფასავით ადგილია, თოვლში ვარ ჩაფლული და იქვე ჩავჯექი. დამაწეება თოვლი მაღლიდან, დამაწეება, ვიფიქრებ ეხლა ნაპრალი მომკიდაო, ავიწევ ცოტასა და ქარი სულ გადამაცლის, გადაყრის. ივლის, ივლის, ისევ დამაწეება, ისევ ავიწევ და გადაყრის. ეგრე გავათენე როგორც იქნებოდა. თენება რომ დაიწყო, ავდექი, ავიყარე, ავამტვრიე, ქარმა გადაყარა და ზემოთ რომ შევხედე იმ ვირების საფლობის მაღლა, ეს გორი სულ მშრალია, გადაქარული. შევეკიდე ქარი კია, მაგრამ ისე ძლიერი აღარაა, ქარ-ბუქი აღარ არის. მიედივარ ამ ფხა გორზე და ჩახჩიხ, ჩახჩიხ, გაუდის გაყინულ ქვიშიან სავალს. ავედი მაღლა. იქითა მხარეს ცერის პირები სუ ნაპრალებითაა გაბმული. არ გინდა გადაარღვიო? ეს ხამად კაცი. ზამთარში არასოდეს გადავსულვარ, არც მოხნაჲად ვარ ნამყოფი და ზამთარში საით გადადიან, არ ვიცო. რაც ცხერებსა ვარ გაზაფხულზე

გადაყოლილი, ეგ არის და ეგ. ვიაზრე საცხვრე გზა რაზედაც ჩადის და ვთქვი, მოდი ისევე აქეთ დაველირო. გადავედი, გადავეშვი. გასკდა ეს ნაპრალი და წამიღო. ბედად დაძხრალი თოვლი იყო, მსუბუქი. ცოტაზე ჩამათრია და გაჩერდა, ჩაგუბდა. ამოვძვერი როგორც იქნებოდა, ჩავარღვიე თავქვე. ტბებთან ჩავედი და ისევე დაეტყო ამ დათვის სავალი. ჩამიყვანა დათვის ნაკვალმა ორ წყალში. სადილობაა უკვე. ვიარე და ქვეთორწყულამდე ჩამიძღვა ეს დათვი. მერე ის პირდაპირ წავიდა ხევ-ხევ, მე შევებრუნდი და ავხყევი ჭროლებს ჯვარისსახარისკე. თოვლი დიდი აღარაა და თავად მივხყვალაე. სამშვიდობოსა ვარ.

სამარსიტეს რომ გადავედი, დაბინდდა, დაღამდა. მელთკუდაის კუდიდან წამოსულს იქ დამიღამდა. გაღმა საჩიღოლოში ქოთილაიძე როსტომის ბოხელში ვიდაცა დადის ხელიღამფით. ის ერთი ვაზნა რო მქონდა თოფში, ის აქ გაეცალე. მე რომ აქ თოფი ვისროლე, ორი იქ იმან ისროლა. ერთიც მაღლა სოფელში გავარდა, საჩიღოლოში. — ვინა ხარო — დამიძახა. — ილიკო ვარო, დავუძახე. — ეგრე პირდაპირ ჩამოდი და მეც ჩამოგეშველებიო, — დამიძახა. ჩავედი, პირდაპირ წისქვილებთან ჩავედი. იქიდან ის როსტომი ჩამოვიდა და მაღლა სოფლიდან აბაიძე სტეფო და კიმოთე

ჩამოვიდნენ. ამიყვანეს, საჩილოლოში ამიყვანეს. აბა, იქ დიდხანს არ გავეწერდი და ვესტმომში გამიყვანეს.

ვესტმომში პურმარილია, საგიორგობო სუფრაა გაშლილი. ეხლა აღარ იციან, თორემ წინათ საგიორგობოდ დიდი სუფრის გაშლა იცოდნენ, სოფელი იკრიბებოდა, გოგრულთა, საჩილოლო, ვესტომთა, ვესტმო და ეგრე მოყოლებით. ხო და ვესტმომში ჯარია, სუფრაზე სხედს ხალხი. საწყალი პართენაიძე ალექსი იყო თამადად და აქ გადმოდის, ჩემთან გადმოხედის, დამიძახა, დამისვა გვერდზედა და – საიდანო, როგორო, მარტოკანა როგორ მოხვედის – მკითხავს. უამბე, – ეგრე იყო ჩემი საქმე, ეგრე იყო, აი როგორც თქვენ გიამბობთ, ეგრე უამბე იმასაც, მეტი ჩარა არ იყო და წამოვედიო, მარტო წამოვედიო და ეგრე დათვმა გადმომიყვანაო. ჯაფარა იჯდა სუ ბოლოში და იმას გასძახა, ძმაო, მოსულაო. – რა გაიგეო – იმან დაუძახა და – აიო, ძმა ამბობსო რო მოსულაო. მე რა ვიცი, რას ამბობენ.

იმ ღამეს ვიპურმარილეთ, რაღა თქმა უნდა, და დავიშალენით. მეორე დღეს, შუადღისთვის ამ ძმებმა დათვი მოიტანეს.

თურმე იმ დათვის ბუნაგი ხქონიათ შეგულეებული და რამდენჯერმე ყოფილან დასათვალიერებლად, მოვიდა

თუ არაო. ხო და მე უშპიონე. მე თავად მოვაკვლევეინე
ის დათვი. მე რა ვიცოდი, თუ იქ წაეიდოდნენ. სუ ებ
მენანება, ებ ცოდვა ჩავიდინე ძალიან. მაგაზე ცუდი
არაფერი გამიკეთებია დედამიწის ზურგზე. მარტოკა
კაცი, ხამი კაცი, უტარებელი, იმას დავენდე, მთას
გადმომიყვანა, შინ მშეიდობით მოვედი და მე კიდე
უშპიონე და მოვაკვლევეინე.

სულ ებ მაწვალეებს, ება მტანჯავს რო გამახსენდება.



სუსი მთაში

ზობაიძე: დაიწყებენ ქალაქელები, ესაო ცირკიო, ესაო კონცერტიო, ესაო წარმოდგენაო, ეს ესაო და ეს ისაო. აქ მთაში რო ცირკებსა და წარმოდგენებს შეესწრობი კაცი, იგეთები ქალაქელებს სიზმრადაც არ მოეჩვენებათ.

ერთი დროა, კაი ხნის ამბავია, ბატკანი გაეპარსეთ. თოხლს მე გავეყვი. ეთელთის ხორხში, ვაკეებში, ჭირტლიანი საბინაო რომაა, იქ დავაყენე. თან ორი ძაღლი წამომყვა – ერთი ხეადი, ტანადაც დიდი, ერთი ბრიყვი და შეუგნებელი რაღაცა, ჯოხი რომ ზედ დაგემტვირა, კუდს ვერ დაახრევენებდი. კაცისთვისაც მაგარი იყო და ნადირისთვის ხომ იყო და იყო, ძვლიმოს ვეძასდისო და ერთიც კიდენ ძუ – ციათეთრი ძაღლი იყო, ხათო. ისიც კაი გულადი.

მთვარესრულობაა, ნათლიერი ღამეები. მარაგიანი ღამე დაღამდა, დაღრუბლული. ხომ ეგრე იცის მთვარესრულობისას: თუ ძალიან სქელი ღრუბელი არაა, მაინც ნათლიერია ხოლმე. ხო და ეგეთი ღამეა. არ ვიცი, რა დრო იქნება, დამძინებია კი და ერთიანად დაფრთხა ფარა. თან დაეუხმაურე. წაეპკივლე, თანვე წამოვხტი და ამ დროს ერთი ზორბა დათვი და ეს ჩემი ძაღლები ზედ შუა ნაწილარზე დაირივნენ. ის უპატრონო, რა ვიცი, ფრთხილი ძაღლები იყვნენ და როგორ შემოეპარა, შემოჰპარვია. მაგან ხო ეგრე იცის, ფარას სათავეზე მოექცევა, უცბად გადმოერევა და ერთს გაიტანს, რამდენჯერმე გაისვრის. კარგა მანძილზე გააცილებს ნაწილარს და მერეღა დაიჭერს. ხო და ამანაც ერთ მამალ თოხლს წამოუსვა ტოტი, გაისროლა და რომ უნდა გაჰყეეს, ამ დროს ეს ძგლიმო სწვდა უკანა საგაზაყებში. ეს რომ ამას მოუტრიალდა, მეორე მხრიდან ძუ ეცა და დატრიალდნენ. შუაში დათვი და იქით-აქეთ ძაღლები: ერთს მიუბრუნდება, მეორე სწვდება უკან კანჭში, ამას მიუტრიალდება და – ის. ვერც გარბის, გზას არ აძლევენ, ვერც ტოტს აწვდენს, არა და გაუჭირდა, ღრიალებს. ამასობაში ფარაც შემობრუნდა, შუაში ადგილი დააგდო და შეჩქურებს ამათ ჩხუბ-დავიდარაბას. მეც კიდევ, ჰაი და ჰუი, არიქა და ურიქაო,

მიდი და უციო, ვურბენ გარშემო, კაი მსაჯივით, ამ
ძაღლებს ვაქეზებ. კარგა ხანი იომეს, დაიღალნენ,
გაყიდნენ ნაწიდრის პირში, ჩამოსხდნენ ერთმანეთის
პირისპირ, აქეთ ძაღლები, იქით დათვი, ქაქანებენ, ასე
ენაგადმოგდებულები, შეკჭურებენ ერთმანეთს. აღარც
დათვსა აქვს იმის ჩარა, რო გაიქცეს, აღარც კიდე
ძაღლებს, რო ზედ მიიწიონ. როდის, როდის წამოიძარქლა
და სულ ბუქ-ბუქით წავიდა. ძაღლებმაც ცოტაზელა
ჩააცილეს და მობრუნდნენ. მიდიოდა და მიჯაერობდა.
არ ვიცი რას ამბობდა, კარგა ხანს კი ისმოდა იმისი
ლაჯუნი.

აი ნამდვილი ცირკი ის იყო: შუაში დათვი და
ძაღლები, მე მსაჯი და თოხლები კიდე მაყურებლები.
ახლა ეგრე ნაამბობი არაფერია, თვითონ უნდა გენახა.
ისეთი სასაცილო იყო, ესლაც რო მომაგონდება,
ეშმაკსავით მარტოს ამიტყდება სიცილი.



შეშინებულნი დათვები

ანზორ რაინაულის ხსოვნას

ხმელთ: რა გაპარსვა, რის ტანსაცმლის დაცვლა, სად იცლი კაცი მაგეებისთვის. როგორც კი მთაში ამოვალთ და ცხვარ-ბატკანს დავარჩევთ, წველას დავიწყებთ, ან გასაპარსად სად მოიცლი კაცი, ან თავპირის დასაბანად და ან ტანსაცმლის გამოსაცვლელად ბატკანგაპარსვამდე. ან შინ ვინ გაგიშვებს? ეს ჯეილები კი გარბიან დღეობებში. ჩვენ, ბებრები, ვართ ეგრე ტყიურებსაკით გაბურძენულები, თმა-წვერიანები. შენ თავად იფიქრე, კაცი რომ დათვს შეაშინებ, დათვს, ნადირს, თავადაც ნადირზე უარესი უნდა იყოს ალბათ. ამ წინაზე ორი დათვი შევაშინე ისე, ისე, რომ ალბათ ესლაც გულები ხელით უჭირავთ.

პირადი ბატკანი გაეპარსეთ და ფერმისა დავარჩიეთ, აგრეგატზე უნდა გაგვერეკა. სხვებმა დაგვასწრეს და ბასიკომ ამბავი მოიტანა, ერთი კვირის მერეღა მოგვიწვეს რიგით. აბა ბინაზე ხომ ვერ შევინახავდით და ხორხშივე დავაბრუნეთ ეს გასაპარსი ბატკანიც. მე გაეყვეი. იმ ქოხთანა საბინაოზე ჭარინას ედგა პირადი თოხლი, გაპარსუღლი და მე კიდევ ზევით დავაყენე, ლაროვნის ხევი რომ გამოვარდებო, იმ ხევის პირზე, რიყეზე. დათვი მაწუხებესო, ჩივის ჭარინა, ყოველდამე მატანსო და, მოკლეთ, შეწუხებულთა კაცი, ძილი ვერ დამიძინიაო. ლაროვნიდან გადმოდის, იქიდანაა ჩექლიმით.

მივაყენე ფარა. დაღამდა, დავწექი მეცა და ფროხილადა ვარ. ლაროვნიდან თუ გადმოვა, ჯერ მე მომატანს და მერეღა ჭარინასთან გადავა. ბნელი ღამეა, ცოტას უინულავს კიდევაც. არ ვიცვი, რა დრო იქნება, უნდა წაშეძინოს, ძილ-ღირღალთა ვარ და ამ დროს ქვიშის ჩხრიალი ჩამომწვდა, ბატკნები დაღმა მოდიან. აქ საქმე რაღაცაშიაო, ვიფიქრე, გამოვხედე ნაბლიდანა და სულ რაღაც ორ მეტრაში არ მომდგომიან ორნი, ერთი დიდია, მეორე შედარებით – პატარა, ალბათ დედა-შეილნი თუ არიან. მე ვერა მხედავენ. თოხლებისკენ იყურებიან, სადაცაა უნდა გადაერივნენ. აი თქვენი პატრონის დედაო, რომ წამოვუღექი ზედ ცხვირწინ, არ

ვიცი, რატო ეგრე ძალიან შეეშინდათ, ვეყო, რომ დაიღრიალეს, მიტრიალდნენ უკანვე და ვირებმა რომ იცინან შეშინებულებმა ყროყინი, ეგრე ყროყინითა და ბრაგა-ბრუგით გაცვივდნენ ამ ლაროვნისაკენ. რა ვიცი, რატო ეგრე გულებმა ჩახეთქა, კარგა ხანი გავიდა და იმათი ბრაგა-ბრუგი და ყროყინი კიდევ ისმოდა სადღაც შორს მაღლიდან.

მეორე ღღეს ჭარინას ვუამბე, ეგრე და ეგრე, დათვები შევაშინე წუხელაო და რო გიყურებ, მე მეშინია, დათვებს რას არ შეაშინებდი, ერთი სარკეში ჩაიხედე, რასა ჰგავხარო, სარკე მომაწოდა. მთელი ზაფხული სარკეში არ ჩამეხედა და რომ ჩავიხედე, კინალამ მეც შემეშინდა. ეს სამი-ოთხი თვის გაუპარსავი, გაბურძნული თმა-წვერი, გაშაგებული. თავზე კიდე, აჩქარებულმა ჩემი ქუდი ველარ ვიპოვე და ჩახუაშვილი დაათრევედა რაღაცას, ცილინდრსავით ფარფლებიანს, ტურისტებს დარჩენიყო წინა წელს, ის მომხვდა ხელში და ის დავიხურე. აბა ის დათვები ეგეთ კაცს სადა ნახავდნენ, ჭარინა სულ ნეფედდასაჯდომსავითაა მორთული. კვირა არ გავა, რომ არ გაიპარსოს, თავ-პირი არ დაიბანოს, სუფთა ხალათი არ გამოიცვალოს. აბა ბატკანშია და იცლის. იე კიდე მთელ ზაფხულს ბაკში ნაგდები, იგეთი ვიყავი, რო მართლა გულები ჩავახეთქინე იმ დათვებს.

აღბათ იფიქრეს, ეს ნეტა რა არის, რა ცხოველია, ეგეთი რომ არაფერი გვინახავსო.

მადლი კი დაგვემართა: ერთი კვირა დავრჩი ხორხში და არც მე და არც ჭარინას დათვი აღარ მოგვწყენებია.



იჯივოს ნაამბობი

ალაზნისთაეიდან წამოვედით საპარსად. თან უნდა გაეპარსოთ, თანეუ კრიონილში გაეაბანოთ თოხლიცა და ცხვარიც. მე მშრალს¹⁸ მოვდევედი. ცოტა იყო, ასე ექესასამდის და მარტოს მომიდიოდა. ბატკანს მოხუცები ეტანნენ, ძმები აბულიძეები, ნოდარი და ზაქრო.

იმ საღამოსთვის საჯინჭველეში გამოვედით. დაბლა საბინაოში, ბაშინურთ ნაწველში, იმათ დაედვა ბინა, მე გაღმა გავედი, ერთი ქვიშიანი ტაფია, იქ დავდექი. დაღამდა. ცხვარი მივაყენე, დავაყენე და იმ უფროსებთან გავედი. ერთად ვიეახშმეთ, ეჭამეთ პური, ვილაპარაკეთ აქეთური, იქითური და დაწოლის დრო რომ მოვიდა, მე

¹⁸ მშრალი – ფარა, რომელიც არ იწველება.

ჩემ ყვარასთან წავედი და ისინი იქვე დარჩნენ, რაღა თქმა უნდა. არც ძაღლები წამიყვანია. ორნი იყვნენ, ერთმანეთის ქომაგები. სადაც ერთი იყო, მეორეც იქა რჩებოდა ხოლმე და ვთქვი, ხნიერი ხალხია, ამათთან იყვნენ, ამათ უფრო დასტირდებო. მე ჩემი სიფხიტის¹⁹ იმედი მაქვს.

ნათლიერი ღამეა, მთვარიანი, დარი. დაეწეკი, დამძინებია კიდევაც და ერთიანად სათავე მხარეზე დაფრთხა ცხვარი. მე ეგრე ვიცი, ცხვარი რომ დაფრთხება, სანამ არ გავარკვევ, რა ხდება, ხმას არ ამოვიღებ, არ დავიკივლებ. ხო და, ახლაც, გაუხედე, კაცო, და დათვი წამოერია. ერთი დაიჭირა იქვე ქვიშაში და გაექცა, ვერ დაიმორჩილა. ისევ გადმოხტა და ერთი აქ ჩემს ახლოს დაიჭირა. მე ერთი ჯინტრის ბუნქი მეფარება, ვერა მხედავს. ეს დაჭერილი ცხვარი პირდაპირ ჩემსკენ წამოიღო. ამასობაში მე თოყში ვაზნა ჩავაგდე, კარგა ახლოს მოეუშვი, ბეჭებში დავუჭირე და დავაცეცხლე. ტყვიამ ტყლაშანი გაიღო, მოხვდა. ერთი დაიღრიალა, ცხვარიც იქავე დააგდო და ხევისკენ გადაეშვა: ცხვარი წამოხტა და ფარაშივე შეეარდა. ეტყობა, ვერაფერი დააკლო.

¹⁹ სიფხიტე – სიფხიზლე, სიმარჯვე.

– აი დედა გიტირე პატრონისა, წაგერთვა ჭამის
მადლო – მივაძახე.

წამოვუარე ფარას, შემოვაქუჩე და დავწექი ახლა
უკვე გულდიდად. ის აქ აღარ მოვა და განა რამდენი
დათვი უნდა იყოს ამ მიდამოებშიო, ვიფიქრე.

მეორე დილას ცხვრის გაშლამდევე გავედი
მოხუცებთან და ვუთხარი, პაპაშებო, ღმერთმანი,
წუხელის ეგეთი და ეგეთი ამბავი მქონდა. ამ ცხვარს
რომ გავამგზავრებო, ერთ-ერთი თქვენ ამ ჩემ ფარას
გაჰყევით, მე კვალს ჩაყვები, ის აქვე სადმე ჩაკედებოდა
და ტყუილად მოკვლას რას გამოვრჩებით, ტყავს მაინც
წამოვიღებ და ცოტა-მატა სამწვადეებსაც ავაჭრი, ამაღამ
ერთი დათვის მწვადები ვჭამოთო. კარგო, იმათაც, ვგრე
ექნათო და ზედვე ბრიგადირიც მოგვადგა, ჯამრულიძე.
ის საპარსიდან წამოსულიყო ჩვენს მოსაშველებლად
და ცხვრების გაშლამდე იქ მოგვივიდა. იმასაც
ვუთხარით, ვგრეა ჩვენი საქმეო და წადიო, მითხრა,
შენ წადი, ფარას მე გამოვყვებიო.

საჩამ პური ვჭამეთ, ბინა აყვარეთ, ვირები დაგკმაზეთ,
უკანიდან პიპილოს ბრიგადის ცხვარი მოგვადგა.
გიგოლაშვილი ეტანა იმ ფარას, ტრისტანი. იმან
ხანჯლის შემოხსნა დაიწყო, ხანჯალი ერტყა წელზე,
წაიღეო. არ მიჩნდაო, ვუთხარ, ერთი დათვი არაა, რათ

მინდაო. არ წამოვიღე და ვინაჲე კი მერე.

გავისტუმრე ფარები და ჩაეყევი დათვის კვალს. არა და ორი ვაზნა მაქვს. სულ სამი მქონდა. ერთი ხომ წუხელ დაეწვი და ორიღა დამრჩა, იმ ორით მივეყები. ტყვიამ რომ ტყლაშანი გაიღო, მე იმან გამაბრიყვა. რაკი მოხვდა, მგონია, რომ მკედარს მიუადგები სადღაცა. სისხლიანი კვალი მიდის. საჯინჭელის ხეზე წასულა დაბლა, შეეწყლისკენ, მაგრამ ალაზნამდე არ ჩასულა, მარჯვნივ გაუხვევია, ჯაეახის ძირისკენ შამბიან ფერდზე მიდის ნაგალი. გაყევი ამ ნაგალს. ისეთი მაღალი შამბია, რომ ზოგან შიგ ვიმალები. ცოტა გავიარე და ერთ შალდაყიან ტაფში ნაწოლს მიუადექი. ახალი ამღგარია, ნაწოლს ჯერ კიდევ ხუმფელი²⁰ ასდის. კარგა ბლომად სისხლიცაა, ჩადედებული სისხლი. წინ რომ ნაგალი მიდის, ისიც ახალია, ნავალზე ბალახები სწორდება. ესე იგი ჩემი მიახლოება იგრძნო და გაძერიდა. მივეყვი, მივეყვი და დავეწვი. დავინახე რომ მიდის და უკანა მარჯვენა ფეხს მიითრევს. მენჯში მოხვედრია, მენჯი მოუტეხია. ძალიან დიდი არაა, მაგრამ არც პატარაა. ჩალისფერი დათვია და ეგენი, ხომ იცი, ძალიან აუშავები არიან. ამიტომ ცოტასა ვფრთხილობ. მივდეკ,

²⁰ ხუმფელი – თბილი ორთქლი.

მინდა დაუუახლოვდე და მერე ეკსროლო, ისე მოვარტყა, რომ დაიმორჩილოს. უცბად კვალი გაწყდა, ნაგალი აღარაა. გავჩერდი. ვფიქრობ, რა იქნა? აღმა ვერ წავა, ფეხი აქვს მოტეხილი, თავქვე ნაგალი არ მიდის, არც წინაა წასული. ვიცი, აქ სადღაც ჩაძისაფრდა. ვდგავარ ადგილზე, თოფი ფეხზე მაქვს შეყენებული. ვეძებ, სად შეიძლება იყოს და დავინახე: ჩემ წინ ხუნწებია²¹ და იმ ხუნწებში შემძვრალა, მელოდება. მივაბრუნე და ეკსროლე. დაიღრიალა, მხარში იტაცა პირი. მხარში მოხვდა. ისევ გაიქცა. მიყყეყი. იარა, იარა და ერთ დაცემულ ტაფობში გადავიდა. შამბია, მაღალი შამბი, მკერდამდე მწვდება. ფრთხილად მივდივარ, ძალიან ფრთხილად. ვიცი, აქ სადმე უნდა ჩამისაფრდეს და მზათა ვარ. ამ ტაფობში ერთი ფოხვის ხე დგას, კაი დიდი ფოხვის ხე. მივედი იმ ხესთანა და ვეეო, იქ არ წამომიდგა! იმ ხის უკან ჩამჯდომიყო. ზედ ჩემ ცხვირწინ წამოიყალყა. სხვა გზა აღარ მქონდა, შიგ დაღებულ ხახაში მივეცი თოფის ლულა, გამოვწიე სასხლეტსა და არ გავარდა. წამგლიჯა პირით თოფი, გაიქნია და გადააგდო. შევრჩით ვგრე პირისპირ. ხელით უნდა შევება, ცარელა ხელით. აი ასლა კი მომაგონდა ტრისტანის

²¹ ხუნწი – ტყის ბუჩქოვანი კენკრა, მოცხარი.

ხანჯალი, მაგრამ რაღა დროს: რა უნდა ვქნა? გაქცევით ვერ გავიქცევი, ზედაა. ყურს წავეტანე, ყური უნდა დაუჭიროო და ამ მარცხენა მაჯაში ჩამავლო პირი, ერთი ტოტი ამ კისერში წამოშისვა და წამაქცია. ახლა წაქცეულს დამეტანა, ამ ბარკალში დამხვია პირი. კიდევ როგორღაც წამოვუდექი. მარცხენა ხელს ვედარა ეხმარობ. მარჯვენით წავწვდი ყურში, ყური დაუჭირე. ყურში რომ მივწვდი, გამეგლიჯა და ცოტა განზე გამექცა. თოყს გავხედე, შორსაა, ვერ მივასწრებ, დამიჭერს. მეტი გზა აღარ მექნა, ვეცი ამ ხესა და კატასავით ზედ ავეარდი. ისიც მოვარდა, მაგრამ ვეღარ მომწვდა, დაჭრილი რომ იყო, ხეზე ვერ ამოვიდა. იღრიალა იქ, იბობოქრა, ცოტა განზე გავიდა და დაწვა, იქა მყარაულობს. რა ვქნა? დაბეგვილი ვარ, დაგლეჯილი, ამ ფეხიდან სისხლი თქრიალით გამდის. მთავარი ძარღვი მქონიყო გაგლეჯილი. ავედი მალლა ტოტებში. ეს დაჭრილი ფეხი ერთ ორკაპში ჩავჭედე. ამან სისხლის დენა ცოტათი შეაჩერა, მაგრამ ეტყობა, იმდენი სისხლი მაქვს დაკარგული, რომ თვალებში მიბნელდება, ვატყობ, გრძნობასა ვკარგავ. ჩამოვვარდები ხიდანა და დათვი დაბლა ყარაულად არის, დამასრულებს. როგორღაც ტოტებში ისე ჩავჯექი, რომ გრძნობას თუ დაეკარგავ, არ ჩამოვვარდე. დავიწყე ძახილი. ამ ჩვენ ბრიგადირს,

ჯამრულიძეს, იქ ჩემ ასწვრიე ჯავახის კლდეებში გადასდენიყო ფარა. იმას გაეგონა ის დათვის ღრიალიცა და ჩემი ძახილიც. — რა არის, რა დაგემართაო, — დამიძახა. — დათვმა გამაფუჭა, მომხედეთო, — დაეუძახე. ის გაქცეულიყო, ჯავახიდან კოკლათაში გადაეძახნა, ილიკო დათვმა გააფუჭა, საპარსზე ჩადით, ხალხი წამოვიდესო. თვითონ უკანვე გამოქცეულიყო და დაეშვა იმ გორ-გორ ტყეზე. მე ვერა მხედავს. აბა სადა ხარ, როგორა ხარო, ძახილით მოდის. მეც აქედან ხმას ვაძლევ და იმ ხმაზე მაგნებს. რომ მოახლოვდა, დაეუძახე, ეგრე ნუ წამოხვალ, გორ-გორ წამოდი, მანდა წვესო. კაცის ძახილი რომ მოახლოვდა, წამოიძონძა და დაღმა დაეშვა. წავიდაო, დაეუძახე, ნულარ გეშინიაო. მოვიდა, ჩამომსვა ხიდან. ფეხზე ველარა ვდგები, ძალა მაქვს წართმული. ხანდახან თვალეებშიც მიბნელებს. იმ ხის ორკაპს შეეჩერებინა, სისხლი კი აღარ გამდის. აგიკიდებო, წაგიყვანო, მაგრამ ოთხმოცი კილო კაცი ვარ, იმ ტყე-ღრეში რას წამიყვანს. ცოტა ხანი გავიდა და — ვაი ჩემს თავს, მაგ თესლდასალეველმა, ხომ არ მოგკლავ, — ჩემი დედიძის ცოლი, ჩემი ქსენოძალო მომადგა. ჯამრულიძემ რო დაიძახა, ის ყოფილიყო სოფელში. გადამჯდარიყო ცხენზე, საპარსზე გაქცეულიყო, ხალხისთვის შეეტყობინებინა, იმავე ცხენით

წამოსულიყო და იქ მომივიდა.

ჩემი თოფი ხომ მოშორებით უგდო. აიღო ჯამრულიძემ, ნახა, ჩახმახი შემართულია, დასხლეტილი არ არის. გადასახსნელ თოფს ხომ ორი ფეხი აქვს: ერთს მოსწევ, გავარდება, მეორეს მოსწევ და ლულა გადაიხსნება. მე აჩქარებულს თუ შეშინებულს იმ გადასახსნელი ფეხისთვის მომიწევია და აბა რას გავარდებოდა.

ხალხიც მალევე მოვიდა, აღარ დაიგვიანეს. ცხენებით წამოსულიყვნენ. აბა იმ ტყე-ღრეზე ცხენებს რას ჩამოიყვანდნენ. ერთს ცხენები დაებრუნებინა, სხვები შოვიდნენ, მოგროვდნენ. ბევრნი იყვნენ. ვეტეკიმიც იყო, ბულრიძე. იმან იქვე შრატი გამიკეთა. შემბინტეს, გამაკრეს საკაცეზე და წამომიყვანეს. ომალომდე სულ საკაცით მატარეს. ომალოში იქაურმა ექიმმა მომხედა, რომანოზმა. ვერტმფრენიც გამოიძახა და თელავამდე თყისოხვევ წამომყვა.

თელავში, სანამ სასწრაფოს მანქანა მოვიდოდა, იქა ვწევარ კედლის ძირზე საკაცით. აეროდრომზე ხმა გავარდა, დათვის დაგლეჯილიაო და მოდის ხალხი სანახაევად. მეკითხებიან, რა იყო, როგორ იყო და მეც ვუამბობ. ერთი ჯეილია მხარბეჭიანი, სქელკისრიანი. — ახო — ამბობს — რატო მე არ ვიყავი. მე ჩამეცინა და

ვუთხარი, კიდევ კარგი, ძმაო, შენ არ იყავი, თორემ მე აქ მაინც ვწევარ და შენ შეიძლება აქაც ვერ წოლილიყავიო.

სად იყო სიცილი.

ეს მიაბზო სამოცდახუთი წლის ილიკო აბაიძემ აღვანის ფიცრის სახერხის საყარაულო ქოხში ნოემბრის ერთ გვიან საღამოს, როცა ორნი ვუსხედით აგუზგუზებულ თუნუქის ღუმელთან პურ-ყველსა და ხელადა ღვინოს. გარეთ ხმიანად წვიმდა და ციოდა. ისმოდა მოდიდებული ალაზნის შხუილი. ჩვენ აქ ვთბებოდით ცალკერძ ღუმელში აგუზგუზებული ცეცხლით, ცალკერძ ჯერ კიდევ სიმწარეშერჩენილი რქაწითლის ღვინით: მე – სმენად მოსული, ილიკო – საუბრის სადერღელაშლილი.



ქვეყანისი

წიქროზე: ერთხელ ამ კანწახმაც მაგარ ჯოხაობას გადაგვარჩინა, თათრებთან ჩხუბს.

ერთი დროა, შემოდგომაა, შიროანში მივდივართ საზამთროდ. სულ ერთნაირადაა აყრილი ეს საქართველოს ცხერები, მთელი გზები ცხვარს უჭყერია. აბა, სანამდის ადგილზე ჩაეაღთ, ხომ სულ თათრების სოფლებზე გადის ეს ცხერის ტრასა, სოფლების ადგილებზე და ძალიან ხშირია ჩხუბ-დავიდარაბა თათრებთან, ცემა-ტყეპა, ნოტოების წართმა, ერთი და მეორე. ხან მართლა წაგივა სოფლის ადგილებში ცხვარი, ხან ტყუილადაც აგიშარდებიან, გამოვა მთელი სოფელი და აბა ერთი და ორი ბინის ხალხს სოფელთან რა გაუვა, გვცემენ, გვართვამენ ნოტოებს.

ამ საქართველოს საზღვარს კარგა დიდზე რომ გავცდებით, იქ ერთი სოფელია, აღჯაბეთს ეძახიან. იქაა

ჭირად გამხდარი ერთი თათარი მეკელე, ერთი შარიანი და აე-შავი რაღაცა, ყარა მაჰმადი ხქვიან. ყოველ შემოდგომასა და გაზაფხულზე გამოუვარდება ხან ვის, ხან ვის, აუტეხავს შარს – ნოტო უნდა წაართვას. აბა ერთ კაცს ნოტოს ვინ დაანებებს. ეს კიდე წამოაცვამს ჯოხზე ქუდს, დაატრიალებს ეგრე მაღლა ჰაი, ჰაი, ჰაიო და წამოვა სოფლიდან ხალხი, დიდი და პატარა, ქალი და კაცი და დადგება ჯოხაობა. მეცხვარეებს სცემენ, უფრო დიდ ნოტოს მოუსხლეტავენ და გარეკავენ. პირდაპირ შეწუსებულია ხალხი. უჩივლო, ვისთან უნდა უჩივლო. აზერბეიჯანია, თათრებია. ისევე შენ გაგამტყუენებენ – აი მინდორი წაუხდინე, აი ნათესი, აი ეგრე და აი იგრეო.

ხო და იმ წელსაც, რო გეუბნები, არ კი მახსოვს, რომელი წელია, რა ხანია, რაც ჩვენი ცხვრები შიროანში აღარ დადის, უკანასკნელი ერთი ორმოცი წელი მაინცაა და აბა, აღარ მახსოვს. მივდივართ ეგრე ერთნაირად აყრილები სულ თუშობა და 'შიგადაშიგ კახების ცხვრებიცაა. იმ სოფლის ადგილებზე გავდივართ, იმ აღჯაბეთისა. წინაც თუშების ცხვარი მიდის, მერე კახები არიან, ჯიმიტლები და მერე ჩვენ მივდივართ, ჩვენი ბრიგადა. რატო არ გავიხედავთ და სოფლიდან წამოვიდა ეს

თათარი ცხენდაცხენ, შორიდანვე ყვირილით. ერთ ჩალა ცხენზე ზის, იორლაზე. წამოვიდა და პირდაპირ ამ კახებს გადაუდგა, აუტეხა შარი. ეს კახებიც შემოეხვივნენ გარშემო, რაღაცას უმტკიცებენ, ელაპარაკებიან, მაგრამ საქმეში ხარ? დგას ამ თათრის ყვირილი. ეხლა ვიცით, რო ნოტო უნდა წაართვას. არა და გამოიყვანს მთელ სოფელს და აცემინებს მეცხვარეებს. აბა ჩვენც წაველით, ვინაც ცოტა ჯეილ-ჯუილობა ვართ. კახებია, კაცო, ქართველებია, ხომ არ დავახოცინებთ. თუ საქმე ჩხუბზე მივიდა, უნდა მივეშველოთ. უკანიდან ჩვენ, წინა ფარებიდნააც წამოვიდნენ ბიჭები, თავად ეს კახებიცა და ერთი ხუთმეტ-თექვსმეტი კაცი დავგროვდით ამ თათრის გარშემო. ვინც ცოტა თათრულს ახერხებდა, ელაპარაკებიან, უმტკიცებენ, არა, ამათ ცხვარი სოფლის ადგილზე არ გამოუტარებია, ტრასაზე მოვდივართ, აი ერთი წაიყვანე, აი ორი წაიყვანე და არა, არა ჯერს ეს თათარი. ნოტო უნდა მოუსხლიტოს. ამ ხმაურ-ვაი-ვაგლახზე გამოცვივდა სოფლიდან თათრობა, სულ ჯოხებითა და კეტებით. ერთი ოცდაათი-ორმოცი კაცი მოვიდა. ახლა თითო-ოროლა ჩვენც კიდევ შემოგვემატა და დაუჯგუფდით აქეთ ჩვენ. ქართველობა, იქით – თათრობა. ისინი ბევრნი არიან,

ჩვენ ცოტანი ვართ, მაგრამ არც ჩვენა ვთმობთ. ეტყობა, მაგარი ჯოხაობა უნდა წავიდეს.

ამ დროს წინა ფარიდან წამოვიდა ერთი კაცი. არ მორბის, მაგრამ ფეხჩქარა კი მოდის, ძალიან ჩქარა. ბარწიეხაობაზე შევატყუე, კანწახია. არც ჯოხი უჭირავს, ერთი მოკლე რაღაცა რიკნა აქვს იღლიაში ამოჩრილი. მოვიდა, მოვიდა, ეგრე ხელით მისწი-მოსწია ხალხი და ამ თათარს, ი მთავარი შარისთავი რომელიც იყო, აეტუზა ცხვირწინ, ზედ აეკრა, კინალამ ცხვირი ცხვირზე მიადვა. არც ხმას იღებს, მარტო შმინავს და შიგ თვალებში შეჰყურებს დაჭყეტილი. ვახ! გაჩერდა ეს თათარი. უყურებს ესეც. დაიწვეს უკან და მისდევს. თქვი, რა გინდაო, ეს თათარი და არა, კაცო, კანწახი ხმას არ იღებს, ეგრე შმინვით მიჰყვება ცხვირი ცხვირზე მიდებული. რომ ვეღარ მოიცილა, ეგრე გულზე ხელს ჰკრა, არც მაგრადა და ვაააო, დაიღრიალა ამ კანწახმა, გადავარდა გულაღმა და დაიწყო ხელ-ფეხის ქნევა, ბაბანი, გადაატრიალა თვალები – კედება კაცი. გაშტერდა ეს თათარი, გაანტრებული დაჰყურებს. ეს კიდე გღია ეგრე გულაღმა, აბაბანებს ხელ-ფეხს. უყურა, უყურა ამ თათარმა, – ფაა, ჰოოო! აი ქოფიოდლიო, ჯერ უკან-უკან წავიდა, მერე მიტრიალდა, მოაჯდა ცხენსა და სულ უკან მოუხედავად გავარდა სოფლისკენ.

წასვლა იმისი და გაჰყვა უკან მთელი თათრობა. კანწახმა ცოტა ხანი კიდევ იქნია ხელ-ფეხი, მერე წამოჯდა, ეგრე ხელმოჩრდილვით გახედა. წავიდნენ? აი მაგათი სარჯულავი კიო, შეუკურთხა. ადგა, ჩაიბერტყ-ჩამოიბერტყა ტანსაცმელი, – წადით, ბიჭებო, თავისუფლები ხართო – გაიდრიჯა. იმ ხელ-ფეხის ქნევაში ქუდი გადაჰვარდნიყო, დაავლო თავის ქუდს ხელი, ის რიკნა ისევ იღლიაში ამოიჩარა და ქუდის ბერტყვა-ბერტყვით წავიდა თავისი ფარისკენ.



მეკონცეპტი

თლუმაზე: ერთი დროა, ცხვარი მოგვიდის მაგ ჩანკაანის ხეზე. გაზაფხულია, მთისკენ მივდივართ. წყაროზე მივედი წყლის დასალევად. ერთი ბებერს ქიზიყელი ზის, ალბათ ისიც წყლის დასალევად თუ იყო მოსული. სალაში ვუთხარი, იმანაც დამიბრუნა და ვინა ხართო, თან მკითხა, სადაურები ხართო. თუშები ვართო, ვუთხარ, აღვანელებიო. ხოო და, იმ ბებერმა კაცმა ეგეთი რამე მილაპარაკა:

– ჩვენი სოფლელი ბიჭები დაეკუჩრდითო ერთი რვანიო და მუველეებად გამოვედითო. გაზაფხულია, ცხვრები მოდის და ვითომ ჯეჯილებს უნდა გავუფრთხილდეთო, რომ არავინ წაახდენინოსო. სინამდვილეში კი გამოსულები ვართ, რო თუ ცოტათი მაინც წაუვა ვისმე

ჯეჯილში, ცხვარს წაქართმევთ, დაკვლავთ და ვქეიფობთ. ხან ტყუილადაც აუშარდებით, ტყუილადაც ვართმევთ, ხანა ვცემთ, ხანა გეცემენ და ვართ ეგრეთ.

კაცო, ორი-სამი დღეა, რაღაცა ცხვრები შეწყდა, აღარავინ ჩამოიარა, რო წავართვათ რამეო. არა და მწუადი გვინდა. ვართ ამ გზის პირზედა და ვიყურებით, ნეტა არავინ გამოჩნდებოდ? ერთიანად დავინახეს, შორს ერთი ნოტო გამოჩნდა. მარტო კაცია, ერთი ორასამდე ცხვარი უჩანს და ძალიან გაჩქარებული მოერეკება. არ ვიცი, ვინმეს უნდა დაეწიოს თუ როგორ არის იმისი საქმე, ძალიან კი მოერეკება. ხოო, ვთქვით, აი, გამოჩნდა ჩვენი საკბილოო და დავდექით გზაზე. გზის იქითაც ჯეჯილია, აქეთაც, მაგრამ იმას ჯეჯილში ცხვარი არ წასვლია, მოდის გზადაგზა. მაგრამ რას გაუშვებთ, მწუადი გვინდა. გადაწყვეტილი გვაქ, ამას ცხვარი უნდა წავართვათ. მოვიდა ახლოს. თუშია, ერთი დაბალი რაღაცა, არაბივით შავი კია. ზურგზე გუდანაბადი ჰკიდია, ხელში ჯოხი უჭირავს. არც იარაღი აქვს, არც ძალლი ჰყავს. ჩვენ რვანი ვართ, რვასავე კაი დაჭოპოსნილი ჯოხები გვიჭირავს, ერთს ერთი უისტენიანი თოფიცა ჰკიდია მხარზე. მოვიდა ახლო და გადავუდექით: შე მამაძაღლო, თუშო, ეგ ჯეჯილები რათ წაახდენინეო.

– რა ჯეჯილებიო, – გვეუბნება, – ხომ ხედავთ, ჩემი გზით მივდივარ. მეც შორიდანვე დაგინახეთ, თქვენც ხო მიყურებდით და არ გაეჩერებულვარ, მივდივარ, ჯეჯილში სად შევუშვებდით.

– არაო, ჩვენ კარქა დაგინახეთ, რო ჯეჯილში ცხვარი შეუშვიო.

გვეხვეწება – ბიჭებო – მე ჯეჯილში ცხვარი არ შემიშვია, ტყუილად ნუ მეშარებით, ნუ გამაცდენთ, ძალიან მიჩქარებაო.

არა, კაცო, რას გაუშვებთ, ხორცი გვინდა, თან კაი მოშიებულებიცა ვართ, კბილები გვიკაწკაწებს. ერთი კაი ნაბერწალი დავიჭირეთ და არ ვუშვებთ. გვეუბნება – გაუშვით ეგ ცხვარი, მე თქვენთვის არაფერი წამიხდენია. არა, კაცო, არ ვუშვებთ, ვართმევთ თვალდათკაალ. გვეხვეწა, გვემუდარა და რო არ დავანებეთ, მაშ კარგიო, თქვა და ცოტაზე რომ გაგვცილდა, გუდანაბადი მოიხადა და ჩვენსკენ წამოვიდა. ჩვენ ვუყურებთ, ნეტა რას აპირებსო. რას მოვიფიქრებთ, თუ ამდენ ხალხს მარტოკა ჩხუბს გაგვიბედავს. მოვიდა ახლო და ჯერ, რომელსაც თოფი ეკიდა, ცხვარიც იმას უჭირავს, იმას დაუშვა. თოფიც გააგდებინა და ცხვარიც. ის მამაძაღლი, რო დატრიალდა, სუ ბურთივითა ფრინავდა, ჩვენ იმას ჯოხი ვერ მიეუყენეთ. იმან კი,

რომელსაც მოგვაწვდინა, ზოგს მხარი ჩამოგვაგდებინა, ზოგს თავი გაგვიტეხა, მოკლეთ, უნიშნო თითქმის არავინ გაგვიშვა. ზოგი გავიქეცით და იგრე ვუშველეთ თავსა. ეგრე კარგა დაგვიტყვიპა და მიგვეფანტ-მოგვეფანტა. ამასობაში, ამ ჩვენს ჩხუბ-დავიდარაბაში ის ნოტო ჯეჯილში შესულიყო, დამძღარიყო და გზაზე დაყრილიყო. წამოიკიდა თავისი გუდა-ნაბადი, ის თოყიც მხარზე გადაიკიდა, აჩი, აჩიო, წამოშალა ნოტო და წამოვიდა. თან დაგვიძახა, ბიჭებო, ეს თოფი წნორში მავან მედუქნესთან მოიკითხეთო. მართლა იქ დაეტოვებინა, იქიდან ჩაიბარა პატრონმა.

ჩვენ რომ დაექუჩდით მერე, ერთმანეთს ვაბრალებდით, მე რომ მარტყამდა, შენ რას აკეთებდიო. ის დღე იყო და მას დღე, მე მეველედ აღარ გავსულვარო.

აი ეგ მილაპარაკა ერთმა ბებერმა ქიზიყელმა ჩანკაანის წყაროზე.

კაი ტკბილი მოხუცი ჩანდა.




თიყა

თიყა ჩემი ძმობილია, ხევსური, გუდანდან. ეხლა უნდა გილაპარაკო, როგორ დაეძმობილდით მე და თიყა.

იმ ზაფხულს ხევსურეთში ვწველეთ. ლეზაისკარიაო, გეცოდინება, იმ ლეზაისკარის მთაში ვიყავით. ეგენი ძალიან კარგი საცხვრე მთებია. ისეთი ცხვარი გეყავდა, ისეთი ბატკანი გავზარდეთ, რო შემოდგომისთვის თოხლმა რქა ჩაიხვია. მამალი სულ ჭედლის ფასში გავიდა.

ბატკანი რომ გავპარსეთ, დავარჩიეთ მამალი თოხლი და გამოვრეკეთ გასაყიდად სუყველასი ერთნაირად. რაც საყოჩებედ დავარჩიეთ თამამი თოხლები, ეგ იყო, დანარჩენი სულ გამოვრეკეთ. ცოტა იყო. აბა, მაშინ ხომ პირადი ცხვარი იმდენი არ იყო და მთელი

ბრიგადისა ერთი ოთხასამდე შეიყარა, შეიძლება ცოტა მეტი, ხუთასი კი ვერ იყო, ეგ გამოერეკეთ. მე და ბუთლიჩი გამოვჰყევით და ამირანი გეყავდა კიდე, ბაღლი, ეხლა რომ მოღარეა, ეგა. კაი ყოჩალი ბაღლიც იყო. მოგვიდის. ქალაქში უნდა ჩავრეკოთ და გავყიდოთ.



მთა გადმოვიარეთ, პირაქეთ, გუდანი რომაა სოფელი, იმის თავესე გადმოვედით, ამ სოფლისკე უნდა ჩამოვატაროთ და მერე გზაზე წამოვალთ, გზამართლა²². თხა არა გეყავს. ამ ბუთლიჩს ერთი მუშტისხელა, ცოტა კიდევაც უფრო მოზრდილა მარილის ქვა უჭირავს უკანა და მოუძღვება, თოხლები ლოკვა-ლოკვით მოსდევენ, ეგრე მოგვიდის ეს ჩენი ნოტო. ამ სოფლის გვერდზე უნდა ჩამოვატაროთ. ცალ მხარეზე ერთი კლდე ჩასდევს, ცალ მხარეზეც ნახნავია, ქერის ყანები. იმათ შუაზე კარგა განიერი ადგილია, მახტებიანი²³ რაღაცა ველი ჩამოდის და იმაზე ჩამოვემართენით. იმდენი ადგილია, რო ქუნად რო გამოვრეკოთ, მაინც გამოივლის და ჩვენ ცოტა გაწალიკებით მოგვიდის, გამოქეჩვით. ერთიანად დადგა ამ სოფელში კივილი და აი, ცოლსა და დედასაო, ერთი კაცი წამოვიდა ჩვენსკენ. მოდის, იგინება და თან როგორ იგინება, ცოლსა და დედასო, მანდ სად მოგიდისთ ეგ ცხვარიო. კაცო, მოგვიდის, არაფერს ვაფუჭებთ, ყანა არ არის, სათიბი არ არის და რატო ეგრე გაჯავრდა, ძალიან კი გაჯავრდა. იქ ქვევით კიდევ, სამანქანე გზასთან საპარსი აგრეგატებია გამართული.

²² გზამართლა – სწორი გზით, გზიდან გადაუსვლელად.

²³ მახტები – გრაკლის ბუჩქები, პირმზითებში ხარობს.

მთიულეები ყოფილიყვნენ, მთიულეებს ბატკანი ეპარსა. იქ, აბა, დედაკაცები პარსავენ და გამოიშალა ეს ხალხი, ყველა ჩვენ გვიყურებს. ეს კიდე მოდის ასე ბობოქრობით, მოჯავრობს. ვეუბნები, კაცო, ბუთლიჩ, დაგვლევს ეს მამაძაღლიო და აბა, რასაც გვი'ხაძს, გვი'ხაძსო, ამ ბუთლიჩმა. ისევე მოდის, მიუძღვება ამ თოხლებს. ცოტა რა მოახლოვდა, კი დაუძახა, კაცო, ხო მოდიხარ და რაღას იგინებო. – ვიგინები კი არა, მოვიდე მანდა, ცოლსა და დედასო. მე უკან ფეხი დავაჭირე. ვფიქრობ, ჯერ ეგ შალიკო დახედეს, ეგ ძეგლეგაა და თუ გაჭირდა, მერეღა მივეშველო, მეტი რა ჩარა იქნებაო. მოვარდა ეს ხევსური, აეყუდა წინ ამ შალიკოსა და ეუბნება: შენ იცი, რო მე შვიდი კაცი მყავ მოკლულიო. შენ რა იციო, ამ ბუთლიჩმა, რომ მე თორმეტი არა მყავს მოკლულიო, რას იგინები რო იგინები, ვგრე ვერ იტყვი, რაცა გაქვს სათქმელიო. ვიგინები კი არა და მეტსაც გიზამთო, აქ რაზე მოგიდისთ ეგ ცხვარიო. ერთი ჯოხი ხქონდა მხარზე გადებული, ზედ რაღაცა პლაში ხქონდა გადაკიდებული, საწვიმარსავით, მოისროლა ეს საწვიმარი და ის ჯოხი ერთ თოხლს არ დაუშვა შიგ კუკუხოებში. ჩაიკეცა თოხლი. აი, შენი დედა კიო, ამ ბუთლიჩმა გუდანაბადიც არ მოიხადა, ეგრევე გუდანაბდიანმა დასტაცა ხელი ერთი ქეჩოში, მეორე

სადღაც აქ საქამრეში და, ერთი რაღაცა ნაფხვერი იყო, ამ ნაფხვერზე წააღებინა ხრიალ-გრიალი. ამის დედა კი ამისაო, სუ რეკებით უნდა ჩავიტანო სოფლამდეო. დაიცა მეთქი, შალიკო, მაიცა, ქვეყანა გვიყურებს, სირცხვილია, დავიჭირე ეს ბუთლიჩი, არ გაუშვი. მთელი ის საპარსი გამოსულია და ჩვენ გვიყურებენ, ამ ჩვენ ჩხუბ-დავიდარაბას. ამასობაში ისიც ისევ ამობობლდა იმ ნაფხვერიდანა, მოვიდა და იმ ჯოხისა და ქეას ხელში სჩრის ამ ბუთლიჩს, აჰო, დამკარო, მამკალიო. თავი დამანებო, თორე მე თავად ვიცი რა დაგკრა და როგორ დაგკრა, შენი სწავლება არა მჭირდებაო, წამოვიდა ეს ბუთლიჩი, გამოუძღვა კიდევ იმ თოხლებსა და დავრჩით მე და ეს ხევსური მარტონი.

– შე კაი კაცოო, – მე ვუთხარი – რას ვაფუჭებთ? მოვდივართ, მგზავრი ხალხი ვართ. თუ რამეს ვაფუჭებთ, გვითხარი, ნუ აფუჭებთ. თუ შენ ვართ, ხევსურეთზე მოვდივართ, გვგონია, რომ თავის ხალხ-ქვეყანაში ვართ და შენ კიდევ აქ ჩხუბს გვიტეხავ. ჭკვიანად გვითხარი, რაც სათქმელი გაქვს, ლანძღვა-გინებას რას გვემართლები. იქნება ერთ დროს ჩვენ შეგხედეთ ეგრე და ჩვენც რომ ჩხუბი აგიტეხოთ, ხომ არ იქნება კარგიო. ჯერ გვიკითხე, გაიგე მაინც არი, ვინა ვართ, სად მივდივართ, საიდან მოვდივართ და თუ სანხუბია, მერე

გვეჩხუბე მეთქი. — ეგეთებს ველაპარაკები ამ ხევსურსა და ჩვენაც თანავე მოვსდევთ იმ ნოტოს. ი თუშებიო, რომ ვუთხარი, ცოტა შეკრთა, შეფიქრიანდა ეს ხევსური და მართალი ხარო, მითხრა, მოვტყუვდი, ჯერ ვინაობა მეკითხაო. რო მცოდნეყო, რო თუშები ხართ, ეგრე არ მოგექცეოდით, ჩვენ ხომ ძმანი ვართო. ასე შევერიგდ-გავრიგდით და ამასობაში სოფელსაც დაუპირდაპირდით. წამოდით, მითხრა, ალუდი მაქვს მოხარშული, კარგი ალუდიო და თითო-ორიო დავლიოთო. გავყევი მეც, არ ვიუარე. ეს ბუთლიჩი კიდე, იმ ბილიკის პირში დამჯდარა, ფეხები აქვს ზედ ბილიკზე გამოწვდილი და არც კი შეეცცა, რომ გამოვიარეუთ. მე უთხარი, შალიკო, წამოდი, ეს კაცი ალუდზე გვეპატიუება, თითო ალუდი დავლიოთო. მე ვეპატიჯები. წამეედი, შენაც წამეედიო, ახლა იმანაც უთხრა, აღარაფერი ჩარა დაედვა, იმასაც, მე რომ ვეპატიჯები. ეს ბუთლიჩიც აგვედევნა რეულა ძაღლსავით შორი-ახლოს.

მივედით, შინ მიგვიყვანა. არ ვიცი, ამ ბუთლიჩმა მუშტი მოარტყა თუ იმ ნაფხვერზე გადაგდებისას გაექლირტა, ამ ხევსურს შუბლთან ცოტათი გატლექვილი აქვს, სისხლი შემხმარი. რა არისო, ცოლმა უთხრა, ერთკვადს ხომ არ ექნენითო. არაო, რა ერთკვადს ვექნენითო, ჩვენაო ხო ძმანი ვართო, ჩვენა და თუშებიო.

ეს კაცი ყოფილიყო თიაცა. იქ, გუდანში ეცხორა და ყოფილიყო ერთი ავ-შაეი, რო იმ მეცხვარეებს, იმ მთიულებს თურმე სუ შიშითა ღლეეს. ალბათ ჩვენც მთიულები თუ ვეგონეთ, ი ცხვარი რო მოგვიდიოდა, იქ გაძოგვივარდა.

ხქონიყო მართლაც ძალიან კარგი ალუდი, ეს არაყი და მე და ბუთლიჩმა ერთი კარგად გული დაუდევით იქ პურის ჭამას. მერე მე ხანჯრის საწვერეც მოვიკითხე და ვერცხლი ჩაეფხიკეთ. მე და ეს თიაცა ძმად გავიფიცენით. ჩვენ კი კაი დრო გავატარეთ, მაგრამ იმან კი მთელი საღამო გული ვერ გაიხსნა, ეს რატომ დამემართაო, რატომ ჯერ ვინაობა არა გკითხეთო, რატომ გეჩხუბეთო. რაღა იქნებაო – ჩვენ – ხდება ეგეთებო.

ვგრე იყო ჩვენი და თიაცას საქმე.



სხამქების კაზაყობი

დადაანთ ლორსა: ომის დროა. ჯერ კიდევ ბაღდადა ვარ და ცხვარში ვარ მაგ პირიქითის მხარეს, ბერწში. გირევის ზევით, ძარღუნაის ხევს რომ ეძახიან, იმ ძარღუნაის ხევში მიძეს ბინა, დაბლა, ქვიშაში. არ კი მახსოვს, რომელი წელია, მაგრამ ის დრო კია, ქისტების ბანდები რომაა არეული, იბი-იდრისაებისა და შიშიანობაა. წინა შემოდგომას მეცხვარეები დახოცეს დიყიანში, იმ ზაფხულსაც წოვების კოლექტივის ცხვარი გარეკეს ალაზნისთავიდანა და ნიადაგ რო შიშიანობა იქნება.

კინაღამ ერთი თვე გავიდა, კაცო, და უკაცრაული პასუხია, ტანთ არ გამომიცვლია, არ დამიბანია, არ დამირეცხია. გადავედი საწველ ბინაში და ვუთხარი, ერთი სამი დღე შემეცვალოს ვინმეო, რო ტანთ

გამოვიკვალო, დაეიბანო, დავირეცხოო. მე წავალო, მე გაგჰყვიები ბურწსაო და შენ მიეშველე წველაშიო, თიაზომ მითხრა. წავიდა ისი და მე დავრჩი ბინაში.

დაღამდა. დიდი ხანი არაა გასული და ჩოვარდა ეს კაცი ბინაში სახრინაამომჯდარი²⁴. იგუთია, სულს ველარ იქცევს, ქისტები დამეცნენო.

– კაცო, სადა, როგორ, რანაირად?

– როგორაო და ძარღუნაის გორზე გადმოჩნდნენო ერთი რვანიო. მე გამოვიქეცი და მერე რა ქნეს, რა არა, აღარ ვიციო.

– კაცო, წავიდეთო – ვუთხარი. ერთი ათი-ხუთმეტი სული ჩემებიცა მყვანდა და იმათი დარდი მაქვს.

– არაო – მითხრა – ერთი მაგათი დედაცო, მაგათიო. მე კი არ მოვეკვლეუინები და შენ თუ გინდა წადიო.

აღარცრა. დავიცადე მეც გათენებამდე და რო შემოთენდა, წავედი. მივედი, კაცო, და ცხვარი ადგილზე დგას. ძაღლებიც იქ არიან. არაფერზე არ ეტყობა, რო აქ ვინმე იყოს ნამყოფი.

რალა იქნებოდა, დაღამდა ის დღე. ჩამოვაყენე ცხვარი ნაწიდარზე, დროინადვე ვივახშმე, ძაღლებსაც

²⁴ სახრინაამომჯდარი – ფრაზეოლოგიზში. ძალიან დაღლილი, დაღლისაგან ძლივს რომ სუნთქავს, ყელში ხრიალებს.

ვაჭარე და შიგ ცხერებში ჩავწექი. ნაბადიც თეთრი
მაქ, თექაცა და ცხერებში არც კი ვეტყობი. მთვარე
ამოვიდა, გაანათა იქაურობა. შევხედე, კაცო, და ამ
ხევის გაღმა გორზე ერთი შვიდი-რვანი დგანან
მართლაც. ორნი, განაპირას რომლებიც არიან,
ლაპარაკობენ, თითქოს ხელებს იქნევენ. ოხ, ვიფიქრე,
ეგ ორნი ალბათ უფროსები არიან და დანარჩენებს
ვლაპარაკებიან, ეგრე ჩავიდეო, ეგრე და ეგრე ექნათო.
რა დამაძინებს! შევეყურებ იმათა და ველოდები, როდის
წამოვლენ. ვამბობ ჩემთვის, თუ როგორმე წამოვიდნენ,
ხევ-ხევ გავიქცევი, ჰეროსკენ გადავალ, სათავეზე
გადაუვლი და ბინაში ჩავალ. კაცო, არ მოდიან, დგანან.
ის ორნი კიდე ლაპარაკობენ გაცხარებით. შევეყურებ
თვალედაჭყეტილი. ეგრე გავათენე მთელი ღამე,
თვალი არ მომიხუჭია. ეს თვალის კილოებიდა მტკივა
დაჭყეტისაგან. თენება დაიწყო, ამონათდა და ეს
კაცებიც დაპატარავდნენ. გათენდა და რა? სხამაები
არ არი! ოი, თქვენი მომგონი დაიქცა!

ცხვარი გაეშალე და გადავედი ბანაში. ეუთხარი, რო,
ღმერთმანი, იქ ქისტები არიან, წუხელაცა ვნახე, წუხელ
არ ჩამოვიდნენ, მაგრამ ამაღამ უეჭველად ჩამოვლენ.

ადო იყო, ბებერი კაცი და იმან, რომაო, რა უნდ
გვიყონო, განა რამდენნი მოვლენო, საღამოს ყველანი


გადავიდეთო, თოფებიც წავიღოთო და ნუ გავატანთო, დაეუღბეთო.

ეგრე მოვილაპარაკეთ და მე წავედი ჩემ ფარასთან. საღამოს ჩამოვაყენე ცხვარი ნაწილარ'ხედა და ბინის ხალხიც მოვიდა. ეს ადოა უფროსი კაცი, დანარჩენი სულ ჯეილ-ჯუილები არიან. საჭმელიც იქ ჩამოიტანეს, იქ ვივახშმეთ. პურის ჭამაზე რო ვართ და გავახედვინე, აგე, სადა დგანანო, სად გადმოდგნენო. გახედავ ამ მოვარის შუქ'ხედა და კაცები დგანან, კაცო, შავად. ის ორნი კიდე უქნევენ ერთმანეთსა ხელებს, ლაპარაკობენ. ალბათ ის ორი სხამა ჭარბად ცირციკელაზე თუ იდგა და ქარი თუ არხეედა. ამ ადომ, არიქა, ჩაფუსხდეთ, არიქა, ძაღლებმა არ დაიყუფონ, პურები დაუყარეთ... მოკლეთ, გაგვანაწილა, თან გვარიგებს, ახლოს მოვუშვათ, ეგრე ვესროლოთ, შენ აქ ჩაუსაფრდები, შენ ეგრე შემოუვლი, იქნება იარაღი დავაყრევინოთ, ნუ დავხოცავთ და ეგრეო და იგრეო. ბევრნი არიან, კაცო, არ ვიცი, ექვსნია თუ შვიდნი. მოკლეთ, დავიკავეთ თავთავისი ადგილი. ეს ადო ბებერი კაცია, იმასაც ხომ არ მოვატყუებ, მიფუწექი გვერდზედა და ვეუბნები: ადო ძიო, ეგენი სხამაებია, შენ ხმა არ ამოიღო და ესენი ამალამ მაგ სხამაებს უნდა ვაყარაულოო. – ეგენია თიაზოს ქისტებიო და – ეგენიაო. გადაბრუნდა ეს კაცი

და სიცილისაგან დაგორდა. – რა არის, რას იცინიო, იმათა და – არაფერიო, ეს პასკა დამეჯახა და დამაგორაო. ერთი მორქენალი ვაცი გეყავდა, პასკას ვეძახდით და მითამ იმან მირქინაო. არიქათ, არ დაგეძინოსთო, არ მოგეეპარნეხო. მე და ეს ადო წავეხვიენით ნაბდებშია და დავიძინეთ. იმათ მაგრამ, იმ დანარჩენებს, როგორც შენ არ გძინავს ემ წუთას, ისე იმათ არა სძინებია იმ ღამეს.

ღილას ჯერ კარგად გათენებული არ იყო და ამ ადომ ფეხი წამკრა, ბაღლო, ადექი, ეგენი რაღაცას ჩოჩქოლობენ, მგონია გატყეპას გიპირობენო. მეც, ყოველი შემთხვევისთვის, განზე გავედი. რა ვიცი, ზოგს ხუმრობა არ შეჰხდება, რა იცი, ვინ რა ხასიათზე დადგესო, ვიფიქრე. ისინი კიდე დაქუჩებულან ერთად, შეკყურებენ ამ სხამაებს, ზოგი ივინება, ზოგი იცინის, ყველანი კი მუშტებსა და თითებს იქნევენ ჩემკენ. მაგრამ აბა რაღას იზამდნენ, მართლა ხომ არა მცემდნენ. იჩოჩქოლეს, იღავიდარაბეს და წავიდნენ.

ის ერთი ღამე კი შერჩათ სხამაების ყარაულობა.



ბიძის, გიგო ცოცანიძის ხსოვნას

მე და ეგ კახი ილა ვართ თოხლში პატარა შირაქში. ეს ილა, თავის ჭკუაში, მითამ მიჩოლფოთებს, რაღაცას თავს მაჭარბებს, მედიდგულეობა. დაიცა, ვთქვი ჩემთვის, დაჩოლფოთება ეგრე არ უნდა მეთქი.

ერთი დროა, ილას ქალის ქორწილი უნდა პქონდეს ალვანში, წამოსვლა უნდა. არა და უკაცოდა ვართ ბინაში, ბიჭები წასულები არიან და არც ვინმე მოდის, რო შეეცვალოს და წამოვიდეს. არის ერთ წუხილ-დადონებაში.

შუადღისას ბინაში მომიხდა წასვლა, არ ვიცი, აღარ მახსოვს, რა დაგვჭირდა, ბინაში კი წავედი და მე რომ უკან გამოვბრუნდი, სწორედ იმ დროს ერთი მანქანა

მოვიდა ჩვენ ბინაში. აღარ მივბრუნებულვარ, არც მიკითხია, რა მანქანა იყო ან რისთვის მოვიდა, წამოვედი. კარგა ხანს კი გაჩერდა, რა ვიცი, რა საქმე ხქონდა. ეს ხო ილამაც დაინახა, ყველაფერი ჩანს მინდვრიდან.

– ის რა მანქანა არისო, – შკითხა, რომ ძივედი, – ვინ არიანო.

– ეგ მანქანა შენ წასაყვანადაა მოსულიო – უთხარ – თქვენებს გამოუგზავნიათო და თან თელაურათ ესტატე გამოუტანებიათო, რო სანამ ქორწილი იქნება, შეგეცვალოსო. ჩქარა წადიო, – თან დაეყყოლე – შოფერს ერქარება, არ იცდისო.

იმ დროს ესტატე ერთ ოთხმოცდაათს არის გადაცილებლი, შინ ძლიეს დაჩაჩუნობს.

ამას არც ის უთქვამს, ესტატე რას შემცვლისო, არც ის, ხომ არ მატყუებო, საწვიმარიც იქვე მოისროლა, გამააყოლეო კი მოძაძახა და დაიძრა. დაიძრა და ახლა როგორ დაიძრა – სულ ნაწინწელი ამოდის. ბინას რომ დაუახლოვდა, ის მანქანაც გამოვიდა და წავიდა ელდრისკე. აჰან რომ დაინახა, მანქანა მიდისო, ბოლო ძალა მოიკრიფა და მოკურცხლა, მაგრამ ვეღარ მიასწრო, წავიდა მანქანა.

– რა არის, ილა, რა სულს იწვაო, – ბიჭებმა – სახრინაამომჯდარი რომ მივარდა ბინაში.

– სად არი ესტატეო?

– კაცო, რა ესტატე, ვინ ესტატეს ეძებო?

– ოხ, მაგისი ასე და ისე, მაგისი გიგაო, ეგრე და ეგრე მომატყუაო. სად იყო სიცილი.

გაჯავრებული აღარც გამომეშეველა. მარტომ მივაყენე, მივაქუნე თოხლი სადამოს. სანამ ბინაზე მივიდოდი, მანამდევე შეეკერე და ჭამაზე რო დაეკუნდიო, იქავე ვუთხარი ბიჭებს ეს ლექსი. კახურ კილოზე კი გამოვიყვანე, ილას რო მოუხდებოდა, ისე:

ლექსი უნდა ვთქვა, ბიჭებო,

კახი ილაზეო,

გიგომ მინდვრად გაგიყვანა

ფიზკულტურაზეო,

ოქროდ მედალიც მიიღე

გადარბენაზეო.

ომშიაც ხომ გამოდგები

ბარიკადებზეო,

აფიცრადაც გაგიყვანენ

თქვენ ასეულზეო,

მოადგილედაც მოგივა

თელავრ ესტატეო.

გერმანული კარგი იცის,
გყავდეს მოენეო.
წითელ ვარსკვლავებს მიიღებთ
წარმატებებზეო,
დაპეპლილები ჩაივლით
ალენის შარებზეო.



• ოზნი •

კარხილაური (კარგა გვარიანად შესმული): ბიძაჩემი, გიორგი კარხილაური, ქვეყნის ფასი კაცი იყო. მთელ ჩვენს 'ში'შის ზარსა სცემდა. იგეთი კაცი იყო, რო ტყუილად არავის არაფერს წაართმევდა, მაგრამ არც თავისას შეარჩენდა არავის. გადმოუდიოდა, განა არ გადმოუდიოდა, ცხენებიც გადმოუდიოდა, ხარებიც გადმოუდიოდა, მაგრამ ისინი სულ აქედან იყო გადარეკილები. აბა, თუშების ჯავრს ხომ არ შეარჩენდა!.. ქისტებს ხომ მიუდიოდა აქედან ცხვარ-ცხენი და საქონელი. ის იმაზე, იმ ჯავრზე გადადიოდა და რასაც აქედან გარეკავდნენ, ორ იძღეს იქიდან გამორეკავდა. აბა, ნაკლებს ხომ არ გამორეკავდა, ის იგეთი ვაჟკაცი კაცი იყო. აფასებდნენ, თავად ქისტებიც ძალიან აფასებდნენ.

ერთხელ, მანდ ქერიგოსკენ სადღაცა მოუტანებიათ ქისტებს. ჩასაფრებულები ყოფილან ერთი ოთხნი: სამი ჯეილი და ერთიც ბერიკაცი. გიორგი თურმე სოფლის დასაზვერად იყო და იქიდან ბრუნდება, ის ქისტები კიდე იქა სხედან კლდეს ამოფარებულები. იმ ჯეილებს უთქვიათ, რო მოდი თოფი დაგქრათ ამ მამაძაღლსაო. ამ დროს, ხევი ყოყილა, ერთი განიერი ხევი და გიორგი ისე გაფრენილა ერთ ექვსმეტრიან ხევზე, რო ფეხი არ დაუსველებია. ე, ჰე, ჰე, ჰე ეს როგორი ყოჩალი ყოფილაო, უთქვამს იმ ბებერ კაცს, ამას თოფი არ დაქრათო, ცოდვია ეგეთი ყოჩალი კაცის სიკვდილიო, ისე მოსწონებია იმ ბებერ კაცს. იქ იმათ დაინდეს, არ მოკლეს და აქ ღაზიაიძე ფორემ მოკლა, მე იმის მკედარი და ცოცხალი!..

ხითანაში ყოფილან ჯარში და იქ დაუწყია იმ ფორეს, როძაო შენ რომ ცხენები გადმორეკეო, ის ცხენები მე უნდა მომცეო. მაგათო ჩემი ცხენები გარეკესო და ებ ცხენები მე უნდა მომცეო. ბიძაჩემს კიდე უთქვია, რო იმათო შნო ჰქონდა და გარეკესო და თუ შნო გაქვსო, შენც წადი და გამორეკეო, მეო შენ ცხენები რათ უნდა მოგცე, ჩემი გადმორეკილებიაო. ამაზე წაკამათებულან მანდ ხითანაში და ვარდაგაკეს ჩასაფრებია და იქ მოკლა ხანჯრით. ისიო იმას ვერ მოხკლავდაო, იციან, მაგრამ

მაგ აბაიძე სტეფანას ხელები შეიმოუხევევია, დაუჭერია ის ბიძაჩემი, მითამ გაეაშეველებო. იმას კიდე იმ დაჭერილისთვის ხანჯარი წაუცია მუცელში და მოუკლავს.

შერჩა. აფთარაული თიაზო რო ცოცხალი ყოფილიყო, ისიო იმას არ აცოცხლებდო, იციან, მაგრამ ისიც მანდ ვესტმოს წინ მოკლეს ქაქუცაის პარტიის ხალხმა იმავე ზაფხულს და აღარ დასცალდა, თორე ისიო იმას არ აცოცხლებდო, ისე უყვარდა ის თაყისი სიძე.

მე ხომ ბებერი კაცი ვარ და იმისი რო ვინმე შემიხედეს, არ დავინდობ, შობელძალლი ვიყო, თუ დავინდო. ბიძაჩემის, გიორგი კარხილაურის ჯავრი უნდა ამოვიყარო.

ნესტორა (ოდნაეშესამჩნევი ეშმაკური ღიმილით):
წუხელი მანდ, ნადილიურთაში მეძინა ბარგებთან, ბარგებს ვყარაულობდი. შუალამე გადასული იქნებოდა, მომადგნენ ეს კარხილაური და აბაიძის ბაღლი. ბნელა, არაფერი არა ჩანს. მე ხმაზე ვიცანი და ისინი ვერა მცნობენ. მთვრალეები არიან. მე კი არა, მგონია თაყის თაყსაც ვერა სცნობენ, ისე არიან გამაძღრები. ჩამოხდნენ ცხენებიდან, დამისხდნენ გვერდზე. შენაო ვინა ხარო, ეს კარხილაური მეკითხება. ესე მიზის გვერდზე, მაგრამ

ვერა მხედავს.

– მეო – უთხარი – ოთარი ვარო, ღაზიაიძე ფორეს ბიჭიო.

– აბაო, მაშ მე და შენ ხო მოსისხლეები ეყოფილვართო – მეუბნება.

– რათა მეთქი, კაცო, რათა ვართ მოსისხლეებიო?

– მამაშენმა ბიძაჩემი მოკლა და ჩვენო მოსისხლეები ვართო.

– ალბათო ტყუოდა ის ბიძაშენიო, ალბათ გააჯავრა და იმაზე მოკლაო – მე ეუთხარი – აბა ტყუილად ხომ არ მოხკლავდაო. ჩვენმა წინაპრებმა ერთმანეთი დახოცეს და ჩვენ რა შუაში ვართ, ჩვენც ხომ არ დავხოცავთ ერთმანეთსაო.

– ხო, აბა, რაღას ვიზამთო – ამ კარხილაურმა – მე და შენ კი რა უნდა ექნათო.

მთერალები არიან, კაცო, ლაპარაკობენ ხან აქას, ხან იმას. მერე დაავიწყდებათ, მე ვინა ვარ ერთი ჩაჩანას მეძახის, მეორე ოთარას, მეძახის.

– შენ ვინა ხარო? – კიდევ და კიდევ მკითხავს ეს კარხილაური.

– მეო ღაზიაიძე ვარ, ფორეს შვილიო – მე.

ეს არ ეჭაშნიკება, – მაგრამ აბა რაღას ვიზამთო – იტყვის და მერე სხვა რაღაცეებს მოჰყვება.

– ჩადითო – ვუთხარი – ილიურთაში ქეიფია, არკადის
პურ-მარილი აქვს, აბა აქ მე ვერაფერს დაგაღევინებთო.

შესხდნენ. ერთ ათ ნაბიჯზე იქნებოდა
გამოცილებული, ალბათ მოაგონდა თუ, მე რომ დაზიანიძე
ვარ – არა უშავ რა, გავსწორდებითო, – დამიძახა ამ
კარხილაურმა.

ჯერ კი ვიფიქრე, მოდი ერთი თოფი დაეუცაღო,
ვნახოთ, ერთი რას იზამსო და მერე ვოქვი, ემანდ კლდეო
არ ეცეს, ეს ხეე-ჭალა არ ამოავსოსო და თავი გავანებე.



≡ კნიაზი

მოსმულა²⁵ ამოვყარეთ ხონჩაში, კალტი მოვაყარეთ და ჩავიდგით შუაში. ყველას დამწვეტებული ჩხირები გვიჭირავს და იმითა ეჭამთ. წივის ცეცხლი გვინთია. ბოლია ისეთი, ძლიეს ვხედავთ ერთმანეთს. ყველაზე საბოლევში კნიაზი ზის, თვალები აქვს დახუჭული, ნელა-ნელა ურჭობს ჩხირს მოსმულებს, ნელა-ნელა ჭამს, თან ლაპარაკობს: გომართელმა²⁶ თქვაო, ცხელი საჭმელი ნელა-ნელა უნდა ჭამოს კაცმაო.

ჩვენ ერთმანეთს თვალი ვუყავით, დაეცხეთ და კნიაზს

²⁵ მოსმულა – ცოჩის მოხარშული პატარ-პატარა კოშტები. მწვერსები დაფშენილ ყველს მოაყრიან და ისე ჭამენ.

²⁶ გომართელი – ივანე, ცნობილი მკურნალი და საზოგადო მოღვაწე. მწვემსებს შორისაც დიდი ბრძენკაცის სახელი ჰქონდა მოხეუჭილი.

ერთი სამი-ოთხი ღუკმა თუ ექნებოდა შეჭმული, ხონჩა დაგაცარიელეთ. უკაკუნა კნიაზმა ხონჩაში ჩხირი, უკაკუნა და რომ ველარაფერს მოარტყა, გაახილა თვალები, დახედა და – ე, ბიჭებო, ხანდახან კი გომართელსაც უტყუელიაო – გაარტო თავის უკან კედელში ჩხირი და ისევ დახუჭა თვალები.



კარხილაური

ჰა, ოხერო, ტყუილად კი არ მიმიცია შენში ოცდახუთი ჭედილა, – შეუძახა კარხილაურმა თავის საფერხეს და ‘რუსულა“ ნალების ჭახა-ჭუსით აატარა ბახტურცხენგანაფრინდომის პიტალოკლდიანი კიბორჭი.

უკუნზე უკუნი სიბნელეა. თვალი არ გაიჩხვირებაო რომ ამბობენ, ისეთი ღამეა. მარტო ცხენების ალლოს მინდობიან მხედრები.

– ჰა, რვაჭედილიანო, სადაც კარხილაურის ოცდახუთჭედილიანი მივა, შენც იქ უნდა მიხვიდე – მიაყოლა წინ მიმავალის ფეხის ხმას თავისი საჯდომი მენავტლემ. აჭახჭახდა ამისი ნალებიც, მაგრამ უცბადვე მოისმა გზის ძირიდან ცხენის ფეხთა თხრიალი, ქვიშის

ჩხრიალი, ხის ტოტების ღაწა-ლიწი და უკვე დაბლა ხევიდან მენავტლის მშობლიური “შენი პატრონის ცოლი და დედაო“.

– აი, დედა გიტყვობს მამაშენმა, არ გინდოდა ოცდახუთის მიცემა? ეხლა ისხედით დილაძე ემანდ შენ და ეგ შენი რვაჭედილიანი, – გადასძახა კარხილაურმა და ხუთ წუთსაც არ გაეელო, რომ უკვე საკვირაოს მთიდან მოისმა სიმღერა: ‘ცხენო, პატრონიმც გენაცვლებ, შავარდენს გიგავ თვალეზიო“.



იოგა

ორნი მოვიდნენ. თითქოს ჭკვიანად, წესიერად შეძრვიდნენ, დასხდნენ, შესმულობა ვერც შევატყუე. ერთი ცოტა დარცხვენით იყო, მეორე ყოიტაობდა. იმან, რომელიც თამამად იყო, რომაო, ამ კაცსო თქვენი ქალი მოსწონსო და მარჯაკლად მოვედითო.

– ბაღღებო, ვისები ხართო – ვკითხე.

– მავნისა და მავნისაო.

– აბა მაშ ეხლა წადითო და უფროსი გამოგზავნეთ ვინმეო – ვუთხარი.

– ოჯახში შემოვედითო და ისე ხომ არ გაეაღთო, რომ ოჯახი არ დავლოცოთო, – ის ამბობს. ის მარჯაკალი.

– ბაღღებო, – ვეუბნები ჭკვიანად – თქვენ ისეთ საქმეზე მოხვედით, რომ სასმელს ვერ დაგაღვეინებთ, წადითო.

– არაო, – კაცო, არა ჯერან – გინდა თუ არა, მოგვიტანეო, – დედაკაცს ეტყევიან.

– ბაღლებო, – ვეუბნები – ესღა თავად წახვალთ თუ მე გაგყაროთო, როგორ გირჩევნიათო.

– არც წავალთ და ვერც გაგყერი, სანამდი თითო ჭიქას არ დავლევთო.



ავდექი, ესე უკან, პალტოს საყელოში მოვიკიდე ხელი და კარებისკენ წავაბაცბაცე, ის, მარჯაკალი ვარო რომ ამბობდა. ხელების ქნევა დაიწყო, ვითომ უნდა შემომკრას. აბა იმას ხელს როგორ შემოვაკერევიანებდი, ცალი ხელით ხო ეს მიჭირავს, ცალითაც კარები გავაღე და შიგ კარებში ერთი შემოვხკარი. სუსტი ყოფილიყო, იქავე ჩაიფუფქა. ეს რო წაიქცა და შენი დედაცა და შენი ქალიცო, ეს სასიძო წამომემამლავა. იმასაც ვტაცვი საყელოში ხელი და ერთი შემოვხკარი. ის უფრო მაგარი

ყოფილიყო, არ წაიქცა, მეორე შემოვხკარი, არ წაიქცა, მესამე და კიდე არ წაიქცა. დედაკაცი მეცა ხელებში, კაცო, რასა შერები, არ მოხკლა, გაუშვიო. გაუშვი და წაიქცა.

– რა ვიცი, აღარც ისინი გამოჩენილან და არც არავინ იმათი გამოგზავნილი მოსულა. დედაკაცი მენხუბება, შენ თუ ეგრე უბაჟუნე მარჯაკლებს, აქ ვინდა მოვა, ეს ქალები დასათხოვრები დაგვრჩებიანო.



მარტილოს ბელვაში

საჩილოლოში, მარტილოს ბელვაში, სამნი უსხედან სამფეხა ტაბლას: მარტილო, იბახა და კანჯიხა. მარტილო და იბახა საჩილოლოელებია, კანჯიხა – გოგრუელი. სამჯერ ჩამოიარა ძროხის რქის ჭაჭისარაყიანმა ყანწმა. კანჯიხასა და იბახას შორის სანახირეების გამო თავიდან უწყინარი კამათი თანდათან გამწვავდა, გამძაფრდა და უცბად მოდავეებმა სუფრის გადაღმა-გადმოღმიდან საყელოები აუკრიფეს ერთმანეთს. უკიდურესობამდე დაიბერა მოთმინების ბუშტები, სადაცაა დასკდება.

– ნეტა არ იქნება, ჩახოცოთ ერთმანეთი, მე კი თქვენი გულისთვის ერთ გოჯზედაც არ გადავცურდებიო – მარტილომ ღანძილის მწნილის კარგა მოზრდილი ღერო

მიკეც-მოკეცა და დაუღვევრად ჩაიდვა პირში.

– ფშუუუუ, – მოისმა ორივე მხრიდან. ბუშტები ჩაიფუკა, ჩაიფუკა და მოჩხუბრები თავთავიანთ ნასხდომ ჩიკებზე²⁷ ჩაეშვნენ.



²⁷ ჩიკა – ტაბლასთან საჯდომი პატარა სკამი.

საჩინო დღესი საამბობი

უძღვნი სეტო ხაჩიძეს

გვიანი შემოდგომა იყო, მშრალობა, ხმელობა. გიორგობის თვეა დამდგარი, გიორგობები კი ჯერ ჩამოხდილი არ იყო. საგიორგობო არაყებსა ეწურავდი გუბთ ბოლსოზე. დიკლოსკენ წასასვლელი გზის სულ ცოტა ზეზერე²⁸ მქონდა გამარული არაყსაწური.

მზეჩასვლის ხანი იყო, ბევრი აღარა უკლდა რა მზის ჩასვლას, რომ ჯიჯურბაბომ გაიარა დიკლოსკე მიმდინარმა. რა საქმეზე მიედინებოდა, რა უიცი, რაღაც დაფიქრებული კი მიდიოდა, გულსხვაყოფით. ჩემსკენ არ გამოუხედია, მგონია, ვერც დამინახა, მე რომ იქ ქვაბ-საარაყე მედგა. წელზე ხანჯალიც ერტყა და მხარიღლივ ხმალიც ჰქონდა გადაკიდებული. თოფი არა, თოფი არა ჰქონდა.

²⁸ ზეზერე – ცოტათი ზემოთ, ცოტათი მაღლა.



დაღამდა. კარგა ღამემ გაიარა. სულთახა-მრავალაები
შუა ცას მოეზნენ. ბოლო ქვაბი ჩავასხი, ჩავლესე,
ცეცხლი შეეუკეთე და ვზივარ ყვერბთან, ცეცხლის
შუქზე წინდასა ვქსოვ. ერთიც ვნახოთ და ამ ნივრეს
მხირდან რაღაცა ბრავა-ბრივი მომესმა, თან ჩახა-ჩუხიც
მოდის. გაგონილი მაქვს, რო აქაო საეშმაკე ადგილიაო

და ერთაღლია შემეშინდა, შემეშინდა, რო სულ ტან-
ხორციით დავიშალე. მაგრამ ჩქარავე გულს შემომვარდა,²⁹
რო ეგ ხო ჯიჯურბაბომ გაიარა დიკლოსკეო და ალბათ
ის მოდის, ისა ბრუნდებო. დაუგდე ყური და მართლაც
კაცის ფეხის ხმაა. ის ჩახაჩუხი კიდე, ხმალი რო ეკიდა,
იმ ხმლის ქარქაშის საწვერე ხედებოდა გზადაგზა ქვებსა
და იმის ჩახა-ჩიხი ყოფილიყო. თან ცოტა შესმულიც
ეტყობოდა, რაღაცას მოდილინებდა, მოჟურჟურებდასავით
თაეისთვის.

მაცა შენაო, ვთქვი, შეშინება ეგრე არ უნდაო! ის
ნაქსოვი წინდაც იქავე კერასთან მივდე, მანდილის
ქვეშიდან თმები გამოვიშალე, კიკინოებსავით³⁰
გამოვიწეწე აქ ყურებთან და გამოვედი, ზურგით
ცეცხლისკე და პირით გზისაკე დავდექი. რო
დამიახლოვდა, ცეცხლის შუქმა მიანათა, შემომხედა
და მუჰაო, ერთი წავიბუქუნე, წავქანდი იმისაკე და
გავჩერდი. გაჩერდა ისიც. მიყურებს და ეუყურებ. ის
სახეს ვერ მიხედავს, ცეცხლი ზურგისკე მინთია, მე
ვხედავ. ვდგავართ ეგრე. არც ის იღებს ხმას, არც – მე.
ერთიც კიდევ წავქანდი ეგრევე უჩუმარი და გავჩერდი

²⁹ გულს შემომვარდნა – მოგონება, მოფიქრება.

³⁰ კიკინოები – დალალები.

იმისიშორეზე კი, რო თუ როგორმე ხმალი წამოიწვავდა, არ მომაწვდინოს, გავექცე. ხო და ი მეორედაც რო წავექანდი, ან ხმალი ვის მოაგონდა, ან ხანჯარი! – ღმერთო, უშველე ვაჟკაცსაო დათქვა, პირჯვარი გადაიწერა, მიტრიალდა და აბააჰა! წაიღო ხრიალ-გრიალი უბაჭისაკე. სადამდე რა ირბინა, რა ვიცი, კარგა ხანს კი მოდიოდა ძგუილი იმ სიბნელიდან.

რას დაძღვებოდა, მეორე დღესვე გავუქვეყნე. სწყენიყო, სულგანათლებულს, სწყენიყო, რო სიცოცხლეში ხმა აღარ გამცა, უნძრახავე მომიკვდა. რო მოკვდა კი შევაყარე წინდები³¹ სასახლეზე, ხმითაც ვიტირე. მე კი მითამ შევირიგე, მაგრამ ის შემირიგდა თუ არა, მაგისი კი რაღა ვიცი, იქ რო წავალ, იქ გავიგებ.



³¹ წინდების შეყრა – თუშური ადათის, ქალს თუ მომდურავი მოუკედება ვინმე, გასკენებაში მივა და მიცვალებულს გულზე თავის მოქსოვილ წინდებს დააწყობს, როგორც შესარიგებელ საჩუქარს.

მცხრადონა

მეცადონის – თებრო იუკურიძის ხსოვნას

– შენ იცი ხალხს წიგნი ვინ ასწავლა? არ იცი, არა? მაშინ ყური დამიგდე და მე გეტყვი.

ჰელოში უცხოვრია ერთ კაცს. ცოტაოდენი ცხვრები ჰყოლია. იმ ცხვრების საძოვებლად ერთი ბაღლი აუყვანია, დაუყენებია მოჯამაგირედ. დილით ჩაუყრის ის კაცი ბიჭს გუდაში ჭამებს, ცხვრებს სოფლიდან კარგა შორამდის გადაუცილებს და მობრუნდება. მორეკავს საღამოს ბაღლი ცხვრებს, მოვა სახლში და გუდას ხელუხლებელს მოიტანს. უკვირს ამ კაცს – რას შერება ეს ბაღლი, რა არჩენს მთელი დღე საჭმელს რომ არა ჭამს, ნეტა ისეთს რას აკეთებსო. ძალიან შეუწუხდა სული.

ერთხელაც, ცხვრები რომ გაუცვილა, ვითომ მოკბრუნდიო და სინამდვილეში კი უჩუმრივე შორი-ახლოს აედევნა, შორიდან უთვალთვალებს.

გარეკა ბიჭმა ცხვარი, ძოვნიტ გადააყოლა, გორებს გადააცილა და ამ დროს საში მტრედი შოფრინდა. ერთ ტაფიაში დაეშენენ, მწევანესე ჩამოსხდნენ. ერთიანისკარტით ქაღალდი მოიტანა. ბიჭიც მივიდა და იმათთან დაჯდა. ცხვრები რომ შორს წავლენ, ერთი აფრინდება, იმ ცხვრებს მოაბრუნებს, ორნი კიდე ბიჭს წიგნს ასწავლიან. ამ დროს გადაჩნდა ის კაცი, გამოეცხადა. მტრედეებმა დაინახეს და გაფრინდნენ, მეტი აღარც მოსულან.

– რა სიავე მოგგონდებოდა ჩემგანო – უთხრა ბიჭმა ამ კაცს – მშიერი ცხვრები მომიდიოდაო, დავკარგე რამეო თუ რა იყოო, რატომ მდარიელობდიო, რატომ დამიფრთხე ის მტრედებიო. ერთი ფურცელიდა დაგვაკლდა, რომ სუყველაფერი ესწავლებინა და ამ დროს გამოჩნდიო, რაც ყველაზე მთავარი იყო, იმის სწავლება ვერ მოასწრესო.

დაიწყებენ, რომაო წიგნიო ვიდაცამ რაღაც როგორღაც ასწავლა ხალხსაო. არაფერიც არ არის და არაფერიც არა. წიგნი მტრედებმა ასწავლეს იმ ჰელოელ ბიჭს, იმან სხვას ასწავლა, სხვამ კიდე – სხვასა და სწორედაც რომ ეგრე იყო.

– ეს მე ჩემი პაპის ნაამბობი მაქვს გაგონილი. უხლა მე შენ გიამბე, სხვა არავისთვის მიაბზია, შენ კიდევ სხვას უამბე და ვგრე იქნება ვგეც – ეს დამიტოვა ანდერძად ჩემი მეზობლის ოთხმოცდაშვიდი წლის დედამ, თებრო იუკურიძემ, ხაბაიძის რძალმა, მეცაიძის ქალმა, გარდაცვალებამდე ორი წლით ადრე.



სისჯილ ყივიჯი

არა, არც ჯეილობაში და, მით უფრო მერე, არც სიბერეკაცეში მე ჩხუბი არ მიყვარდა. ზოგი ჯეილი ხო ეძებს შარს, განგებ მიძყრება, სწადია, ეხალისება. მე არა. საჩხუბარი ლაპარაკი რომ წავიდოდა, მე სულ დათმობაზე ვიყავი, სულ დაწყნარება-დაშოშმინებასა ვცდილობდი. საჩხუბრად ადვილად არც სხვას გაუშვებდი და არც თავად ჩავერეოდი. მაგრამ ზოგჯერ, არ ვიცი, რა მომდიოდა, ისე გაუგებრად, გაუაზრებლად გავებმებოდი ჩხუბში, რომ თეითონაც ვერ გავიგებდი. ყველაფერი რომ დამთავრდებოდა, მერეღა დავფიქრდებოდი, რა როგორ იყო. ხან ვნანობდი კიდევაც, სწორი არ ვიყავი მეთქი, მაგრამ აბა მომხდარ საქმეს სინანული რაღას უშეელიდა.

ჩემმა ძმისწულმა, რომაო, ეგაო სისხლის ყივილიაო. ბიძაშვილის შვილი მყავს ერთი, ისიც წიგნის კაცია ეგრე, შენსავით. თავადაც კარგი მოლაპარაკეა და სხვისა მოსმენაც ძალიან უყვარს. ხოდა მე და ის ვისხედით ეგრე, როგორც ეხლა მე და შენა ვსხედვართ, თან ცოტა-ცოტა ღვინოსაცა ვსვამდით და იმანა, ეგაო სისხლის ყივილია, შენი სისხლი აყიულდებოდა და ის გაგდებდა საჩხუბრადაო. რა ვიცი, ეგ სისხლის ყივილი რაღაა, ან სისხლს რა აყივლებდა? მაგრამ რაღაცა კი დამიბნელებდა ხოლმე გონებასა და გონზე მერედა მოვიდოდი, ცემა-ტყეპა რომ გათავდებოდა.

სულ პირველად ექვსი-შვიდი წლისა ვიქნებოდი, კაცების ჩხუბში რომ გავერიე.

მთაში ჩემი სოფელი პატარა სოფელია, ბუხურთა ჰქვია. შვიდი-რვა სახლი იდგა. ეხლა კი აღარც ვიცი, არილა სახლები თუ არა. ერთი ორმოცი წელი კი იქნება, რაც, იქით პირი აღარ მიქნია, აღარა ვყოფილვარ. ხოდა, ერთხელ ილიურელებმა (ილიურთა, ხომ იცი, დიდი სოფელია, ჩვენი მომიჯნავე) შემოსული ყანები დაუმკეს ბუხურელებს. აბა მაშინ კერძობა იყო, თან დიდი არეულობა. ნიკალაი რომ ჩამოაგდეს, ის წლებია, მენშევიკობის

წლები და მთავრობასაც იმდენი ძალა არა ჰქონდა, ვერა ხელმძღვანელობდა ხალხსა. აი ეგრე აირ-გაირია ქვეყანა, როგორც ეხლათ არეულ-გარეული. ამ ილიურელებს უთქვიათ, რომათ, მაგათო ბევრი ყანები აქვთო, თვითონ ცოტანი არიანო და სახნაურები კი ბევრი უჭირავთო, რატომ უნდა ეჭიროთო. დაქუჩებულან კაცები, დედაკაცები, გამოვიდნენ და დაიწყეს ამ შემოსული ყანების მკა. კაცები მკიან, დედაკაცები კიდე ტვიროებად აწყობენ და მიაქეთ. სოფელში კაცი არ არის ხმის გამცემი. მარტო დედაკაცები სწყევლიან, სთხრიან, მაგრამ აბა იმათ წყველა-თხრას რა ყურს დაუგდებდნენ, არავინ ყურადღებას არ აქცევს. ჩვენი კაცები სულ გარემხარში არიან. სახლში არავინაა ერთი ბებერი კაცის მეტი. ცოცობაბოს ვეძახდით, ცოცაანთი იყო, უშვილო კაცი. გავიდა ისიც, ეჩხუბა, ედავიდარაბა, მაგრამ ყური არავინ უგდო არც იმას. ბოლოს იმანაც შეკაზმა ცხენი და სადღაც წავიდა. ამ ღროს მოისმა აფთარაულის კივილი. სააღმეში იყო ცხვარში. იქიდან დაუნახია, რომ აქ რაღაც ამბავია. გამოქცეულიყო და მოვარდა კივილით, დაგხოცავთ, ამას-იმას გიზამთო. შეკარდა სახლში, თოფი უნდა გამოიტანოს და თოფი არ დახვდა, დედაკაცს დაემალნა.

გამოვარდა იქიდან, წამოიწვავდა ხანჯალი და გადაერია. დაესივნენ ილიურელები, ხანჯალიც წაართვეს და ჩატყიპეს, საქვაბეძირისკენ ჩააქციეს. ერთიანად – ჰა, დედას გიტირებთო, – საკვირაოდან გადმოჰკივლა ვიღაცამ. – ვაიმე, თებრო, შენი მაზლი მოდის, თოფი დამალეო, ბიცოლაჩემს უთხრეს დედაკაცებმა. წამოვიდა ბიცოლაჩემი, მეც თან ავედევნე. კედლიდან მამაჩემისა და ბიძაჩემის თოფები ჩამოხსნა და კიდობნის უკან ჩაყარა. მე დედა არ მახსოვს. ერთი წლისას მომკედომია და ბიძის ცოლი მზრდიდა, იმისი გაზრდილი ვარ. მამაჩემსა კიდევ წესიერად არც კი ვიცნობდი, სულ ცხვარში იყო, იშვიათად გამოჩნდებოდა სახლში და, თუში კაცების ამბავი ხომ იცი, მოფერება რასა ჰქვია, წესიერად არც დამლაპარაკებია. ჩემი ბავშვობა სულ თებრო ძალოს კალთას ვიყავი გამობძული, ის მეფერებოდა, თავის შვილებზე მეტად მიგურგურებდა.

მამაჩემი დიდბოსელაში იყო ცხვარში. იქ მიუტანიათ ამბავი, ღმერთმანი, ილიურელები თქვენ ყანებს მკიანო. ცხენი დაუჭერია, ეგრევე შიშველაზე გადამჯდარა და მოვარდა, შევარდა სახლში, თოფები რომ არ დახვდა, ჯერ ბიცოლაჩემს დაეცია, თოფი რა უყავი, მომეცი ჩქარაო, მერე გაფარდა, ღობიდან

მარგილი ამოაძრო და გადაერია მომკელებში. დაესიენენ იმასაც და ეგრე ქუნდრუზაობით გადაიარეს იწროს ბექსე, გადაეშენენ ქვევით. ჩვენ, ბაღლები და დედაკაცები, იქა ვართ, სასაფლაოს ბოლოზე, იქიდან გადავყურებთ. ილიურელები მალევე ამოქუჩდნენ და ისევე დაიწყეს ყანის მკა, მამაჩემი აღარ გამოჩნდა. აი მაშინ იყო, გამოვევარდი ბავშვებიდან და დავცხე ქვები ყანის მომკელებს. ამათ ამოიხედეს და რომ მიხვდნენ, რა ხდება, ატეხეს სიცილი.

– აი თქვენ არ გაგაცინათ ჩემმა გამჩენმა და ჩემის მამის სალოცავეებმა, ბაღლს მაინც რაღად მიტირებთო – მომკიდა ხელი ჩემმა თებრო ძალომ და აღრიალებული წამომიყვანა შინისაკენ.

მერე რა მოხდა? მერე ის მოხდა, რომ ცოცობაბო წასულიყო ომალოში, იქიდან კაცები მოიყვანა და იმათ გაუყვეს ბუხურთა-ილიურთას სახნავ-სათიბიცა და საძროხე საძოვრებიც. მანამდის საძროხეები გაუყოფელი ხქონიყო. ის გაყოფის ამბებიც კარგად მახსოვს: ერთი დროშა ჰქონდათ, თეთრი ალამი. დაავლებდა ხელს მამაჩემი, გაიტანდა და მწვაქესგორზე დაარტობდა, აქედანაა ჩვენიო; ამოაძრობდნენ ილიურელები, გამოიტანდნენ და

საქებაბეძირს ჩადგამდნენ, აქედანაა ჩვენიო. ეგრე იჩხუბეს, იდავიდარაბეს და ბოლოს ჩაყარეს სამნები: ერთი სამანი წყალთშუ ჩააგდეს, გზის ძირზე რომ პატარა ტაფია, – იქ: მეორე იმის ასწვრივ, მაღლა, შუბლისგორის თავს ფიჭვებთან რომ ბილიკები გადის, იქაა; მესამე ღორღოანას თავში და მეოთხეც – ნარღვევეთის გორში, სახარისკენ წასასვლელი გზის პირას. იმ სამნების მარცხენა მხარე ჩვენი იყო, მარჯვენა ილიურელებისა. სანამ მე იქ დავდიოდი, კარგად ეტყობოდა სამნებიცა და სამნების ბაკებიც. ეხლა აბა რაღა ვიცი, ისევ ეტყობა თუ აღარა, ხომ გითხარი, ორმოც წელზე მეტია, მე იქ აღარა ვყოფილვარ.

ერთხელაც კინაღამ ჩემი ბაღლები დავხოცე. ისე ამერია გონება, რომ ალბათ მართლა დავხოცაუდი, თუ ისე ყოფილიყო საქმე, როგორც მე მეგონა.

ეს თამარა ჩემი მეორე ცოლია. პირველი სხვა მყავდა, თუში, ხელათ ქალი. ობოლი ვიყავი. უდედოს მამაც ჯარეგაში მოძიკლეს ქისტებმა. რაკი ცოტა თავს მოვესწარი, თოთხმეტ-ხუთმეტი წლისავე დამაქორწილა ბიძაჩემმა, პატრონი ეყოლება, სახლ-კარს, სარჩო-საბადებელს მიუხედავსო. აბა ბაღლი რა ქმრობას გაეუწევდი – ის დასრულებული ქალი იყო, ჩემზე

დიდი. გასაფხულზე, შირვანიდან რომ ამოვედი, ცხვარს რომ ამოვჭყევი, აღარ დამხვდა, წასულიყო. დიდი ხანი უცოლოდ ვიარე, კინალამ ოცდაშვიდ-რვა წლამდის. აქ ართანის ტყეში საზამთრო ბინა გექონდა მე, ჩემ ბიძაშვილ იროდასა და აფთარაულს. სოფელში ხშირად ჩამოვდიოდით – მეგობრები გვყავდა, ნათესაეები, ნათელ-მირონი. ხოდა ეს თამარა იმათი მეზობელი იყო, ფილიპეანოი. იმათ ამატოლეს, იმათ გამირიგეს. აბა მე აღევანში სახლ-კარი არაფერი მქონდა და ჯერ ოჯახში შევედი ზედსიძესავეთ, მერე აქვე ავიშენე ერთი ოთახი, აქვე დაესახლდი. ცოლი ყოჩალი გამომადგა – ოჯახიც წესიერად მოიყვანა და ბაღლებიც ჩამოაქუჩა. ოთხი ბიჭი გვყავს და ორი ქალი. ბიჭები უფროსებია, ქალები – პატარები. ქალები წყნარებია, წყნარები იყენენ თავიდანვე, ბიჭები კი, ერთმანეთის მიყოლებულები, იკლებდნენ ჯერ თავიანთ სახლ-კარსა და მერე სხვისას, მეზობლებისას, მთელ უბანს. ახლა ჩხუბი როგორი იცოდნენ კიდევ, ჯერ ერთმანეთში და მერე სხვებთანაც. თან ვირგლები არიან, ტანიანები, ტანადობით დედისკენ წავიდნენ. მთელ სოფელში ყველას პირზე ის ეკერა, აი, მელიტონას ბიჭებმა იჩხუბეს, მელიტონას ბიჭებმა ეს გალახეს და ის გალახესო, ესა ქნეს და ისა ქნესო.

მერე კი, როცა მოიხარდნენ, დამწყნარდნენ, დამშვიდდნენ. ეხლა ყველანი დაბინავებულები არიან თავიანთ ცოლ-შვილ-ქმარ-შვილებში.

ეს ჩემი ბაღლები ჩემიანებს ვერა ხედებოდნენ. ალვანი შორია. თანაც ამათი სწორები, ჩემი ბიძაშვილების ბაღლები, ყველანი სწავლაში წავიდნენ, ნასწავლები გამოვიდნენ და ამათთან ურთიერთობა მაინცა და მაინც არა ჰქონდათ. იშვიათად, ჭირ-ლხინის დღეებში საუ შეხედებოდნენ და ეგრე რა ერთმანეთი უნდა გაეცნოთ, ან რა ერთკვადი უნდა შეეყვარებინათ. გრილათ იყვნენ, გულსგარეთობით. ეხლა და ეხლა უფრო მოუხშირეს მისელა და მოსვლა ამათაც და იმათაც, თორემ ბაღლობა-სიჯეილეში დიდი ერთმანეთობა არა ჰქონდათ. ვეტყოდი ხოლმე ამ ჩემ ბაღლებსა, შვილო, თქვენა თუშები ხართ, თუშობა არ უნდა დაჰკარგოთო და თუშები რათა ვართ, კახებში ვცხოვრობთ და კახები ვართო, ერთი თუშებიცა და იმათი დამკარგიცაო. სუ ცეცხლი წამეკიდებოდა, საცემრად დავეტევებოდი. ესენი კიდე წამოცვივდებოდნენ და სიცილით გაცვივდებოდნენ. ბოლმდის ვერ გავიგე, მართლა გულით ამბობდნენ თუ მე მახელებდნენ.

ერთი დროცაა, შაქრიანზე ამოვედით ცხვრით

მთაში მიმდინრები. ამხანაგებმა შინ გამომიშვეს, სანამ მთას შევეკიდებით, წადი, ოჯახში იყავიო. წამოვედი. ცხენით მოვდივარ, საღამო ხანია. ამ ჩვენი სოფლის ბოლოზე ერთი პატარა ფარა დგას. ორნი მოზდილი ჯეილები არიან, ერთიც ბალლი სტანია. დაველაპარაკე, ვინაობა-სადაურობა ვკითხე. თუშები ყოფილიყვნენ, პირიქითელები. მე იმათი ძამების ცნობა არა მქონდა. ეს ორნი ვართ შეამხანაგებულები, მარტო თავისი ცხვრები გეყავს, საყორნეში უნდა ავიდეთ, იქ უნდა ეწველოთო. აღარც რა. დავემშვიდობე, წამოვედი.

მეორე დილას, ჯერ ისევა მიჩინავს და რაღაცა ყვირილ-ხმაური ჩამომწვდა ძილში. გამომეღვიძა. ყური დაეუბდე, სოფლის ბოლოდან ისმის. ვიღაცეებმა გაირბინეს შარაზე, თუშებსა სცემენო, ისიც გავიგონე. გავიგე, როგორ გრიალით გაცვივდნენ ჩემი ბიჭებიც. მაშიხვე თავში დამარტყა, ალბათ იმ მეცხვარეებსა სცემენო. ეს ჩემი ბაღლებიც რომ გაცვივდნენ, სუ გონი დაეკარგე. ის მახსოვს, რო შარვალი კი ამოვიცივი, ეგრევე შიშველი ფეხები კალოშებში ვტუცე, თოფს ხელი დავტაცე და გავიქეცი. გადაწყვეტილი მაქ, თუ ჩემებიცა სცემენ, უნდა დავხოცო. გავცდი სოფელსა და რასა ვხედავ: ამ ორ მეცხვარეს, ოთხივე ჩემ ბაღლებსა და ამათივე დედიძემიშვილს, ჩემი ცოლიძმის ბაღლს,

გამოუყრია ჩენი სოფლის ჯეილობა და ნახირივით სოფლისკენ მოერეკებიან. მოერეკებიან და რას მოერეკებიან – რომელსაც მოარტყამენ, ან ხელს წაავლებენ, ფეხზე არ აჩერებენ. ეს თამარაცა, ჩემი დედაკაცი, გამომდგარა და დაჰკივის, დაკათ მაგ მიწადასაყრელებს, რა ქომაგიერი ძაღლებივით წასევიანო. გოგობიცა კიდე, ჩემი გაკნაჭული გოგობი, პერანგიანები, ფეხშიშველები, თითო წკეპლა დაუჭერიათ და უშხაპუნებენ ფეხებში ხან ვისა და ხან ვის. აი მაშინ, არ ვიცი, რა დამემართა, სული შემიგუბდა, რალაცა ამომავა, ყელი გამებერა და აეტირდი.

დედაკაცობა ჩაერია და გააშველეს.

ჩემმა უფროსმა ბაღღმა, კიმოთემ, რო მნახა, ეტირივარ, – კარგი, მამი, შენ რალა მოგივიდა, ხომ ხედავ, თუშები ვართო.

თურმე რა მომხდარა: დილას რამდენიმე ჯეილი მისულა ამ მეცხვარეებთან და ბატკანი უთხოვიათ, უნდა დაეკლათო. ამათ არ მიუციათ. წართმევა მოუნდომებიათ. გახდომიათ ჩხუბი. გაცევენილა მთელი ის უბანი და დასევია ამ ორსა. ის დრო იყო, რო მიუსწრეს ჩემმა ბაღღებმა და დაირეკეს სოფლისკენ. თუ ესენი არა, გალახვით ხო გალახავდნენ და ბატკანს კიდე ერათის მაგიერად რამდენიმეს წაართმევდენ.



გეხსომება, ორმოცდათერთმეტში თუ ორმოცდათორმეტში ყიზლარში ცხვრები რომ გაწყდა. მეც ალვანელებთან ვიყავი. კოლექტივის ცხვრებთან, რაღა თქმა უნდა, პირადებიც სულ გაგვიწყდა. ოცათასიდან ხუთიათასილა დარჩა კოლექტივისა. ის გადარჩენილი მსუელი ორ ბრიგადად შეუყარეს და სხეებს გამოგვიცხადეს, სახლებში წადითო. ჩემი ცხვრებიდან ორი შიშაქი გადამირჩა, ეგ იყო და ეგ. ისინიც ილიკოს

ჩაეხარე, ჩემ დეიდაშვილს. ეგრე ცარელ-გარელა სახლში როგორ მივეყუდო, ვიფიქრე, რუსებს მოვრიგდი. იმათ ცხვარი არ დაეხოცა. ჩალა-თივაც მომარაგებული ჰქონდათ და სადგომებიც კარგად დათბუნებული. ჩვენ კიდე, შირვან-შირაქებში ნაჩევეები, არც თივას ვიმარაგებდით და არც ფარეხები გექონდა წესიერად დათბუნებული. ერთი 'სამთარი შეგვრჩა, ორი და სწორედ მესამე 'სამთარი იყო, რო გაგვიწყდა. დავრჩი რუსებთან, უარა ჩავიბარე კოლექტივისა, 'ერასნი კოლხოზისა'. ის ზაფხულიცა და მეორე სამთარიც იქ ვიყავი, ჯამაგირის ფულით ისევ ცხვრები ვიყიდე და წამოვედი ისევ ალვანელებთან.

ხოდა, ერთხელაც, დოლია. ფარეხში ვართ ორნი. ცხვარ-ბატკნებსა ენომრავთ მე და ერთი რუსის ჯეილი. გარედან რაღაცა ყვირილი მოისმა, მჭისე ხმაური, ჩხუბის ხმასა ჰგავს. ვიტიბ, ერთი ნახე, რა ხდება მეთქი. გავიდა და მალევე შემობრუნდა, ერთ 'ჩორნამაზი გრუზინსა' სცემენო. რკინის სანომრავები მეჭირა ხელში, რითიც ნომრებს ვადებდით, ისინიც იქვე მოვისროლე და გავვარდი. ერთ მოხევეს ერთი ხუთნი წასევიან და სცემენ. გაუშვით მეთქი, დაეჰკიეღე, შევევარდი შუაში და დავტრიალდი. მალე ჩვენ ორმა ის რუსები დავიფრინეთ. არა და საცემი კი იყო. მაგათ, მაგ რუსებს, ცხვარში

რომ არიან, ცოლ-შვილებიც თანა ჰყავს. ამ ჩვენი ბინის მომიჯნავედ მოხევეების ბინა იყო. ეს მოხევე მეცხვარე შემოეჩვია ერთი რუსის დედაკაცს. ქმარიც იქაა, კაცო. ამ ქმარმა რამდენჯერმე გააფრთხილა, წესიერად გეუბნები, ნუ დადიხარო და არა, იმან იქ სიარული არ მაიშალა. და ესლაც ამ რუსს შეუსწრია მოხევისათვის თავის ცოლთანა და, რაღა თქმა უნდა, სცემია. სხვებიც მიშველებიან და თუ მე არ ვიქნები, კარგადაც გააბუებდენ. რო დაუფიქრებულიყავი, იქნება არც მივშველებოდი, მაგრამ ი ბიჭმა რო მითხრა, გრუზინსა სცემენო, იმან სულ დამაკარგვინა გონება. მერე ის რუსები მემდურებოდნენ კიდევაც, შენ ჩვენი ბინის წვერი იყავი და იმას რად მიეშველეო. მართლები იყვნენ.

ერთხელ კიდე ფურგონით მივდივარ სოფელში, ფქვილები უნდა წამოვიღო. ზაფხულია, ყანები იმკება და თანვე ხნავენ. მეტრაქტორე-მეკომბაინეებს პური უჭამიათ. საეელე მაგიდაზე თეფშები, ჭიქები, კოვზებია გაშლილი. ორი-სამი ნაარყალი ბოთლიცა დგას, ეტყობა, დალიეს კიდევაც. დაჩხუბებულან – ერთმანეთში ირევიან. გზის პირია, კარგათა ვხედავ. მე რა ვიცი, სუყველა რუსები მგონია. ან რა მესაქმება იმათ ჩხუბთან – იჩხუბებენ და გაშველდებიან. მივდივარ ჩემთვის. ერთიანად დაეინახე, ერთი ხუთმა-ექვსმა რუსმა ორი

მოიქცია შუაში და წაესივნენ. შეეხედუ, კაცო, და ეტლზე ვიცანი, ლეკები არიან. არ ვიცი, როგორ მოხდა, რამ დამარტყა, გავაჩერე ფურგონი, გადაეხტი და შევეარდი 'შუა'ში. ჩვეს სამივემ, იცოცხლე ისინი მიეფანტ-მოეფანტეთ. მანამდისაც და მას მერეც, რამდენჯერ მინახია, რუსი რუსსა სცემს, ხან ბევრნი ერთსაც, მაგრამ მე იქ არ ჩავრეულვარ, არც კალმიკებში, არც კაზაკებში. იმ ლეკების მისაშველებლად რატო გამიწია გულმა, ეხლაც არ ვიცი, ისინიც ხომ უცნობები იყვნენ.

აი ეგენი ვულაპარაკი იმ ჩემ ძმისწულსა და ეგეაო, ბიძაჩემო, სისხლის ყვილიაო. ი ბაღღმა ილიურელებს ქვები რომ აუტეხე, იქაო შენი საგვარეულოს სისხლმა იყივლაო; შენი ბაღღები თუშებს რომ მიეშველნენ, იქ თუშური სისხლი აყივლდაო; შენ რომ რუსებს მოხევე არ აცემინე, ეგ ქართული სისხლის ყვილი იყო და ლეკებს რომ მიეშველე, ეგ კიდე – კავკასიური სისხლის ყვილიო.

– ეგრეა? ან რამდენნაირი სისხლი აქვს კაცსა? მე სისხლი სულ ერთნაირი მგონია.



ს ა რ ჩ ე ვ ი

1.	მეცხვარეთმოცაური ანგელოზები.....	3
2.	ჩინიკას კვერცხები.....	6
3.	ბაღლი.....	9
4.	ქიზიყელის ნაამბობი.....	13
5.	მამის ნაკეაღვეი.....	17
6.	დათვის გონებულა.....	23
7.	მურა.....	28
8.	ამირანი.....	34
9.	მემკვიდრეობა.....	39
10.	მოსე.....	42
11.	მწვეარა.....	45
12.	ბროლია.....	52
13.	ჭრელო.....	55
14.	ძოძე.....	60
15.	სამნი ოთხთან.....	68
16.	ყულქედუნა მგელი.....	71
17.	მეცხვარეობა ცდისა.....	76
18.	დეღგმა.....	85
19.	შავსიელის ნაამბობი.....	92
20.	თურქონთ გაბო.....	104
21.	ჭყოპიშვილი.....	107
22.	დათვი.....	110
23.	ცირკი მთაში.....	119
24.	შეშინებული დათვები.....	122
25.	ილუკოს ნაამბობი.....	126
26.	კანწახი.....	135
27.	მეველე.....	140
28.	თიაყა.....	144
29.	სხამაების ყარაულები.....	151
30.	გიგო და ილა.....	156
31.	ორჩი.....	160
32.	კნიაზი.....	165
33.	კარხილაური.....	167
34.	იობა.....	169
35.	მარტილოს ბეღეაში.....	172
36.	ხაჩიურდელის ნაამბობი.....	174
37.	მტრედები.....	178
38.	სისხლის ყივილი.....	181

შეკვ. № 81

ფასი სახელშეკრულებო

შპს „მერანი-კ“-ის სტამბა, თბილისი, რუსთაველის პრ. №42

ტელ.: (+995 32) 92 29 92; (+995 32) 93 53 96

E-mail: merani3@geo.net.ge